

西華縣續志卷十一

金石志

中州金石發現最多然紀載無人其不日就銷磨者寡矣虛谷武氏金石三跋以宏通之識濟淹貫之學博收詳辨爲中州金石大宗而西華金石文字未見於武氏之書歷代集錄亦鮮紀載豈其人事勝蹟或後於他邑然吾嘗考諸史籍媧簧箕城殷高宗之陵寢固載在秩宗祀典古來賢達之著籍於斯者尤指不勝屈乃商彝無聞卽漢唐之銘功績績者亦不少槩見豈地之愛寶獨甚於斯歟毋亦吉金樂石之遺其發見者不知知者亦未必果存世之篤愛而有力者未必不挾而他之卽其幸存者又未必不在寂寞荒涼之區一任冶鑄者之銷毀與牧童之敲火而牛礪角也是以金屬之大者無存其小者如漢之軍曲候印等且或來自他邑石之古者不存其可見者斷自金源氏以下卽隋之迨像宋之商高宗廟碑今無其器存其辭矣吾是以知西華金石之不存者多也續修邑志同人擬闢金石一門因就採訪所得與搨片所有者分別著存或存其事或存其人或以記異皆隨所見而識數語於後儻亦不賢識小猶賢乎已之義若謂數字偶存不啻孔悝鼎銘數笏羅列均是韓陵片石則製器者當亦不敢作如是想矧此駢拇技指之後語又烏足爲輕重哉吾嘗誦桐岡張氏碑

西華縣續志卷十一

金石

開封建華印刷所承印

幢聞見錄序期於金鑠石枯卷帙嘗在益穆然想見其搜稽精確好古之誠與虛谷老人精詣略同而卒不獲盡讀爲尤可惜也

金石一

〔漢〕河間獻王大吉君子甄

長樂 甄文

貴壽甄文

軍曲候印

陽嘉甄

召陵宮當

〔隋〕造像碑

〔宋〕王汾修商高陵碑

東坡硯銘

法華禪院碑

〔金〕許州臨潁縣潁水創建石橋記

張鎡許州臨潁縣潁水石橋記

重修護國西齊王廟碑

明太祖御製祭商高宗祝文

武宗致祭商高宗碑

賈詠西華縣修學記 重粧玉皇廟記

閔楷儒學科甲題名記

李奇馥史侯去思碑

王敬民新建通潁橋碑 顯慶寺重修碑記 重修玉極觀碑

夏雲重修靜居寺記

劉士奇龍泉寺記

賈蘭壽聖寺重修碑記

李豫重建玄帝廟碑

劉希仁富春縣主墓志銘

董其昌張隱君墓表

西華縣續志卷十一 金石

王夢龍自志銘附理寒石跋

李培李公忠義祠碑

馬魴南柳城寺修建碑

胡嘉棟王所夢墓志銘

石邦彥公建尹公祠碑

朱運昌元金牌萬戶將軍瑩碑

清李賁劉公祠碑

李元振忠烈劉公祠碑

張慶昌重修邑侯劉公祠堂記

鮑振鏞創建栗大王廟碑

程元章重修大覺寺碑

劉人龍潘少荃及孺人墓志

張雲鶴邱氏父子修橋碑

朱俊卿添修磚橋兼修大路碑

王多士雲骨子墓表
馮岷玉重修南柳城寺碑
張嵐峯創修西華學堂碑
金敬五理府君墓表
凌念居重修元金牌萬戶將軍祠堂碑
漢河間獻王君子館甄



按此磚分上下兩欄上欄大吉下欄君子題字處上下約四寸五分寬不及二寸原跋云

西華縣續志卷十一

金石

三

開封建華印刷所承印

此甄有三種有君子有君子風聲有大吉君子皆有君子字樣大吉君子磚小於君子二字方圓半寸色青黑質極堅樸陳午峯題詩云昔聞君子館今見君子甄獲之若金玉對之如聖賢偉哉大手筆補注三百篇千載有真賞當與毛公傳蔣藩金石略存目分注云無年月凌葆生藏葆生上世官河間得此

長樂 磚

蔣藩金石略西華縣長樂 甄文無年月閻永芳藏

貴壽磚


蔣藩金石略西華縣 貴壽甄文無年月案縣境多古甄光緒中海豐吳重熹官陳州知府搜郡屬得數百方載歸滿船覆於河今存者亦罕矣

軍曲侯印



右印徑七分蔣藩西華金石略云十二年鄆城出土凌甲焯藏
續漢志大將軍營五部部下有曲曲有軍候一人秩六百石蓋漢制官名如詩周禮候人之侯非列侯之侯也

漢陽嘉磚



右磚長八寸寬一寸八分反文陽嘉四三字民國十三年甲子春發現於西華西夏亭之元武觀歸凌保生收藏查陽
嘉爲漢順帝紀元四字下缺末筆以文義考之四字下應作年字也原採淮南子祝壽云四字中畫數曲如水紋與
漢仇純書李翁析里樓蘭陶類中之禹導江河以靖四海之四字書法相同類書在靈帝建寧五年與此磚相去三十
七年是或一時風尚抑皆出自仇純之手未敢臆定云云

右瓦當縱橫皆徑四寸五分篆文曰召陵宮當郟城縣召陵寨出土縣人凌甲焮藏此瓦藏箕城凌保生徵君舅氏家文曰召陵宮當召陵人掘井得之惜已兩半當時歸普照寺僧人後孫君獻徵轉贈焉余每赴箕城賞玩不已按召陵卽列國齊桓公會盟諸侯地攷三國志魏文帝紀黃初六年三月行幸召陵通討虜渠乙已還許昌宮此爲召陵宮瓦明矣然絕少故未經人道及也淮陽于硯農

郟城縣記召陵宮當有大小兩種此其大者召陵寨僧人掘井得之藏於西華凌甲焮保生家小者視減大者之輪郭家廟郭正誼于召陵寨中央佛寺門前井中濬至六丈而得其五案魏文帝黃初六年三月行幸召陵通討虜渠帝之所幸宜有宮顧魏志於帝築南巡臺東巡臺皆書未嘗書築召陵宮也又晉武帝受禪後封魏廢帝齊王曹芳爲召陵縣公芳故魏帝或宜建宮以居然魏元帝封陳留而處之於鄴芳故有宮在河內司馬氏之待諸曹固無異曹氏之待諸劉恐未必任其之國自是而後惟明有邵陵郡王明之郡王率隨親王而居邵陵屬周藩故如夢錄列邵陵王府於汴梁小紙坊街之東然如萬安之始居洛陽繼居永寧延安孟津之居禹州亦時有之明史表邵陵五傳而爲王在鉞以崇禎十六年爲李自成所掠綏寇紀略明史紀事本末宋於李自成僞封以伯與崇王由棖同

書在自成之破汝甯在十五年閏十一月是皆在開封灌沒之後如居汴應隨周藩北渡不應獨南又守汴日志所敘總社及五營頭目並無邵陵郡王之名似其時在鉞實不居汴今召陵寨非漢城舊址若魏晉有召陵宮其當不宜在今寨井中今之古召陵城西四里岡上有古塚二南北相距百步周圍皆五十步高皆二丈許土人皆呼爲召陵王墓召陵有王蓋自明始亦一證也

今案明史表如夢錄邵陵王之邵不作召明郡王府無稱宮者郡王與親王同城非詔命不得擅出城萬安王以福王將之國詔遷永寧邵陵不得援以爲例如夢錄載邵陵府纂詳如崇禎十五年以前移王召陵當無不紀之理謂此宮爲明邵陵王宮極非且篆文近漢魏亦非明人所能及于硯農謂爲黃初六年魏文帝巡幸召陵行宮瓦當理或然也魏都許昌築受禪臺於繁昌均去召陵不遠魏志載文帝南巡至宛以市不豐樂殺南陽太守此後巡幸所至守吏改美宮室日屬常事承祚常事不書水經注繁昌有三臺二碑漢隸字源謂受禪碑在魏文帝廟碑及廟皆不見魏志此書幸召陵不書召陵宮亦其例也蔣藩通志金石稿召陵宮當凌保生藏保生甲焮字也

大隋國開皇八年歲次戊申正月辛未五日丙子宋僧弁敬造石像一位今得彪就上爲國
王帝主州縣長土境万民咸同曰卍兄弟姊妹兒女合門養 令遷長高遷富貴生世世
宜佛開法財從心 下殘缺

右隋宋僧弁造像現存七十七字造像盛於北魏隋承魏後茲風未泯文中字體猶多襲
魏氏之舊彪疑成縣卽縣卍卽願 卽屬 值等字俟考

宋法華禪院碑 佚

蔣藩中州金石略存目注皇祐二年在小陶集佚

宋修商王高宗廟碑 佚

王汾撰按此文順治乾隆兩志皆收列藝文順治志標題下署元祐六年王汾撰蔣藩中
州金石略於西華首錄此碑注元祐二年佚今原碑不可見據文稱太祖皇帝開寶中嘗
詔治王廟廣棟宇至八十八楹此蓋重修蔣略注元祐二年文志稱六年惜不得原石證
之文中嗣位恭默不言恭順治志作信安能尊賢克 順治志克字下闕乾隆志克下作
俊尋思俊字亦未的始闕待攷

采訪又有凌氏家藏東坡硯銘刻東坡先生笠屐像右側紹聖三年桂月製左側鶴田處

西華縣續志卷十一

金石

五

開封建華印刷所承印

士貽東坡居士寶之又有姜君弼題識云端州石硯東坡先生攜至海南元符三年自儋
耳移廉州之瓊持以贈余爲別歲月遷流返 先生言論邈不可卽倩工鐫先生遺像以
爲瓣香之奉云瓊州姜君弼謹識原跋云攷先生年譜紹聖元年甲戌十月三日先生在
惠州寓居嘉祐寺十三日虔州鶴田處士王原子直不遠千里來訪先生留七十餘日而
去此硯意必當時所貽至三年八月始題記焉按先生和淵明移居詩序云丁丑歲余謫
居海南元符三年庚辰五月移廉州又峻靈王廟碑云元符三年有詔徙廉州六月至瓊
州均與硯底姜跋相符合考姜君弼係瓊州進士元符二年閏九月至儋耳從先生學衣
鉢相傳非偶然也并鐫先生笠屐遺像以爲瓣香之奉流落數千年未見金石西華凌氏
官保陽時得之案笠屐圖似複刻以八月爲桂月宋人亦罕此稱附此待考

金許州臨潁縣潁水創建石橋記

夫惟富歲子弟多賴凶歲子弟多暴人消暴悍之心以從善知善行而樂從之者蓋有

主上龍飛五位運偶熙洽兆民向風四方奠枕嗣歲以 比屋殷富黍稌西成俗知

禮節

遞相謂曰飽食煖衣虛老歲月與其逸居而無補於人不若勤動而有益於

物或云有

潁水參貫上有木橋一座常時雨水有節涓涓流瀉深不踰尋夏

霖雨踰時水勢悍怒 溝店深厲淺揭三十餘里人旅往來臨流蹙額負重者畏顛徒行者病涉遂共行計議創修石橋一 木運土之勞衆 皆允須得一會首 成除非舉請鄆陵縣荀珊村居民張善祥甚可其 費頗大不勞而成遂行舉請已蒙允願爲之又選 中能化導者助之循「闕」運一千餘車求良工於諸郡得

與 月將 積力 年而成又好 者自願施資 廣袤一十五步高下各稱其

「闕」高 秦時以許爲潁川郡漢有 陰潁陽縣皆「闕」成於明昌 年 月自橋屹成南北往來輪 交 行簞席之上 復 有濡足之患哉 不 爲碑 矜能抑紀歲月 錄小會首并 施錢米麥及石匠 名鄉貫勒諸文

大金明昌 年歲次 月 石橋都會首張 善祥

許州臨潁縣合流鎮西北褚河 會首張 雙患兩目不覩 明難以行 除是哀告本鎮南李 三郎堪爲都 人旅車牛往來過渡艱難狀 兄大慈大悲舒 爲難然雖如是爭奈無首而不行更休辭退便請「闕」荷 都會首張 副會首 副會首張 副會忠

呂 超副會首于海副會首劉「闕」一下間存李趙高呂等字係人姓名然名不可辨今具施

王 許干許淵陳許 有張協和斌張志張忠楊明陳 許德費興范 興

西華縣續志卷十一

金石

六

開封建華印刷所承印

張 探費 鄭 魏照趙華張 趙光李尙李順吉 惠 聶榮王忠尙全陳六門

卞李 祥楊 孫一李 金 會首張三 柴 村施主陳 時鄭淵陳 溫卞張德謝

治陳明劉政經會首謝 陳會首 陳 木 馬村經會首常 鄆陵縣經會首

等北留村程會首等李惠始望曲周會首等十綱村劉 南故城文 石 村蔣

會首和 孫耿村陳 經會 等觀臺村李 尉蚪村趙會首等呂 東橫力村史古魚

元 胡 鄆城縣第七都朱郭村 興李 阜陵村潭清潭深潘真王 朱葛村黃 聶

張 村劉忠 材工 長直村呂趙 第二都城陵村李 妻杜氏趙 妻盧氏廉忠妻

趙氏車 妻程氏車忠妻李氏張 妻臧氏趙 同共行緣陳 史 陳 陳 溫蘇

劉 田福元黃晉德杜善 鄭善 嚴 善真 流營村謝 劉仁聶琛

碑在逍遙鎮西門外西北里許沙溝橋村金明昌間立寬二尺 寸高五尺 寸正書前

十三行紀創修始末暨標題紀年等下截泐不知行幾字後十二行紀在事人姓名行微陋字大小不等不載撰書人姓名前第十三行紀年下有石橋都會首張隔五字有嘉祥

二字併格書全體漫滅已多今識其可辨認者如右

按金史地理志許州轄縣五其四臨潁鎮二合流繁城陳州轄縣五其五西華分注有宜

陽山蔡河潁水蓋合流鎮在金不惟與西華異縣並異州今逍遙鎮在西華西區一切金時建築紀載猶冠許州臨潁字樣蓋即昔之合流鎮也管轄雖移地望不改潁水貫注猶經鎮西門外而此碑後幅題名處且言褚河知潁名褚舊矣文漫泐不可讀後幅尤甚然賴此可知當時人情物力而當時環近村名亦可藉知一斑云

金許州臨潁縣潁水石橋記

敦武校尉合流鎮商稅

監進士張鉉撰

凡人之病涉也舊矣作舟以行者孔子形則覆之嘆乘輿以濟者孟子譏不知爲政則舟輿之來一闕一歟迨乎晉唐昭代杜預建之所以謹平津之制陳少游之所以有大夫之號古人鬼工神掇掛人一闕一抑有光者也且合流一鎮在潁皋之左實甲鎮距鎮不越四里迤邐而北有水在河其闊一闕一潁皋達於陰是亦爲之名初茲水幾將木以爲梁其常歲秋七八月之間天雨霖潦水其不仁一闕一洶洶蕩蕩勢莫之遏彼橫木之梁激而敗無餘存使北而屯南而津一驛之地得爲陸者一闕一僇運土伐木之不暇賈者守渡如肆是之時村塢耆宿披草黔自訂日若是淵之患皆一闕一計石砮架木則未矣然則不有本將何以此端公吉祥荀珊義人也聞輿議而應之曰安忍一闕一石橋自任積月累歲既一闕一人昔多矣故

西華縣續志卷十一

金石

七

開封建華印刷所承印

者爲施巧者獻工有田者出穀有山者一闕一閏之是乎一闕一載人以濟之功一耳於是乎若人仙去誰其嗣之一闕一斯和者如前此之一闕一無首也大有之一闕一至一闕一橋之無不矣潁水之橋於是乎前駢駟可投臥一闕一地也一闕一遄死踐衽其以無之患一闕一用工倍萬費金錢有一闕一天奪一闕一李益知一闕一於旣辦也宜矣一闕一會李託老人周一闕一綿邈闕聞於後請爲之記州倅郡砮乃吾之地也今日作一闕一則皆材成殿宇金鑄者子者有益乎事哉以此較彼其小一闕一

大金崇慶元年三月 建橋都會

修石橋 鐫記 都頭 一闕一李 郜 郜 尉許州臨潁縣尉一闕一

將軍行許州臨潁縣一闕一

州臨潁縣一闕一

碑側汴梁路陳州清水縣巡檢司屬西華縣 碑久倒今復扶立至元二十九年二月 日

巡檢馮 古

碑在逍遙鎮金崇慶元年立寬二尺 寸高五尺 寸正書首行標題暨張鎡結銜姓名文十五行次紀年次列銜多半漫漶不可識下盡泐滿行約四十餘字

按此記作於崇慶元年壬申距創修之明昌時相距約二十年又同在合流鎮則此爲重修可知惟記中不見重修字樣又其所革改者橫木之梁非圯毀之石橋也且前記曰舉請鄆陵縣荀珊村張善祥爲會首此記曰 公吉祥荀珊義人也聞輿議而應之豈前後二十年此地兩造石橋皆荀珊村名祥者爲之首乎竊意前後本係一役前記但述民工此記則有縣令尉等爲之落成世固有役興於數十年前而碑立於數十年後者觀前明昌年不填數字大致可見又撰記人張鎡上繫敦武校尉敦武校尉係從八品武散官爲武舉遷授職名鎡稱進士豈亦以武選歟張鎡他無可考宋有詞人張鎡此或慕其人而與之同名宋進士初仕多官縣尉黃庭堅初官葉縣尉是也惟不帶武散官耳元史地理志州縣非元置不書所置年陳州舊領六縣其六曰清水至元二年廢不書清水何時置則必爲前代所置之縣而清水又不見金史地理志殊爲可疑今以此碑及碑側考之金崇慶元年此地名合流鎮且屬臨潁縣是崇慶前尙未置縣其始置必在金哀宗時元修金史地理志例不載正大以後改置地名而其名往往爲後世所承襲此碑側記扶立全碑在至元二十九年立之者陳州清水縣巡檢司又聲明其司已改屬西華縣蓋至元二年縣廢後卽置巡檢司屬西華也縣鎮之演變管轄之移轉粲若列眉足補金元史志之闕此金石文字所以可貴也

金重修護國西齊王廟記

竊以惟神明靈常祐人而是念雖人 盍敬神而不怠「闕」柄主陰符造化之權繫人得以安生 身不無依賴不期一日「闕」曆觀元有者大殿獻殿東廊三門棟 各摧基 無不一「闕」繫生舍壁丹青之湮沒對景如是無語喟然儻今「闕」神容 暴露之憂使士民無瞻依之 是以彼公郎目「闕」劉公押司嚴公二郎 脚子高二 同意欲行修復 遂同心 意謹啓誠心 捨己資「闕」高二叔使諸方設化効力 功日以及夜夜以繼日「闕」自願助力者日以雲集不及歲稔一旦復 今已使「闕」開具姓名如後 時大定戊戌歲次六月甲 人功藏卞謝政謝「闕」都會首劉均施錢一伯二十貫文薛懷錢五十貫文「闕」薛順錢三貫文田 錢二貫文高 錢二貫文「闕」班戶李俊錢四貫文柴辛錢五貫文盛 三貫文盛 錢二貫文「闕」

西華縣續志卷十一

金石

宣武將軍縣尉蕭德元 昭信校尉主簿果里夾 朝列大夫行縣令劉「闕」
碑在合流鎮城隍廟金大定戊戌年立寬不滿二尺高三尺 寸行書下半全泐前標
題大金國許州臨潁縣合流鎮重修護國西「中泐」題名記下隱約有 脚子高字樣
文不足存以其金源氏之遺物也記其可辨認者如右

按大定戊戌爲金世宗十八年護國西齊王不載金史禮志雜祀中今呼爲城隍廟碑豈
西齊王卽城隍之濫觴歟後記名列宣武將軍縣尉蕭德元昭信校尉主簿黑里夾朝列
大夫行縣令劉 金制萬戶以上爲上縣三千戶以上爲中不滿三千爲下諸縣例置令
一員從七品中縣而下置丞下縣不置尉今結銜有尉有簿有令而無丞臨潁在當時其
上縣之列歟金武散官從五品下曰宣武將軍正七品下曰昭信校尉文散官從五品下
舊曰奉德大夫天德間改朝列大夫縣尉簿皆正九品蕭黑等結銜皆泛出本職品級上
散官與職事固自異也又當時補官帶行守試知充字散官高於職事者帶行字職事高
於散官一品者帶守字劉 以五品散官補從七品縣令宜其爲行也一縣官制以令爲
首文結銜後來爲上宋諸石刻類然此亦沿用舊例也

明太祖御製祭商高宗祝文

西華縣續志卷十一

金石

九

開封建華印刷所承印

惟洪武四年歲次辛亥正月二十六日皇帝御名 謹遣會同館副使臣 路景賢致祭于
商王高宗之陵曩者有元失馭天下紛紜朕由此集衆平亂統一天下今已四年矣稽諸古
典自 堯舜繼天立極列聖相傳爲烝民主者陵各有在雖去古千百餘載時君當修祀
之朕典百神之祀故遣官賫牲醴奠祭脩陵 君靈不昧尙惟歆享

碑在高宗陵前按太祖本紀三年十二月庚午遣使祭歷代帝王陵寢竝加修葺觀祝文
蓋以次年正月至也碑廣一尺 寸高不過三尺字體疎闊不爲修飭辭真大哉王言

武宗致祭商高宗碑

惟 正德元年歲次乙丑四月庚戌朔越二十四日癸酉 皇帝謹遣鴻臚寺卿楊鎔
致祭于 商王高宗 日惟王道隆守成功光前列茲于嗣統景仰惟深謹用祭告尙
享 開封府陳州同知臣 閻銘 西華縣知縣臣 趙通 縣丞臣 戴聰 主簿臣
田岷 典史臣 姜春 儒學教諭臣 王鵬 訓導臣 劉覺臣 史禎 禮生朱倫
徐虎 國子生王睿書

按自古帝王嗣統於前代帝王陵寢皆遣官致祭有明洪武後僅存正德碑知磨滅者衆
矣後列諸臣職名八臣字及姓名皆平列以後諸生則又另列云石大小與洪武碑似字

體樞

明西華縣修學記

光祿大夫柱國少保兼太子太保禮部尚書 武英殿大學士知 制誥 經筵官 國史館總裁臨穎賈詠撰文

西華古箕子之地今隸於陳蓋亦太昊之墟也縣故有學未究厥始歲久人仍弛而弗葺廟制既圯學宮亦然甚非所以崇聖化而育賢才也任丘張君以歲進士登乙榜例授南召教諭嘉靖壬午聘典陝西文衡甫三載化行士服遂以賢能剡擢來知縣事比下車戾學謁廟御倫堂窺舍宇目擊蕪陋大歎于懷慨然欲一新之而未能也越明年政通人和節縮儲積財優用裕乃集師生召耆民而語之曰廟庭禮樂之宗學校風化之本二者交敝政將焉出此而不治誰之責歟於是庀材經費諏日鳩工先起禮殿次兩廡繪飾聖容各爲木主以正禮內鑿泮池外起櫺星以至庖湢有室齋居有所籩豆有式而器用以具惟輪奐之美金碧掩映丹 交輝燁乎炳然而廟制爲之一新次及於學起明倫堂爲敷教之地朝夕升座以約諸生起西齋以分訓迪起號舍起饌堂而進修會食之有處它若學宮有門習射有圃皆大書華扁以聳觀視要之廩有粟官有第庫有廡齋膳有役罔不畢備而學亦新矣惟廟

西華縣續志卷十一

金石

一

開封建華印刷所承印

與學二役之興或拓舊址或加新飾或易棟梁或施甃砌高下有倫廣狹相準以間計之合若干楹足侈前觀而垂後矩由是師生相與周旋雍容於道義之中春秋報祀亦將對越奔走而致夫如在之誠人才自此而興科目以之而盛風移俗易民習亦美誰之功歟是役也肇於嘉靖乙酉之六月越丙戌秋而訖民不知勞財不覺費非侯之才識卓犖區畫有方曷以臻此不假名筆孰示遠乎以故教諭汪君軒等旣率諸生釋菜以落成之仍復走予請爲記予時家居稔聞張侯之賢旦喜作邑之有道也故不辭聞諸禮曰君子如欲化民成俗其必由學乎又曰建國君民教學爲先孟氏論政五畝之宅百畝之田而必繼之以謹庠序之教我太祖高皇帝以六事責有司亦以學校次農桑蓋教養二者雖均切於民而教化尤重故飽煖無教則民不知性俗吏不知而慢之無怪乎政治不足稱也吾觀張侯之尹西華篤意愛民而處官如家正已御史而廉公有威農桑課而逋逃歸盜賊迸息民不妄訟公庭有晝寂之暇閭閻無夜勾之擾孤老有養保甲有法均徭薄賦植弱鋤強歷歷可紀六事克修而四民安堵矣乃惓惓以正里俗興孝弟明教化爲急務故作興之典常施於勤政之外而勸懲之法每申於條約之餘廟學之新特一事耳噫民以恩感士以義懷詩曰豈弟君子民之父母張侯之謂也君其知務者哉其真良有司哉一時治績當爲首稱其膺薦疏躋華登

要不卜可知故併及之協是役者縣丞李君寧主簿衛君綸而典史曾君祖勝亦有督工之勞法得附書侯名淳字朴之丰表玉立而衣冠科第爲河間任丘之世家云

嘉靖七年歲次戊子八月吉日立 知縣張淳 縣丞 李寧 主簿衛綸 典史曾祖勝 教諭汪軒 訓導程憲倪璨

右碑在廟學寬二尺高六尺有奇文賈詠撰字體正書不著誰氏也詠臨穎人明大禮之議詠官翰林掌詹事府侍郎與何孟春等伏闕力爭繼之以哭膺世宗盛怒氣不少挫此文則嘉靖七年家居時作也文中不假名筆孰示遠乎亦自喜矣篇中別體字兼作兼欲作欵風作夙齋作齋籩作適美作羨升作升分作兮號作號處作處或作或筆作筆遠作遠俗作倍必作必怪作怪桑作桑盜作盜寂作寂養作養勸作勸母作母督作督七作柒

明重粧玉皇廟記

特進光祿大夫柱國少保兼太子太保禮部尙書武英殿大學士知制誥同知經筵國史總裁致仕臨穎賈詠

大塊間惟理與氣二者而已然必有主焉何也天者理而已矣陰陽者氣也理氣二者苟無所主則生養收臧消息盈虛屈伸往來舉無所定則五行失序雨暘不時其何以奠兩儀育

西華縣續志卷十一

金石

一

開封建華印刷所承印

萬物而成歲功也哉書曰惟皇上帝建中於民詩曰皇矣上帝臨下有赫又曰昊天疾威敷於下土是帝者一理二氣之主也蓋以理言謂之天以氣言謂之陰陽以主宰言謂之上帝其實一而已矣夫所謂玉皇云者其上帝昊天之別名一理二氣之主宰乎是故掌握璣衡橐籥元化爲羣生庶物生生之本者正惟是也西華去縣西九十里奇有玉皇祠中貌帝容凜乎可畏居民相傳以爲口實未詳厥始但歲時亢旱有禱輒應民故神之而鄰封聞者往往虔誠祈禱旱則取水亦多有應用是民益神之願新其祠宇而焚香致祝焉蓋以欽若昊天上帝是祇之意也夫天至大帝主之地至厚后主之民物至庶且繁君主之我皇上受天明命與帝同德仁恩敷布上下周流是以三光明四時正五行順二氣調兩儀奠位與帝同功海嶽效靈民物康阜者有以也夫然後知民心上下之所以尊仰通奉而敬畏焉者惟天地惟君王惟父母外此有分僭則非禮固有不得而犯之矣吁禮嚴祀典有如是夫祠故相沿而類以玉帝名之今旣鼎新金碧煥然民請爲記余惟以上帝之宰萬物主理氣爲言若夫道家者流以三清爲玉帝者得非昊天上帝之謂乎但其言涉荒唐未暇深究亦不敢妄論以致瀆云是爲記

大明嘉靖十三年歲次甲午秋七月吉旦立

西華縣知縣陳世熙 主簿康永年 教諭汪軒 訓導黃璟薛清 一刻石人列名不錄一

右碑在縣西九十里玉皇廟寬二尺二寸高八尺正書後署在職人知縣主簿學官等姓名詠固夙以名筆自許此記引詩昊天疾威敷于下土昊詩本作旻小明貌所謂小旻之詩也記引作昊或別有所本俟考

明西華縣儒學科甲題名記

題額字同似繆篆

國朝人才取於科學科學之制有鄉試有會試雖官序有先後其敷宣化理服勤王事則未始異也鄉試合一省之郡縣試之而拔其尤會試合天下之郡縣試之而拔其尤與是選者其難矣夫西華爲河南古置縣河南郡縣百一十有奇登鄉試科八十人而西華亦有人焉天下郡縣千四百有奇登會試科三百人時或損益其數不專三百而西華間亦有人焉較之他弱郡陋邦弗遇者奚啻十百以故河南稱科舉者亦曰西華西華起洪武初年 正德庚午鄉試有一十六人會試有二人雖匪盛不可謂無人矣科第姓氏大尹張公雖新扁於儒學堂東壁顯且耀也又屢歲久朽敗弗遠遂命工伐石易之石成走書 記予惟今制進士登科皆題名太學太學天下賢士所萃天下之公議所在也進士賢也衆罔不指而稱

西華縣續志卷十一

金石

二一

開封建華印刷所承印

之不賢衆罔不指而議之故題名者昭久遠抑以風天下也儒學一邑賢士之所萃一邑之公議所在也登科之賢不賢指而稱之議之如太學焉所以風一邑也然太學皆四方之人於其謂賢不賢者未能周知之矣言之未必聽者之信之也邑學則宗族姻黨交游之所在某也賢某也不賢其所以稱之議之與夫所以聽之者將不但如太學焉嗚呼可懼哉夫誠人焉雖數科一人邑之榮也非其人科雖數人邑之疵也是又不係人之多不多也邑之先達者或立朝著或司藩臬典郡縣嘉績休聞咸足以爲科第之光矣方來登名而未仕與仕而在位者得不思所以勗乎此固張公勒石之意也公名淳字朴之其先祥符人永樂初占籍任丘以鄉進士令多善政茲其一云

嘉靖七年秋七月吉日

賜進士出身工部右侍郎前翰林院庶吉士任丘閔楷撰文 知縣張淳 縣丞李寧

主簿衛綸 典史曾祖勝 教諭王軒 訓導程憲 倪璨

國朝進士舉人

楊謙中洪武丁卯鄉試任南京虎賁右衛知事

劉讓登永樂丙戌進士任行人

趙寧中永樂癸未鄉試任永平府薊州同知
田籽中永樂癸未鄉試任禹城縣教諭
張昇中永樂乙酉鄉試任延安府同知
馬同中永樂甲午鄉試

中永樂乙酉鄉試

賈肅中永樂癸卯鄉試任山西潞川同知
常壇中天順壬午鄉試

李澄登成化辛丑進士累官至江西副使

王璉中成化丁酉鄉試任湖廣德安府通判

周朱中弘治壬子鄉試任山東新泰縣知縣

馬魴中弘治辛酉鄉試任湖廣武昌府通判

韓涇陽中弘治甲子鄉試任山西大同府同知

牛相中弘治甲子鄉試任廣平府永年縣教諭

王介中弘治甲子鄉試

西華縣續志卷十一

金石

一三

開封建華印刷所承印

王瀾中正德庚午鄉試

右碑存縣

學校內嘉靖七年立寬不及二尺高約六尺上幅閔楷記下幅題名處也

楷文倣司馬光諫院題名記馬同後姓名一人闕查宋恂乾隆志選舉表並無馬同其人
牛相選舉表作牛相舉此記刻於嘉靖間於明代科舉似不致誤殆宋志遺漏並於牛相
名下誤續一舉字也題名十有七人

明李奇馥史侯德政去思碑

治下鄉貢士李奇馥頓首拜撰 邑庠生王乾書并篆額

嘉靖甲辰夏侯在疚崛起奉令補令華邑制也蓋華邑地腴人淳俗尚禮讓素稱易治頃者
水旱頻仍 調度視 于不支公私病之侯下車按視地方察民疾苦爲之設科

條嚴興革凡不便於民不宜於政者悉更張之首之以差徭里甲之平 之以租稅刑獄之
清次則急於新學宮浚諸河又其次重城池並社鋪損益興革咸協乎中量功命日不

素也操割 三稔 事舉百替起當道諸執政公僉知其名中州推縣令之最者必曰史侯
疏剡檄獎殆無虛日歲前秋七月擢爲維陽別駕未幾 人無老穉賢不肖舉感侯德借

寇臥轍百計莫挽乃相與涕洟餞之於東橋之澗繪圖脫履以侈其盛侯亦感而泣曰吾

非忍舍 輩但義不可留嗚呼是不可以觀人心感應之神乎方其始之行也吾人視若公
出以爲歸在旦夕於心猶未思也旣而歸 吾人疑復委任以爲至在旬期雖思猶未
甚也至於歸不復也吾人引領莫覯始信其長往不返于心顧不思于思顧不 耶 僉
派均浪費省逋逃集豪強懼與夫士子警惕居業田耆歡慶蓄洩城池無引索投鞭之恐社
鋪有養正轉遞之備吾民賴以生 皆我侯爲之所也澤在於人不容泯思繫於心不可解
計其去雖歷七八月之久而人心企慕殆赤子之于慈母未始一日而 也致政馬魴周
麟士民劉天叙趙祿李漢牛來劉守等又相與語曰晉羊祐治荊州民感其德去則爲之立
碑賈敦頤守洛川民 其仁去則爲之立碑何也蓋愛非傳不見其厚傳非久不見其誠侯
治華德化無媿二公吾人報之匪厚與誠視二州之民寧 乎丐文劓諸珉用垂不朽李
奇馥曰侯之德至是益驗矣乎蓋有司於民其心鮮克悉孚其事不平雖當在位則車 所
至 不寧一見遷轉惟恐去之不速罕有敬之愛之如在位者華民戴侯去留如一侯德
之盛民風之厚胥見之矣昔南國思召伯 棠以詠其去詩人謂其忠厚之至華人其亦
聞而興起者歟不識前令去亦有是於民否也馥不諉據父老欲 之 俾 以風
來者侯名衢伯達其字別號康齋發跡鄉進士世爲關西兩當鳴家

西華縣續志卷十一

金石

一四

開封建華印刷所承印

嘉靖戊申歲春三月上浣西華縣典史黃巖陳廉立石

右碑存縣城

寬二尺高七尺楷書立於史侯去後知非貢諛者也觀明史循吏傳僅

列三十人其以循吏起家超擢至公卿有勳德者皆別具列傳如史侯所作可入循吏而
史傳不載意入國史諸人皆具列檔案故史臣據以論列若澤被閭閻而其事不達於部
不付於史館史臣固無由論列也碑引賈敦頤守洛州載唐書良吏傳與晉羊祐對舉不
著代名是文字疎處結言世爲關西兩當鳴家不言名而言鳴豈以鳴有自名之意乎前
幅細字列名處幾百六十人不錄

明西華縣新建通潁橋碑記

額通潁橋碑

賜進士第中憲大夫欽差巡撫南贛汀韶等處地方提督軍務都察院右僉都御史前工科
都給事中 經筵侍臣 奉使朝鮮 賜一品服色人王敬民撰文

湖廣荊門州判官邑人張一麟書丹

汝寧府汝陽縣儒學生李光赤篆額

潁水發源於登封之潁谷東注而經吾邑之小窩鎮邑乘稱渚河云小窩舊爲清水邑東抵
三齊西達關陝南北爲楚燕周道宦遊行旅輟擊肩摩者繩繩也渚河自潁谷而下歷鎮之

西陲折而北再折而東以入於沙河其折北處正當諸路要害原建有平杠僅通徒步夏秋水漲行者望洋趑趄步千里間有具小舟以濟者而河狹水急往往有覆溺之患敝親武氏者居河之西余家食時往於斯返於斯凡此皆余所目覩而心念者也萬歷玖年鄉官王君恆王君旻欲橋之以白前令鄖陽謝公公慨然捐俸貲爲衆倡俾浮屠慧科者振鐸募緣以襄其費旣而膚施尉公來令吾邑仁明廉幹勃窣有利濟之想勅事捐貲不遺餘力至十七年之冬而橋成矣橋之質爲三竈其中竈王君旻自爲之外二竈衆力也工善財豐高闊堅厚車馬登登如履平地亦宇宙間一大愉快事也余見今之世每喜徼福於神結社合財範金銅爲偶像東登泰嶽西登泰和昇致崇奉自以爲無量功德子孫萬年福地矣甫一瞬而爲無賴緇黃酒食之需又或冒制以剗不經祠宇棟以榱桷披以丹翠所費不下千百金於生人利病毫無干涉殆猶掃春雪以填廬山之谷何福之有豈若茲橋之建長遠宏博免斯人於沒溺之苦而爲天下後世無窮之福者哉橋旣成適余奉勅撫南贛過桑里內兄文學武君宋哲以衆志徵余紀其事義不可以不文辭乃名之曰通潁橋而述其梗概如此是役也督厲彈壓始終勸相爲邑令謝公諱殿尉公諱在廷勇決出謀輕財博濟爲鄉官長史王君恆二尹王君旻募化經營甘心勞瘁爲浮屠慧科鄉民李春外文學朱國兆施石值二

西華縣續志卷十一

金石

一五

開封建華印刷所承印

百金鄉民張子恭施財可五十金於橋工尤表表焉其御馬監大監高祥亞中大夫龐諦崇府司房官高禎崇府典寶王乾周府教授李惟修判官杜進儒官郝東陳策李豪國子生王旨王嘗杜任崔九舞杜桂王所吳天敍庠生劉曉陳節呂桐李汝楫李汝梧李逢春賈河王經世王永世劉希堯羅士化劉應試陳大猷劉三陽劉永康杜抗張文奇劉致和雜職等官劉家仕王思正劉訓趙嘉禎張佃李可仕崔九疇崔九章陳弟龐蘭吳天爵吳文才何棟何問何楠何梓杜綱南寬武秋桂程繼任苗加賢袁詔郝大經李永惠王洋劉臣孫陽程美併著勞績於法亦得副以垂不朽是爲記

大明萬曆十九年歲次辛卯四月望日勒石

文林郎知西華縣事蒲城屈煒 登仕郎主簿閻應椿 儒學教諭史闕疑 儒學訓導方

完 卜大同 典史華縣江學曾 將仕郎常社通檢 張正鵠 常社巡檢潼關景

鄉耆劉仕遷 劉大京 柴伯萬 靳文翰 程卿侯世封 牛世宋 徐亮 武宋

彥 杜儒 宋蘭李春綦 王學業 劉寧 趙如山 羅大仙 杜相 魏國顯 郝習

詩 畢天朋 潘 穆仕艾 劉應元 宋璉 牛仲 趙世威 劉文器 鄭珮

劉家譜 荆永福 王電 吳大恭 武潘 孫希祿 畢天賓 劉安 張奇志 劉世

臣 陳天友 李 穆仕從 武 袁渭 周全 侯可 白自耕 劉克勤 馬世 邵淳 王學易 康林 孫 繼榮 劉得光 梁銀 郝崇德 羅大朋 王天寶 下尚有細字姓名已漫

右碑存今潁水橋上寬二尺 寸高八尺有奇近底二尺餘略漫漶餘完整如新題額爲橫列通潁橋記四字文敍膚施尉公仁明廉幹勃窳有利濟之想按窳形聲字从穴卒聲從穴中猝出也司馬相如子虛賦嬖姍教窳上乎金隄教右從文集韻薄沒切音李與勃同子虛教窳寫匍匐之狀此文勃窳形奮發之致也又橋之質爲三窳按古謂穿地爲窳小爾雅廣名壙謂之窳周禮小宗伯甫窳亦如之量人掌喪祭奠窳之俎實司烜氏則爲明窳焉字從穴彘聲楚銳切蓋古以窳爲穴壙之稱此以窳爲橋眼之名也按今工程家於橋之高聳下通流水者曰涵洞此文窳卽指是物也文中列名者數十人後又數十人當時何不併列一處豈文中所敍者修橋人而後所列者勒石人歟字體正書序文十行行七十九字標題紀年及前後銜名又十二行云

明顯慶寺重修碑記

賜進士第文林郎 西華縣知縣謝殿 主籍白霄 典史徐植 巡檢張子果 經筵官

西華縣續志卷十一

金石

一六

開封建華印刷所承印

吏科左給事中邑人傲吾王敬民撰文

篆額「上不具名」范大光書丹

縣治西南去六十里許地名諸葛曰明顯寺有庵諸葛武侯遺像在焉余爲諸生時緣兵憲王公西下送抵其地蓋嘗遊梵宮謁武侯館里人得山楊氏家兵憲公題詩紀事而山居原近梵王宮之句迄今猶可繹思歲季秋余弟省官邸出眷丈張見溟氏書啓亟視乃知得山等重修佛寺事竣求記謂寺來甚遠年深圯壞幾無完宇得山等倡議大加修葺而悟蘭身任募化遂底績焉核所修樓殿凡若干所向兩殿前後並峙若環列者有地藏殿若侍衛者有天王殿曰鍾樓曰甬道曰拜臺悉落成云余遐想之殿宇之落成也其大勢必嚴正其廉隅必整飾其棟宇必峻起其簷阿必華采軒翔展玩則金碧輝煌稽類則隋唐古剎誠一方奇觀而里中勝概也哉世遠時移誠不可忘此事忘此人也夫其人與事不可忘也而記容已哉得山等刻石題名而請記其事宜也非過也雖然居寺者僧也尙賢也主寺者人也尙德也夫亦金仙氏之道宜爾也考諸金仙氏之國無三惡八難其人無十纏九惱究其要旨不過曰廣大慈悲盡之唐乾元天子曰予欲慈仁怡愉洽於生人惟浮圖道允迪其識此哉蓋慈仁怡愉卽所謂廣大慈悲以是道而洽於生人則章赫隆厲之風泯而渾厚敦篤之俗興賢哉僧仁哉里民胥魚魚雅雅如登春臺其有關於天下國家顧不偉與必如是則寺

爲奇觀孰若僧有奇仁里中勝概孰若里人盛德慈余碑記意也不然余之意非誇卽誣何以萬古其文於天下

鄉耆劉仕千 李輔 司椽蔡鳳儀 散官張鳳鳴 鄉約楊得山 紀自朗 鄭文選
閻仕立 趙鯨 楊仕和 侯世封 施主 閻能 閻耕 閻化禎 閻好 尹斯明
閻化敏 紀仕宋 遠仕甲 趙世榮 張子恭 僧會司護記性坤 住持可道 募緣
僧悟蘭 徒周永 鈞州鉄筆匠劉彥科 張林劉虎鐫

碑在顯慶寺寬二尺有奇高約六尺邑人王敬民撰於寺未目覩故多作懸想之辭寺舊有庵像祀諸葛武侯查武侯轍迹不至西華此庵而祀焉者蓋寓景仰之思非侯之果蒞止也文於庵不再述意可見矣後稱唐乾元天子蓋唐肅宗紀年之號敬民宦遊所至多著政績此文後幅慨然遠想蓋自期必傳矣書人范大光不具銜後慈余碑記意也慈宜作此豈以其音近放假之歟後列名有僧會寺護記爾時當有鈴記如今符印意其人未嘗真授故稱護記云云

重建玉極觀碑序 在田口

明王敬民原著

清乾隆間重刻原序不錄

西華縣續志卷十一

金石

一七

開封建華印刷所承印

萬曆十有四年丙戌十月朔平湖張一麒氏協同會人趙京等走幣都下致書於余乃謂吾集有廟無記夙稱缺典廟貌衆神舊惟塑胎成像弗耐遠祀近來會首張國臣等鑄玉帝像玄帝像元君像銅質金文又謂震海張一鰲氏重修玉皇廟乃獨力爲之義屏張一儁氏暨會人李時芬蠲貲倡衆創立門舍文以朱牆余男若時首事會人建玉皇閣余甥雲翀始議同會立文昌專祠廟祝韓一德募化羣貲會人戮力重修元君殿一德又於廟之西北補築卑地以廣廟基鑿池以注廟前之水植柳成林以補乾地之缺非復昔日之廟制矣茲欲今日之添修合昔年之肇建統紀於右使千百世之後知吾集有是廟有是神有是人有是事也余觀書喜其事遂原始要終爲之記曰西華縣東北鄉許集名上田家口 之乾地建廟其來也遠弘治以前無考已余爲諸生時常會諸友課文於廟巍然宅尊者玉皇殿也曰紫微曰勾陳迺並立焉殿之西旁對建五嶽四瀆祠殿之東有三霞元君祠殿之南有玄帝行宮曰火星曰文昌與之並位廟制凡十有五楹約地僅三畝業屬劉姓劉厥後沉微廟貌幾廢嘉靖間南渠張翁名茂杞者迺平湖震海義屏之祖而雲翀其曾孫也用值贖地更新廟宇復闢地開基于元君祠東建十王殿土地祠洪山神同祀於中廟制凡二十有六楹約地五畝有奇翁之丈夫子數人相繼修飾翁之孫若平湖輩兄弟十餘人繼體延德恭敬明神

每歲孟春朔有九日會衆共醮以奉玄穹高上帝至晦前一日享祀火德真君仲春朔有三日禮祭文昌帝君季春朔有三日醮慶仁威上帝孟夏望後三日盛陳禮樂享賽三霞元君十王洪山土地等神各以時轉經報不爽其期香火赫熾視他廟有加此余之見而知者今復尊上帝于高閣祀文昌以專祠鑄造神像垂無疆也修整傾圮妥神靈也鼎新門牆壯觀望也廟貌奕奕改觀人心欣欣向化此誠千載一時而吾鄉之勝概也祀之於石以俟于萬億新年其誰曰不宜要之記者非徒記其歲月記其事跡已也古曰神所憑依將在德矣吾鄉諸君子果能各懋明德以奉神祀則人以誠感神以誠應玉帝以仁愛眷吾鄉玄帝以仁威鎮吾鄉熒惑弭回祿之災文昌顯宏仁之化三霞十王之神皆默佑於冥冥而躋吾鄉於仁壽之域矣矧社神享而萬姓興福洪山佑而六畜咸若者哉用是知德者假廟之本本之則無徒曰修廟鑄像殆非所以爲訓也故曰德馨不修神其吐之余鄉諸君子盍勗哉謹以廟主廟祝暨合會輩之有功善男信女開列于後

右碑在田口玉極觀內寬近三尺高可八尺王敬民原著原序不署名略言敬民撰文碑已仆壞久恐失傳捐資磨刻之意時乾隆五十九年甲寅仲冬淮陽歲貢生侯選訓導張永清書後列共事人約二十餘名不錄蓋敬民原碑其時已壞此則其重刻也夫田口一

村而廟祀致多如此民風物力可見一斑以斷碑殘碣而可考見前古社會情形者此類是也

明重修淨居寺記

前鄉貢進士西華縣儒學教諭盱江夏雲撰文

賜進士第山西道監察御史邑人李澄書丹

丁酉鄉貢進士邑人王璉篆蓋

佛法入中國久矣世之人崇信者衆故名山大川鉅村市鎮多佛氏之宮然其間興廢不一或逢時易代或係於得人蓋亦有數焉默行乎其間非偶然者西華西南三十里夏亭村有古剎曰淨居寺元季兵燹厥土荒蕪民於其上爲日久矣獨古蹟遺址尙存我皇明宣德間有僧思海來遊于茲就居民王明復其地草創庵宇且自荷鋤力食以供焚修後聚徒漸衆積有錢帛鄉之善士嘉其戒行清苦施而助之成化壬寅成佛殿三間左右僧房凡十八間梵宇巍然規模宏偉志欲鑄石以垂不朽俄而圓寂未遂其徒有空叢者自幼宿緣釋教勤慎寡欲蚤夜以思承其師志毋怠募緣聚銅鑄佛十尊復範大冶鑄鐘一口以斤計鐵一千有奇鑄磬一口以斤計鐵五十有奇仍就隙地布列成行種松柏凡千百株佳花異果

無不植焉然斯寺之勝概後枕高崗前面古道左近民居右隣古城周圍耕穫種地實計一十三畝雖地勢夷曠而叢林茂盛過者望之宛 山林弘治辛亥冬定叢念其師志弗遂且慮初繼之功歲久湮沒迺鳩工伐石偕庠生裴綸老人齊子英來求余文以紀其事嗟夫是寺非思海莫肇其功非定叢莫繼其志所謂係於得其人者信矣所以然者又幸生皇明太平日久之時無兵革之擾無橫征之 氏 與吾人耕食鑿飲以生以遂而相安於無事之天是則上之賜也其遭逢氣 之盛豈一闕一其徒者必務祖風必遵戒行晨夕赴佛前以祝我皇圖於億萬斯年固其 也其一闕一者是爲記

文林郎西華縣知縣程

六安胡清

典史朝邑尹爵 主簿定興劉震

訓導鉅鹿常俊

訓導無極王琛

常社巡檢陳實

醫官王表

僧會司護記祖源

陰陽官李澤

外生員住持等列名尙多不錄

右碑在展莊西寬二尺三寸高可七尺後署名處西華縣知縣下但餘一程字以並時之署地望姓名例之意爲程鄉翁積德也惟翁來任始成化三年此碑立於弘治四年爲可疑耳記謂祠廟之興多在太平日久之時無兵革之擾橫征之急而後人得相安於無事之天歷久參驗此言益信

西華縣續志卷十一

金石

一九

開封建華印刷所承印

明思都崗龍泉寺記

西華治北十五里有城遺址半就湮沒相傳女媧氏之故墟也城前有岡生民之環居者甚衆蓋漢循吏時苗自乘牛車往令壽春秩滿將歸而牛有犢留之任歸道過此岡牛思其犢不願進故思犢岡之名至今傳焉上有古刹曰龍泉寺莫知所始或曰其地乃岡東張氏之所施考今賦役併係寺中之主持者供之則亦無所據矣舊有小殿草茨不剪制甚陋也宣德十年僧昌果者始居之勸化居民張果等重修 制略備四傳而功德始盛大殿供佛小殿寅賓齋房禪堂東西相對大殿前則水陸會殿也小殿前則地藏王殿也伽藍殿西間而居東六祖殿東間而居西又前則山門南啓而四大天王坐焉牆垣高鎖而僧房之棋布者百餘間林木茂盛景色清幽卓哉一名跡也往年余讀書其上每信步遊觀未嘗不歎有如此寺而無一石以紀非所謂缺典歟僧海聘者古道禪師也對佛發願禁足三年誓立石以示久遠余聞而喜曰果立石吾當爲記之此八九年前語矣今歲居民李天賜等感海聘誠相與捐資伐石琢磨告成推古道者登余門請記余曰吾儒也渠僧也道不同不相爲謀自昔君子守之矣不曰昌黎之召大顛而送文暢者乎觀原道篇與佛骨表則此公之欲正人心以承先聖者無以異於孟子也至識道理如太顛喜文章如文暢則又未嘗不與之言焉

蓋在門牆則揮之在夷狄則進之亦揚子雲氏之所許也泰山北斗之仰吾不如昌黎氏亦明矣今爲古道作碑記未必非召太顛而與文暢言者之遺意也遊藝中原之君子而觀斯碑焉亦當有以原我之情矣

皆 皇明萬曆丙子歲季冬月念七日浮萍遊子劉士奇拜手記 直隸大名府推官王敬民 周藩典儀官李春芳 崇藩官楊和 王欽封 省祭官李春芬 臬司吏王攀桂 書辦穆汝箴 李朋 李訓 校尉相南 趙林 仝立石 葉縣名匠趙廷會任大質刊

碑在龍泉寺寬二尺 寸高五尺 寸劉士奇撰劉自署浮萍遊子當亦名士之不遇者文未免蕪雜而未段引大顛文暢事自處甚高然八九年前許作臨時又致難是名士氣習別體字甚多如幽作幽瓣作辨等本擬刪去惟前述女媧城思犢岡等猶可爲博古之助姑存之

明壽聖寺重興碑記

鄉貢進士承直郎嘉興府通判潁川賈蘭撰

天下之道皆道也用之飭身皆足以自律而免於世小大弗與焉故佛氏之學流於中土舊

西華縣續志卷十一

金石

二

開封建華印刷所承印

矣由其道則思攻其事爲之後則思崇其教不然則重得罪於佛氏且身心無所於寄亦自得罪焉尙何仁義之迹而空寂之託耶自漢攝摩騰以佛經駐鴻臚寺因之有作故今禪院率以寺名據西華縣清水東常社鎮舊有壽聖寺初於宋兵燹於元復建於我朝正統紀元之初歲久傾圮不厭瞻禮其住持真鐸號金峯特起而振作之鳩工聚材期年而告成中爲大佛殿五楹前爲天王左右 師伽藍彌陀殿各三楹後爲水陸殿七楹此則舊址不足而市諸其鄰焉水陸繪像百二十軸瞻依攸寓其廊舍庖廚亦皆備具規制端偉輪奐輝赫或創而新或 而葺皆前此所未覩巍然一巨剎也是 經 本璋常臻實贊成之璋爲同志而臻則其徒也諸凡經費則諸鄉人之施而感召傾慕非戒行素著者亦何以臻此夫天下爲佛者無筭顧假其衣鉢而竊食於土之人是則爲佛而已矣求其抗神塵外靜養性靈勤以 其力勞以樹其功修其教以不負於所事者鮮鐸之所爲不加於 敝寺乎故嘗求古出沙門設爲象教者何哉蓋 諸佛乞法 慧命下於檀越乞食以益色身是曰比丘其設心以爲法之所乞益吾命而止耳則人有不見其法者法新晦矣均道之以術示之以形使天下之 皆帖然而從凜然而懼則吾命之益愈大而愈不獨也食之所乞益吾身而止耳則佛而施吾而取人孰吾從故受之有處用之有法使天下之 信吾

之不爲貨取則吾身之益愈久而愈不衰也故充是志與是爲也益命而法益其事可不謂攻乎益身而佛益之其教可不謂崇乎且飭身周至謂之能用其道不可也鐸之固亦有如是哉雖然佛氏之重內而薄外務上達而忘下學之功爲之徒者慧學辨才舉不佛逮可亦如是而已乎夫酌量而變通之使不於義而深造自得乎可故曰雖小道必有可觀者焉事竣鐸等欲勒碑刻文以垂不朽須予言記之予固知鐸之稔深於其教而登彼岸者也且知文因以是告

大明嘉靖六年歲 亥仲冬月 後學吳旻書篆額

文林郎知縣張淳迪功郎縣丞 仕郎主簿衛綸

典史曾祖勝 儒學教諭汪軒 訓導程憲 倪 陰陽學訓 醫學訓科李鳳

鳴 本縣僧會司護記道杲 住持本廣 同修佛殿長老本璋住持真壽 壽聖寺修

持本鐸下徒弟徒孫名多不錄

右碑存壽聖寺寬二尺 寸高七尺嘉靖六年勒石距前天順癸未六十六年矣文賈蘭撰頗有意致字不能佳也後題名令丞簿尉學官陰陽醫學巡檢司暨僧會司等皆具而儒學訓導且有二蓋當時學校設官猶衍洪武二年府州縣俱設訓導府四州三縣二之

西華縣續志卷十一

金石

二二

開封建華印刷所承印

舊制也

明重建玄帝廟碑

夫玄帝者按混洞赤文所載乃元始化身太極別體上三皇時下降爲太始真人中三皇時下降爲太朴真人下三皇時下降爲當上天開皇初劫下世紫雲元年化生淨樂國王生而神靈仰觀俯察靡所不通潛心念道志氣太虛能輔上帝普福兆民當龍漢二劫中帝披髮跣足攝離坎真精歸根復位上爲三境輔臣下作十方大聖方得顯名億劫與天地日月同悠久萬世而下處處尊其徽號崇而奉之廟貌在在有焉小陶集北古有舊址稍偏西陲有異人過其處出言甚奇見甚卓議亦甚正所謂玄帝者北方其正位也坎宮其元體也今側其居地亦頗巽卽明信以荐馨香神其吐之矣何若正其位高其基神或據之乎有鄉人楊三光等素重神祇樂成善果聞言遂聚鄉人而謀曰如此善事吾輩可不頃刻見之實行乎遂捐貲不遺餘力構地修臺包以磚石曾日月之幾何而巍峨之形莫矣遂鳩工庀材以

宇殿閣崔魏廊廡環列其刻以觚稜煥文采也盤以玉龍美制度也列以掖垣昭形勢也遞以層階肅威儀也其拔而成倚雲而就昭大觀也其丹堊壯麗金賁輝煌誠足以妥其神而安其靈矣由是神益顯赫福善禍淫不爽秋毫 覆冒之下者卽旱澇之失時疵癘之

災侵萬或一二見邇來妖氛日警災掠之苦此地尚可支吾非神力之蔭 此而一方之福祉萬方之肅清全賴於玄帝浩蕩之神威天一之仁覆乎告竣後數餘年方屬諸石以見神之靈「闕」善之精誠於不朽云

明賜進士第巡按山西陽河等處監察御史郟邑李豫撰文林郎知西華縣事瀛海劉伯驂篆額邑庠生陳胤祚書丹時

崇禎己卯小春之吉 會首周詔李可蘭容加才楊三光夏從仁李銓耿思道「各家子孫重孫」住持 石匠名不錄

右碑存玄帝廟寬二尺高七尺有 郟城進士李豫撰西華令劉伯驂篆額字行書竟體完好泐數字耳按豫字伯和崇禎甲戌進士授刑部主事簡恤山東多釋疑獄擢浙江道御史論時事至三十五疏聲大振巡按山西忤當事左遷西寧道副使生平爲德於鄉甚衆癸未歸里葬親聞李自成陷京師莊烈帝崩不食卒祀郟城鄉賢伯驂字遇伯令西華善政著聞卒與城俱亡兩賢相遇留此片石可珍也伯驂歿豫弟賁碑之此碑引混洞赤文事不經見然明代玄帝載在祀典作此等神教文字不得不尋問真源而於經史又無所依據惟摘神話以流傳而已小陶卽小窰逍遙皆一音之轉

明誥封徽府富春縣主墓誌銘

鄉進士文林郎直隸清河縣知縣鈞陽澤山劉希仁撰文

鄉進士文林郎山東費縣知縣鈞陽一山趙守義書丹

鄉進士文林郎四川安縣知縣鈞陽訥齋郭從義篆蓋

富春縣主皇明八世孫徽莊王六子恭僖王第三女也母正妃李氏襄城縣人戶部尚書李諱敏謚恭毅公孫女縣主未誕時母一日夜夢織婺須三星墜於宮占者知兆生女之異旣而衆母生女長鄆陵縣主次安固縣主又次卽縣主李妃出也縣主生而聰慧姿才不凡庸九歲女工翦制女孝經列傳悉通曉大義王鍾愛之迨十有五歲遵例請名於上誥封富春縣主多方選配不惟其財惟其賢於是得之西華縣龐氏子配焉龐子諱第別號對岡世家業儒器宇飄逸襟懷慷慨視賓相趙子兩溪宋子槐菴聯芳一時郡人咸以三俊稱焉縣主自聘龐門恪執婦道日孝爲先事舅姑必誠必敬服食之類不親視則不敢供無何舅卒於華姑亦就之縣主時遣人餽送衣味不憚其勞身雖在鈞而心無一日不在姑之左右也其他相夫以順御下以恩處家以勤儉宛然儒門之風郡中賓相得賢助者莫不首稱龐氏云忽一日縣主邁疾醫藥弗愈迺潛然下淚曰吾以王宮之女配君正欲偕老以終天年奈何

一旦永訣然三事未全何以瞑目泣而言曰姑年八衰西山日暮倘臨送終寧戚以禮又曰幼子在抱長方童稚教之義方以振家聲又曰京姐幼小失依訓以女工孝敬擇賢而娉三事全吾無遺憾矣言畢而逝終於正寢嗚呼縣主當死生危迫之際猶夫平日終始不亂蓋由一孝立而衆善集謂非女君子能若是耶距其生於嘉靖十四年九月一日卒於隆慶三年四月二十五日享年三十有五歲葬於西華宜陽營岡之原時則本年十一月十五日子男二長名思奎次名思哲女一俱幼銘曰宿星謫世兮誕王宮擇配賢俊兮祿且豐金枝玉葉兮超凡庸珠冠霞帔兮生何榮孝友恭儉兮萃厥躬壽不配德兮主之終營岡佳城兮玉藏蹤百世之後兮頌無窮

誌蓋



右石縱廣各二尺完整如新明徽藩在鈞州卽今禹縣徽莊王見沛英宗第九子成化十七年就藩恭僖王祐櫟受封陽城莊王之六子也主爲帝曾孫女依例受封誌稱其孝友恭儉猶有古人遺意製作制稱作稱聘作娉畢作卑上蓋篆文九字

明文學張隱君墓表

西華縣續志卷十一

金石

一三三

開封建華印刷所承印

自遼左用兵議者急草澤奇士如劇孟 而西華張太學其勛亦在薦中其勛嘗問業於予崎嶇歷落人也頃述其父隱君遺事丐余表其墓道之石余一再讀之知其勛孝友任俠聞有自矣不得以不文辭隱君名一鰲號震海先世龍游人也以行賈江淮後居西華稱素 君蚤慧七歲授詩 博士員屢困名場不難以貲爲郎卒浮沈儒俠間稱高逸其生平慷慨赴義不侵然諾顧內行甚修有慕乎子騫伯道之爲孝友者君本庶出而繼嫡母待之虐不以爲子數且凌其內子不堪忍君益供子職曲意承順惟謹人以爲難兄有遺孤撫之猶子及邁危疾焚香籲天求以己子代焉君未生時太公有螟蛉子兩人皆 事之終身無失禮析產時各授以千金不必奉治命也族子某數以溪壑不饜爲鼠雀爭窘君父子竟君之世君諸子欲報之君曰而翁豈孱力不能報哉抑聞有甘受唾面者且恐以我憂其實也居久之族子以不法入圜扉雷擊死人爲君吐氣至里人姚某以金矢不償垂斃獄中者爲代輸立出之 冤累某死無歸者爲殯歛棺槨歸之文學李某貧不克塋者爲割地葬之內姪 某爲君行貨江淮乾沒萬金噬臍相負者以親故寬之姻家劉某鬻田於君既受直仍據 利而以歲賦委 君且訟之官君焚券以愧之諸所振窮憫乏者可臚舉而所爲千里誦義者 採荒一事萬歷癸巳歲大侵人至相食君出粟五百石設粥糜飼餓夫所

活萬計饑饉後復大疫君爲治藥餌施病夫所活亦萬計臺省表其 閭曰種德 非公正不發憤類此君晚歲屏居餅交游而有異人蒙山子能作三里霧以 爲獸開頃刻花貴人招之不得願獨善君時爲披露君以幻師遇之未嘗求其術稍從事養生意若有會耳君雖 息爲計然筴乎特以伏首治經如太史公所云孔氏之雍容絕異程卓賈人子沾沾者難結客好施有原涉郭解風概而忍辱包荒寧爲人所負未嘗以武犯禁庶哉德讓君子是可傳也已余故表之曰此西華文學張隱君之墓

賜進士出身亞中

河南參政前史官華亭董其昌撰并書

天啓三年癸亥歲臘月十二日

不肖男弘憲其助達之孫男秉直秉彝方秉大文哲

北斗新柱懸弧長庚曾孫男廣居履端超宋立石

碑在城北高宗陵西里許葛陵崗前張氏塋內寬二尺 寸高七尺董其昌表并草書張君行宜列人物惟既託于金石則人之視之也倍重而行愈遠表所謂是可傳也明史稱其昌書始以米芾爲宗後自成一家人名聞外國四方金石之刻得其制作手書以爲二絕今此表天然神秀蓋其中年作品史稱其昌萬曆間謝事歸起山東副使登萊兵備河南參政並不起光宗立召爲太常少卿掌國于司業事天啓二年擢本寺卿兼侍讀學士修

西華縣續志卷十一

金石

二四

開封建華印刷所承印

神宗實錄奉命赴南方採輯先朝章疏遺事其昌廣搜博徵錄成三百本今此碑紀年署天啓癸亥其在與修實錄後乎惟結銜仍署河南參政者作河南人文字也表稱君晚歲屏居餅交游餅交游之餅從食并聲麵糝也亦曰飪曰餽曰餽亦作餅廣雅餅食也細玩文居謂其屏居不輕與人交游耳無招致食客之意而竟用餅字豈以餅與屏音同借用歟再考

明王夢龍自誌銘附理寒石跋

華人姓王氏名夢龍字仲雲號騰宇少承父訓爲邑庠生員喜讀書彈琴二事之外百無所好一無所知性畏人經旬閉戶生計拙一貧次骨讓畔讓路忍貧忍辱在學四十餘年未嘗一字入公府住世八十四歲絕無片語忤鄉曲數試詞場不售遂以恩貢官學宮凡四易處白首歸里猶如去日貧也百行無可稱述一官穢人口吻一夫一妻有子有孫俱以本分爲生活似亦知自豎者此余生平余自知之余自能言之者也昔劉忠宣公晚年自爲誌銘所親者曰此事以人爲之可也公曰恐後人誣我以美名余願竊比之矣銘曰

畏人若虎嗜古若飴戶庭懶出公府懶入縉紳不識鄉里不知有時弄琴有時讀書無用於世無忤於俗似頑似癡似矯似激

余所聞見當代賢豪長者無踰吾里仲雲先生先生始與大父交中交先嚴晚交不肖邕和忘年忘分忘學骨肉金石未足形似風雨鷄鳴元有感通鄉曲盡知之亦不盡知之也花月佳時或先生過我或我過先生載酒篝燈不覺遂歷晨夕比余遊學四方與先生有經時之隔欲將近日疑義辟耳諮決而先生已棄賓客不及永決爲余生平一恨適用拙舅弟屬其丹石之役知己之痛余不自解其感涕之何從先生高致隱行更僕難盡以自爲誌銘故無所敷亦足見先生之淡於獵名矣有友五人前後俱歌薤露迺邕和以貞疾不死得睹先生斧房之成但老成凋謝虎賁渺茫發言莫賞抱恨人琴自此鷄鳴風雨與花月佳時吾將與何人暢敘幽懷是爲恨又不但永訣之缺已者

崇禎捌年歲次乙亥秋通家教下晚生茅城理邕和頓首謹跋

奉若刊石

右石寬不及二尺高四尺正書前王夢龍自爲誌銘後幅寒石跋也初看似王沒後求寒石書誌寒石因而跋之繼觀標題處附理寒石跋五字及跋語中用拙舅弟屬有丹石之役字樣又似非寒石自書蓋寒石自書則當曰附理邕和跋不當自字後屬有丹石之役亦當曰屬爲丹石之役矣惟此誌旣出夢龍自作而跋又確係寒石所爲名流遺跡寶貴奚似披覽斯竟有似嚼橄欖也

西華縣續志卷十一

金石

二五

開封建華印刷所承印

李公忠義祠碑記

知西華事閩中李培撰

邑之人祀忠義祠有日矣忠義祠圯爲而有也皆正德之五年以劉瑾謀爲不規伏誅籍其家餘孽劉六劉七掠畿內擁衆北向 師戒嚴旣而率逆黨趙風子輩分掠二東中州之地人莫敢觸其威當是時邑侯李公與邑尉楊公廣文孔公泣誓曰寇至 守之李公拔劍示衆有言迎迓屈節者似此也相與統衆登城防禦無何賊勢鴟張力屈於敵三公共罵賊而亡卽時事聞朝宁勅贈李公景爲大理寺左丞并贈孔公環爲國子助教楊公紹龍爲陳州判官春秋賜祭詔崇忠義祠噫三公以浩然之氣不啻綿日星亘河嶽歷千古而不磨者矣迨後祀典相沿久而棟宇傾覆劉公竹坡重建之遞年 值時多故大率傳 官失時不葺竟至頽垣廢址盡鞠茂草予也身蒞茲土承彫敝之後慨然傷廟貌之無存思剖俸構建三楹鼎建而新之庶幾再光俎豆正在召工伐木爰圖厥事而邑之縉紳士父老忽告予曰民之沐膏澤七載矣曷以報公敢立生祠以奉永久焉予曰何必爾爾愧我者實此之舉也予奉命以來勞不遑息卽殫心撫綏爲民間籌疾苦計安全亦我之職也我何功焉今勿舉衆堅弗聽未兩日集衆人之一斿一椽而祠已告成予復爲之歎興曰祠旣成却之無庸也吾願以此祀前之節臣李公孔公楊公同時殉難者設像於上樹碑於右我之心慰爾之

心亦慰卽三公在天之靈不藉此爲顯晦一旦振興祀典斯不亦兩存而無憾也哉謂之生祠也可謂之忠義祠也可爲之記

康熙三十五年歲次丙子仲春吉旦立

右碑在城內忠義祠區立第一小學校寬二尺二寸高可七尺祠爲李培生祠而修終以奉死事者培亦賢矣按華令前後有兩李景一直隸濬縣舉人於弘治十二年任一山西廣靈舉人於正德四年任洎五年殉難卽此之祠而碑焉也乾隆舊志景與孔環楊紹龍皆特載忠烈門大抵非循良不能爲忠義亦不肯爲忠義華人祠之有以夫

明西華縣柳城寺修建碑記

承直郎湖廣武昌府通判致政邑人馬魴譔

文林郎知縣陳世熙 將仕郎主簿康永年 典史曾祖勝儒學教諭汪軒 訓導黃璟

薛清

粵惟稽古天竺發祥佛氏生焉自其教行於中國以來千有餘年古今英君賢佐以及閭閻士女靡然崇信而敬奉之故其祠宇之建窮侈極麗在在有之西華去縣治迤南三十里長樂鄉有城名曰南柳城載諸邑志城之中有寺亦曰柳城寺 地名額寺之肇 於有宋淳

西華縣續志卷十一

金石

二六

開封建華印刷所承印

化之年斷碑猶存諒不爲誣也由宋迄今又五百餘年其間或廢或興未由詳考元季兵革化爲灰燼無夫僧跡存焉洪惟我皇明啓運聖祖龍飛改元洪武十有五年有僧號真滿者來棲於此愛其地形高阜古刹遺址遂剪荆棘掃瓦礫草創佛堂僧舍朝夕焚香誦經以度生民而寺之香火興矣成化乙酉僧人道秀道亨壽官張本同 心營建於是募緣聚貲施財陶瓦百役偕作不踰年而成大雄殿五楹伽藍祖師二殿各五楹前三門後方丈徒衆有舍鐘鼓有樓與夫庖廚井臼靡不備具外契田二十 畝以供僧食煥然爲一方之名刹也至正德辛巳閱歷三紀淪毀於風摧雨剝之間住持圓妙圓空復起而新之朽者易之以堅缺者葺之以完伽象剝落諸天廢墜者一皆粧飾彩繪金碧輝煌而尊嚴如昔矣嘉靖戊子僧人圓臻 才行允善士齊景春等各捐經費已貲重加修理落成之際僉相謂曰此寺自祖師開創以來已經三營建矣未有立石以 事誠恐歲月浸久湮沒無傳奚以示諸後哉乃推義官張文政謁予請記予不佞於佛教無所知然以世情觀之亦有可見夫世之事佛者或資其經典 延壽紀或藉其 以薦先靈茲二者皆惑也殊不知謂之佛者覺也所以覺悟斯世者也其設天堂地獄輪迴因果之說蓋以神道而設教 人能因彼之言觀我之生捨其幻妄幽 而求諸人倫日用之常孝於其親弟於其長忠君信友行無

虧人卽彼所謂修善者登諸天堂匪斯人歟不孝於親不弟於長 佛之言身跖之行卽彼所謂修 隳諸地獄非斯人歟噫善惡報應曉然於人此佛之所以覺悟夫世也使人人皆向於善皆辟乎惡足以收心養性而爲君子之流矣謂佛不有助於世道可乎若惑其教而不知悟世之所謂迷 是已秉吾道之旌者豈能力排而盡去之哉祠宇之崇尚是或一道也今居此寺之僧與近寺之人奉法守教不知其幾求其嗣大師業知重根本如道秀道亨妙住圓空圓臻等後先相繼樂施成功如張本及孫張文政蓋不多得可嘉也予故 出之以爲世勸若夫輸貲助成營建姓名悉刻諸碑陰

嘉靖龍集十有二年歲在癸巳季冬吉日

鄉進士宋科 廩膳生員王邦瑞 陰陽訓術袁時佑 醫學訓科謝君 僧會司護記 邑人周崇禮書丹外有太學生本寺僧人會社人等列名不錄

右碑在今南柳城寬二尺有四高八尺餘考舊志建設志柳城之起始於三國柳舒舒爲鄧艾屯田陂長在此屯墾因以得名查魏書艾傳時欲廣田蓄穀爲滅賊資使艾行陳項已東至壽春艾以爲田良水少不足以盡地利宜開河渠可以引水灌溉大積軍糧又通漕道乃著濟河論以喻其指又以爲昔破黃巾因爲屯田積穀於許都以制四方方今三

隅已定事在淮南每大軍征舉運兵過半功費巨億以爲大役陳蔡之間上下田良可省許昌左右諸稻田并水東下令淮北屯二萬人淮南三萬人十二分休常有四萬人且田且守常收三倍於西計除衆費歲完五百萬斛以爲軍資六七年間可積三十萬斛於淮上此則十萬之衆五年食也以此乘吳無往不克宣王司馬懿善之事皆施行正始二年乃廣開漕渠每東南有事大軍興衆汎舟而下達於江淮資食有儲而無水害艾所建也按艾稱陳蔡之間西華附陳亦正其地惟柳舒不見於策蓋是時僚屬多矣華南北兩柳城北城在縣西北十里南城在縣南三十里兩城南北相對相距四十里固當日軍屯之情形也因柳城寺而附記之如此至以地名額寺記固云始於有宋矣

胡嘉棟王所夢墓志銘

王職方坦如公與余善於垂髫時弱冠同爲諸生臭味益親及兩人先後成進士公令曲逆余以應召過之留三日不能去余官居京邸公至則劇談徹丙夜而蒼生利病朝議得失才品良楛各披肝以告而公多所藥石我矣已約爲婚實訂夙好余還以忤時歸而公就徵補樞曹亦以董太孺人艱歸歸而重艱滯里中者七年更聯二三知心砥行於鄉每聚首則交最勞也公偶邁病尋勿藥矣而一朝捐館頓失典型余所爲涕泗而悼之也惟余不文不能

銘公而知公久且深則又不忍不爲銘也按狀公諱所夢字坦如別號見洲世爲華巨族居南流村國初諱士忠者以節俠表於鄉三傳而生景是爲公高祖好施德行一方倚之景生克新耕弈詩書弈世相承乃生穎封翁封公諱錫民是勅封文林郎完縣令爲封公者也封公敦朴履忱依稀古之人而僊僊道詔實與仲弟子推公相頡頏子推公垂手省魁於韶年而封公且輟儒業矣嗣是坦如應夢日之祥以生封公知克承厥志也故因以爲諱云公早歲敏慧稍長自閑矩矱少嬉戲性地醇如也意氣豁如也器識儀度渾如也津津乎嗜學若渴無煩課程矣總角有聲藝林督學趙吉亭先生拔置弟子員而公愈搗遜善取下以故韞藉淵淵而若虛文采隱隱而弗耀品概嶽嶽風猷奕奕而無所矯伉士類無論識不識無不心儀之也者庚子舉於鄉固子推公魁中州之後庚子也其發祥不褻遠乎先期王豫凡先生從晉中貽余書曰子年掇科其王坦如乎吾卜之以其人與文耳則以文人重科名非第以科名重也甲辰成進士拜完縣令完固曲逆封國而僻在彈丸吏治窳偷民生寡遂矣公曰邑非隴髀安用斧斤吾其拊摩易搏擊乎休養易繭絲乎於是爲墾荒蕪以裕之而歲獲沃壤六千畝之人通社谷以養之而歲蓄萬八百石之儲濬河渠以奠之而歲禦九河白洋四十里之災設學租以優士建廠置室以賑飢而邑無仳離之嘆蠲板稅裁倉役均房租以

祛累蘇困而邑無反裘負薪之悲尤喜植人材獎氣類如孝廉田敦儉王儲鳳皆公從塵埃中識拔之者也理完五年介嚴前魚聲冷冰蘖口無擇言身無擇行絜然者遠之畫然者去之誠信而行其中若焦其令不煩百里之內休休然若春日之日赤子之於慈母焉而去後見思岷碑壘祝千百年未艾也善乎錢侍御梅谷之稱公曰沉至肺肝傾於頰輔以和飲人而人自不爲誕才妙揮霍心根慈敬真犀兕不足割而江湖莫喻其弘潤乎故甫蒞完而民慶若更生甫去完而民戚若脫母此語可謂習公而傳神矣完政數報最被恩綸應徵書龔聲實藉甚縉紳間僉曰台省需次耳而扼要輩且邀公一見公毅然辭之乃以樞部待公公不謂薄也入署則值疆場多故簡材飭武之秋屬公覈汰卒伍直持三尺行之而貂璫素穴其中向公利誘之不爲動計脅之不爲撓又代司馬者方挾炙手薰天之焰意有所循而奪公所執公正詞應之無能加也僚友咋舌謂司馬固賄蔽怨府乎如公何不可任也公第謝不敏而已會太孺人艱凡幾毀性馳歸襄大事俱循古禮四方觀者低徊而讚嘆也日事封公且甘毳承顏笑煦煦乎若有傷者封公繼逝哀瘠甚兼慕太孺人遂不能誦蓼莪矣偶患肢痺投身靜室習道引術逾二年所病且霍然庭訓之暇草堂沙水白鶴青松寄興清遠而無雜賓無豪僕無厚產無私篋也識者謂淡薄寧靜明志而致遠者非公乎天下有事公

起而肩之廓如也一日閱邸報遼事且攘爲太息者久之就寢移時而告逝矣嗟呼世所稱奇傑而顯赫者其人可勝數哉通易塞名浮實天真旣盡聲光銷歇矣但如公素心爲質童而率之終身無所渝於家仁孝於國貞廉孰物孰我奚貴奚名乎所謂敦行合道可儀而可風者非耶而位不暢志年不酌德蒼蒼者謂之何噫其天行物化耶形返神留耶公固有大年矣公生隆慶戊辰年九月十九日卒於萬曆己未年七月初十日得壽五十有二元配林氏鄆城縣人文學林澤民女封安人子五長居崇生員娶鄉耆賈汴女繼娶太學生崔九舞女次居岑廩生娶太學生柳天立女三居峨生員娶鄉耆穆守業女繼娶鄆城文學徐學可女四居嶠娶憲副金礪女五居巍聘不佞嘉棟女女二長適鄉耆劉脫凡子業儒來清生子一女二適陳州進士徐貞子生員繩芳生女一孫二長尙鼎聘鄆城進士謝顏教孫女次尙乾幼未聘孫女四長許聘文學杜齊賢子次許聘鄆陵梁廷棟子俱居崇出廷棟太常寺卿克從子三幼未許聘居峨出四亦居崇出卜於天啓元年閏二月十二日安厝於祖營之東銘曰夢曰曷祥公稟其醇奕世曷德公率其真疇祝庚桑無誼惟民疇風樞府無斃惟臣依依松楸戀戀楓宸帝記玉樓遽返爾神 之慰麟趾振振千秋佳兆烝嘗乎河之漚

石邦彥公建尹公祠碑記

西華縣續志卷十一

金石

二九

開封建華印刷所承印

禮云德施於民則祀之而祠之立往往出自爲人後者隆孝享受先靈分也亦情也至若桑梓銘恩羣起崇拜構祠報功垂諸久遠非甚盛德烏能當此而無愧者哉鄉先生尹參政公字敬修先世由洛陽遷西華居棗口村父封翁士瞻母李氏早卒事繼母董氏以孝聞爲諸生時卽懷經濟志以貢入成均應詔陳言授禮科給事多建樹晚年退居閭里務程朱實學著有大學正詮待梓平生仗義疏財正統元年忽值水災漂沒鄉鄰多流離參政乃捐木作筏以救溺損米煮粥以救飢損布爲衣以救寒當時賴以全活者無算且因沙渚二水爲患日久更損貲增堤以資防守禦菑捍患功施後世今參政沒已十有五年矣除尹姓追祀外而異姓諸父老躬率子弟祭其墓囑曰此恩同再造之父母也特墓在縣東北山子頭恐其久而疏也因釀資建祠起工於天順五年三月不踰月而工竣嗚呼以參政忠孝節義明德馨香俎豆自光禮典何賴鄉人立祠爲區區芹楮供然當時人心不忍久而就湮聊借此舉以報厥德並示子孫相引于無窮云爾首其事者王振趙士興等數十人均得備書

石邦彥撰尹以給練退居爲德於鄉沒而祭於鄉社固宜所著大學正詮未見其書惜其湮沒而不彰也因著錄焉

元萬戶將軍李公故瑩碑記

陳州 朱運昌

李氏者西華舊族也世居縣西南二十五里皮村之左卽今之泥土店迤東一里許是也其先世在元季爲萬戶將軍越有明我外祖諱方威公太醫院吏目仰鑽前人之緒積功累仁禮賢下士而家聲爲之益振又生我母舅諱伯華公作徽藩景寧府賓勅封朝列大夫我母舅又生我表弟四人長曰向日次曰向明俱國學生又次向庚向辰皆良長尤伯仲之白眉也一日偕遊先塋中指而謂曰去此東南塋乃不佞向日始祖萬戶將軍諱彥良之故塋萬戶祖東征未還遺此塋原有數塚後爲不孝者所夷今止存此一塚亦將平矣雖年久遺失其名目今欲封樹刊石以誌不朽以見我後世爲子孫之意迨萬歷三十九年辛亥季冬聚族督使復自持畚鍤增崇其墓不日竟成一大塚矣旣命工勒石復陳牲醴以祀焉先靈其妥矣噫若我表弟者可謂不忘木本水源者也後其昌乎又復取家譜中原載自始祖而十三四世傳派鐫碑上以便觀稽云

清西華縣劉公祠記

西華之置自漢始尹西華而以政著者亦自漢之戴平仲始尹西華而以節著者自明之山右李公始尹西華而政與節兼著者又自明之劉公始公諱伯驂字遇伯燕之河間人崇禎戊辰歲舉明經丁丑任西華治邑以平刑簡賦興學明農爲首務歌於蒞子三年矣會羣盜

西華縣續志卷十一

金石

三

開封建華印刷所承印

起公內撫遺黎外除戎備雖縣孔道而保障賴焉旣闖寇以百萬之衆屠中原大河南北無堅城矣公獨決死守尋襲商水且乘勝寇西華公堞而伍戒無譁復爲疑兵待瑕而四躡之謀知有備掠而西繼襲扶溝薄近郊公豫戢野投諸台設伏殲其梟騎寇憚不敢逼時小

營賊亦數十萬每近城輒擊走公易之寇乃迫襲其營而奪之幟轉破上蔡聲言趨光固乃夜疾馳比旦至城下樹袁幟公誓衆登埤禦之寇驅死黨爲十覆雷轟電擊飛鏃雨注公督戰不少却或誘之款立斬以徇守益堅已而援絕矢盡刀窮不屈死嗚呼烈哉乃公之死天也非人也當闖寇之秦逸於晉熾於豫於楚西北郡縣相繼覆沒而大梁以南所恃

以爲屏蔽者西華耳淮陽以西所籍以爲右臂者亦西華耳是故有西華則有淮陽有淮陽則有大梁有大梁則有河雒勢相倚也而公亦坐劍抗戟務滅茲而後朝食者公之志也乃寇欲窺大梁急謀破西華者西華雖彈丸黑子地有公持其後寇必不敢專力於汴不敢專力於汴則自汴而東可以援歸睢自汴而西可以應關陝寇雖疆勝負其未可知也况公之才尤爲寇所素憚此公與寇所以勢不兩存比公歿而淮陽爲蕪大梁爲浸潼關不守天下事亦從此去矣使公不死一十六葉之金甌其能一旦灰燼乎故曰天也非人也壬午歲已經撫按臣題奏迄大清定鼎詔天下死事者有卹紳若士僉以公之事聞於上請之祀典

會公之子福清嚮五公屬與上計偕謀歸葬邑之人不忍其以骸骨去也泣留止之遂爲廟貌以祭求余爲言且以牲麗之石余惟公之事明於職爲守官勇於難爲守義公於是爲不死矣因記其事而爲之銘曰

人臣之紀大綱是謀黔首維穀怒厥虔劉邦之殄瘁何命其尤虎狼雄虓藐焉若蜚蠊逐其怒海激其颯蚩尤黯然有絕四緱毅魄全神閭閻與遊掣虹騎箕服霰鸞凸福我 民宜我量疇汴水之湄映彼清流怵乎如見烈烈千秋

賜同進士出身欽差工部虞衡司主事提督龍江等關隣治生李賁頓首撰

清順治辛卯十一月吉旦立

閭邑紳衿士民等立石名具碑蔭

右碑存劉祠寬尺有 高五尺弱郟城李賁撰文賁前記玄帝廟李豫弟也崇禎丙子舉人成清順治戊戌進士授中書頒詔大同權工部主事分司龍江除溢額又奉使蕪湖中河盡革餘稅遷本部郎中濬河築隄漕運無阻假歸卒入祀鄉賢劉公之殉在明亡前二年此文之作在清興順治八年也文中戴平仲封令西華蝗不入境載獨行傳山右李公名景正德間流寇陷城被執欲屈之罵曰天朝命官豈屈膝鼠輩耶賊以刃決其口殺之

西華縣續志卷十一

金石

三一

開封建華印刷所承印

于爲子原作于爲于樂曲名唐元德秀令魯山明皇在東都令三百里內縣令各以聲樂集德秀獨遣樂工數十人聯袂歌于爲于帝聞之歎曰賢人之言哉原兩于字同从于沼于泚之于此前于从於後于從子未知何本時小 營賊亦數十萬以下字泐但以下句證之當亦地名也銘詞黔首維穀按穀善也豈謂人無有不善乎又後羈逐其怒服霰鸞凸按逐激也木華海賦磊匍匐而相逐凸與凸通詩公予鑿錚羈是逐者怒激之意凸者矛戟之器羈鸞兩字容再考查文情辭斐然字作趙吳興體人名悉列碑陰不錄

前文林郎西華縣知縣忠烈劉公廟碑

賜進士及第內弘文院編修柘城縣後學李元振撰文

奉直大夫原任江南泰州知州商丘後學田作澤書丹

賜同進士出身文林郎原任陝西漢陰縣知縣鹿邑後學楊六德篆額

故西華知縣忠烈劉公既祔主名宦祠僕爲文次其事嘗論公以殉城大節不得專廟食揆諸祀典蓋有闕焉西華人亦有言曰神在名宦民莫舉也乃謀建廟公墓之左來請於公之子公子時治鹿五年矣鹿人相與趨者項背相接不逾一月而廟成室堂既具庸埒屏樹以環以峙榜曰忠烈之祠蓋縣人私爲謚以讞公者書之志不諂也方公之來西華也當明崇

禎之戊寅年寇羣起略走百姓窮餓且死郊聚墟荒以是饑者日附爲盜公旣到縣數逮問父老先爲還定安集之策有善政十四事祀人侯邦定作詩以美之劉文烈公爲之序文烈忠孝男子慷慨任氣宇以狀元官翰林中允死甲申三月之變蓋非苟譽人者余不具論蓋中原之亂久矣公旣治華有次第乃益爲城守計增陴卑薄仞隍塹緝甲礮矢峙芻粟罷一切簿書旦夜坐譙門中色貌癯癯日不給啖一升嘗曰百姓窮餓且死吾食不下也守孤城且四年賊不敢窺其境初賊各爲營壘不相統一城邑莫有壞者辛巳正月河南府陷遂傳賊爲李自成殺渠黨自立并有其衆將狗汴以東於是汴以東大震明年壬午賊果領衆數萬圍汴不克遂略汴之近地所過或款或解去公聞之怒髮上指曳裨橫刀顧馬上有言款者立斬之奮拳掀髯方且呼兵食誓死固守嗚呼竟以孤城坐無援死矣時歲二月之某日也死之日釋戎衣具衣冠北向再拜投於井嗚呼壯哉按祭法以死勤事則祀禮也士君子曉言之民或忽焉今觀西華一縣去公且三十年人久不見兵革哺飢護寒之日忽然有動於中無問哲愚少長皆願奉神明祝春秋公豈僅以節見者哉管子曰不重之結雖固必解其法施於民者耶其足人長念也雖大烝可也忠不失職然則殉城其烈乎牲牢俎豆必有任之者矣爲次侑歌三章俾肆之以祀公公河間人諱伯驂字遇伯以貢士顯子三人長鹿

西華縣續志卷十一

金石

三一

開封建華印刷所承印

邑知縣也順治戊子舉直隸鄉試諱福清次德清智清皆以文學世其家其辭曰

宜之雲兮宛虹波與射兮畦瀛策勿飄組兮若來鳧差池其羽兮鶴同東西朔南土會中宵分日半筮而從躑階宿几以顧言兮儻儻歎警其容聲右迎神萊有竹兮爽有棠春粲粲其

柳兮秋蒲與黃和酸若苦傾柘漿彙稻穰麥芬且芳激楚唵蔡發清商衣芰蕙帶繡而裳陟左降右質在旁帝命遲遲兮下巫陽右享神侯之來兮麗青虬天門闢兮不可以久留香爲

案兮玉爲樓中有仙人鳴且求時暘若雨美疆疇誰爲爲之曰靈修渺兮思余帝所遊越自今無替祝釐兮更萬祀乎千秋右送神

皆清康熙八年歲在己酉秋七月吉日勒石

石工武程鐫字

有碑在劉祠寬二尺高約七尺時康熙己酉距李賁記將二十年矣李文元振撰元振後官工部右侍郎卓著聲績此文則其釋褐後五年作元振固於康熙二年以殿試第二人及第也祀人侯邦定詩及劉文烈序今未及見緝甲礮矢緝音百補也礮權俱切音衢青礮石言補綴其甲磨厲其矢也曳裨橫刀裨音木劍衣也曳衣橫刀狀其勇銘首字從「從且應作宜字蓋華有宜山也策勿影組言以策卹勿影長組而來也彙稻穰麥彙音摺風動禾兒穰同樵許祭酒云早取穀也楚辭穰麥服處誰爲爲之曰靈修指劉侯記與歌

詞名自爲起訖共十二行前後標題列銜紀年又六行由作澤書丹正書

重修前邑侯劉公祠堂記

前明邑侯劉公諱伯驂直隸河間人崇禎末爲西華宰值闖賊內訌城潰殉難葬城東二里許邑之人就墳前立祠以祀我朝受命崇德報功劉侯之祭得列祀典向例春秋之祭亦卽於祠舉行奈歲久祠宇傾沒未經申請重修里之人亦無復有捐貲葺之者僅就祠基旁行望祭之禮已數十年於茲予本年夏捧檄權宰是邦下車之日虔詣堂下見夫頽垣斷楹盡沒於荒煙蔓草之中欲加繕葺顧以其時暫其俸薄有志而力未逮也然心已愴然矣適南流渡口太學生王君應韶具稟呈案願捐貲重加繕治予允其請並令其躬親督理無假手吏胥致草率爰親身鳩工庀材閱月而工竣爲堂爲階爲牆垣戶牖既次丹雘煥然一新於是奉劉侯之主人祠而復舊祀夫以國家秩祀之典聽其失墜焉而莫之舉也則廢典以劉侯之殺身成仁而不能使之血食於茲土也則滅義廢典滅義其何以爲政今幸劉侯祠宇得以堂構聿新無廢祀典又喜王君之急公好義而能相與有成也遂援以筆而爲之記

署西華縣事龍眠張慶昌撰文 儒學生員周海旭書丹 武生馬青魁李夢熊馬青山助

監 石工霍振宗鐫字

西華縣續志卷十一

金石

三三

開封建華印刷所承印

大清道光十有八年歲次戊戌嘉平月穀旦立

右碑寬僅尺餘高不及四尺龍眠張慶昌撰文西華劉侯祠李賁李元振前後撰文皆卓卓可傳張甫莅事而能舉墜典且於劉葬處及歷年興廢之故歷歷如繪並囑無假手吏胥是可志也錄存之

清初建粟大王廟記

國家承天右序懷柔百神四方上下罔不致靈贊順翊我無疆之休而大河之神爲尤著道光中葉栗恭勤公以治河名臣盡瘁王事生而爲英殉而爲靈聖天子崇德報功寵以大王位號河壩之上廟貌巋然嗚呼偉矣王於嘉慶之季嘗宰西華仁風所被至今在人心目光緒十三年秋河決鄭州邑當其衝惟城襟帶賈魯河恃堤以自固余適承乏於此日與僚佐躬親修守奔流湍悍旦夕告潰城南袤延數十里岌岌乎汨沒可待王乃顯示奇蹟卒致功於堵築危而復安自是困於水者年餘而堤汜無患且當昏墊之頃雖窮鄉僻壤亦鮮有滅頂隕其生者邑之人相與慶幸以爲此吾王之賜也乃僉以立廟爲請余惟王者進退羣神之祀凡以爲民而已有禦災捍患以死勤事而又徵著靈爽陰福斯民者秩祀之典必備焉從民望也矧此邑爲王舊治固吾民所得私者吾觀桐鄉會葬羅邑侑神則茲邑亦王之祠

鄉羅池也廟食其何可闕如於是首捐俸金繼以勸募卜地城東先農壇之左爲王立廟材匠萃集衆工具興崇墉雕甍秩秩眈眈凡爲殿三楹左右廳事以楹前爲臺以迎神送神堂階門庭罔弗治齋庖海圍罔弗備經始於十六年二月越八月工竣共糜錢五千三百緡有奇落成之日余偕同官刑牲致祭受神居而展拜焉蓋自是王之精爽得所憑依亦邑人士尸祝之心願右庇於來茲也爰記以泐諸麗牲之石若監修暨捐貲姓氏則別著於碑陰并系以神弦之曲其辭曰

繫金堤之穴潰兮河流湯湯維蕞爾之城社兮障以堤防乃蹇莛而伐撻兮千夫邪許沐我王靈兮固吾圉王昔從此都兮二天同戴緬甘棠之芟舍兮勿翦勿拜崇祠大啓兮畫棟雕梁以妥以侑兮奉百世之蒸嘗士女薦馨兮坎鼓蹲舞雲車風馬兮王其永福於此土光緒十有六年歲次庚寅秋九月知西華縣事東臺鮑振鏞記生員理廣芸書丹

右碑存城東廟內寬二尺許高約七尺額刻畫蓮甚生動其文鮑振鏞記也栗初於嘉慶間以拔貢官河南知縣考先正事略載其官安陽武陟光州汝寧開封等處後以河南布政授東河總督不言令西華事以今考之當於初至河南時也據稱栗爲令恤疲氓懲猾吏折疑獄如神在華當亦如是而在河督任內尤以知河性創磚壩爲歷來所無故任河

帥數年盛漲之水皆決口有餘卒無事及沒二年南岸決踰年又決斯固不得全委之運數也論者謂栗治河能通物性以盡利由其心之誠壹故也豈不然哉栗山西渾源州人字友梅一字樸園以道光二十年卒至光緒庚寅西華廟祀已五十年矣瀕河人祀大王洋洋如在華不幸而苦水其祀栗不亦宜乎華有理氏自寒石始廣芸當爲寒石之奕代孫文中秩秩眈眈侯古切音戶說文明也揚雄傳眈分殊事張衡西京賦赫眈眈以宏敞

重修大覺寺記

今夫用力大則難肩相因久則易諉故事有蠱而得幹之美葺而等創之勞者此非有實心任事之人出其精神與之經久其於興廢舉墜之道未之有幾也宿峇鎮之大覺寺以祠諸佛祖及諸羅漢尊者北襟灑水南眺召陵盡華之西鄙之東無與是寺雁行故勝地也人言棟宇創自五代雖誌記無徵先世相傳或亦有據然而歲月旣久作者之精神盡矣其間風摧雨泐崩壞傾頽不無望於後人明代屢經修葺迄今幾三百年矣數十歲前廟貌仍故紺像燦然蒼松古柏蔽芾雲霄時節朔望環鎮士女大集庭下勢若禹峽春流霄濤秋壯壑赴岸滅前擁後推武無可步視不得留莫不嚴戒潔齋澡滌洗沐專壹志慮齋肅形容迄丙辰

歲靈霖爲災寺以摧塌殆無寸宇周圍垣戶僅以址存嗚呼諸佛祖羅漢清靜妥靈之位而令其圯剝至是其何以奉靈山而施慈航使悍然不悟冥然不覺之衆超苦海登彼岸聲喚其回頭也本集罷文燦嚴瑄等不勝慨然因共募緣於鄰鄉好義者捐資協助營建寺殿五間紺佛像三座羅漢十八尊金碧焜煌丹青掩映靜室外垣無一不具是役也經始於乾隆八年至乾隆十年八月始告成事嘻備矣美矣非有實心任事出其精神以爲舉興其何以神諧人謹經久不廢如此哉謂不記不可以垂永乃問記於余余以神之歆與棄不係於廟貌之崇卑而係於人心之善惡爲吾同人果能 隆尊親慈覃幼穉義鍾伉儷愛厚弟昆信友善鄰嘉嫺懿親嗜欲不形名利若空一念所格神明可通明心見性立地成佛無疆之庥永賚之矣不然卽宮殿巍峨命奩璀璨敢遽以此邀福毋乃迷而罔覺之甚乎語曰烝牲非芬沈璧非潔神之貺之視精明之德故以寺棲佛人則知之而 事佛容有不盡知者故昭而出之以爲諸實心任事之善士告諸善士曰是重修也不等創建如公言是可以勒於石矣因敬書之以誌歲月

賜進士探花及第翰林院修撰侍讀學士詹事府少詹癸卯科四川主考提督福建學政浙江布政使司巡撫安徽等處總督浙江巡撫鹽院事總督七省軍務兵部右侍郎兼都察院西華縣續志卷十一

金石

三五

開封建華印刷所承印

右副都御史古蔡程元章撰記

西華縣儒學生員于奮澠敬書

大清乾隆拾年歲次乙丑秋月豎 下有功德主化主住持匠工等列名不錄

碑在宿寨寺內寬可二尺高可八尺記文作橫列狀上下六層至元章奮澠結銜則又通行直書矣元章事蹟詳載中州先哲傳雍正七年署浙江布政使浙大饑元章莅官卽白督撫請振總督假歸或言宜俟總督元章曰浙民嗷嗷待哺少遲則轉溝壑安能拘文法遂開倉以振十年署浙江總督兼管巡撫摠政十二年堅辭總督詔以總督專管巡撫兼摠政後受代歸至乾隆元年授漕運總督二年署禮部侍郎轉吏部左侍郎五年罷歸此結銜總督七省軍務兵部右侍郎兼都察院兵部右侍郎者未知其在何年金石遺文往往可補傳記之闕此其一事

劉人龍潘少荃及萋姜兩孺人墓銘

公世居華邑久矣潘其姓煥其名少荃其字也其天性和樂居家事人初持一心未嘗變節不爲翕翕熱亦不爲崖岸斬絕之行其奉太翁太母先意承顏雖值薄貧而徧身之物無不備具明季兵燹死者塞道公挺身一往保全兄若弟俾得無恙及本朝鼎新兄弟先公而逝

公撫遺侄四人爲置宅宇爲出金幣聘娶之俾各有室孝友之本於性成也如此遇鄰里有貧乏者輒爲推解有患難者卽爲保護至其仁及三族又無論矣是睦婣任恤之行無憾也又如此昔時寄葬茅岡今於十一月二十九日徙葬於邑西偏十里護當城新塋元配婁孺人繼配姜孺人與之合葬暨長男庠生諱棟字子元長男婦陳孺人仲男婦王孺人隨葬於茲仲男康熙壬午科武舉名藩字子侯營理葬事丐余秉筆以誌其墓余生也晚學識謏陋不獲辭因略述其生平者爰爲銘以誌之銘曰悟得貞下元參得死生透不種不根人天地同其壽墓木枯復枯墓草腐復腐少全少全自古

邱氏父子修橋碑

余蒞西華有

者字君賢人咸以善人稱余未之異也次年春卽以出己財修黃土

橋清流河之石橋告余余曰善名豈虛傳哉邑人又爲余言君賢嘗修息縣之紅石橋楮河橋嘗兩修之至斯橋也修石橋者二修木橋者一皆不藉他人分毫然皆乃父志也乃父文忠嘗修土石橋於此培長堤者十五里故今茲之修也不忍父功之廢也及讀府縣志余以豫藩趙公良輿彰善錄皆同然後知歸公有傑士風之旌介公世修懿德之額有以夫橋工落成邑人請記於余余曰若而人者孝義其兩兼之也匹夫匹婦咸知慕義然或偶一爲之

西華縣續志卷十一

金石

三六

開封建華印刷所承印

或一再爲之不轉瞬而轍迹已易縱前人爲之開基而一與利交取之惟恐不多耳況其施哉至持以終身而守以世家余未之見也君賢家非厚藏而以積德世父爲之作子爲之述善矣而又述不一述抑又難矣費以數千無吝色年近八旬無倦志不改父政更無虛日起孟莊子於今日幾不知孰先孰後也彼世之父沒未及肉寒輒爲改絃錙銖無關得失好爲盡取聞邱氏之風亦少愧矣哉然又聞其施衣食茶藥以濟人生棺木義塚以葬人死自乃父已然也則君賢之積德世家又豈獨在橋梁也哉更施地十六畝並誌之

賜進士出身文林郎知西華縣事前翰林院庶吉士加三級紀錄二次臯川張鶴雲撰文題額 一鄉耆列名五十餘人不錄一

清乾隆三十三年孟夏吉日

碑在黃土橋寬尺半高四尺許邱氏修橋仍世濟美至再次重修則居賢之子懋修也
附乾隆四十二年重修黃土橋記

碑高庌略與前同陽武教諭丙子科舉人朱鳴臯撰文蓋君賢修橋十餘年至是將傾其子懋修名致德又傾囊以濟後西華縣知縣沈望署名鄉耆列名百數歲在丙甲三月
添修磚橋兼修大路碑記

從來工之廢興視乎勢事之難易視乎時我華西偏跨渚河以爲梁者爲黃土橋其東南爲夾河套每值春夏陰雨連綿鄢扶之水洩瀉莫禦汎濫汪洋行旅阨於迷津舟子視爲利藪雖疇昔屢經修補而自黃水衝決而還日削月朘而病涉者仍不可勝計非添修磚橋廣培道路奚以通險阻而便行人則其勢難兼值饑饉頻遭閭閻困窮將募化四方共成善舉而捐貲皆苦於無所出斯其時又難邑侯幹生馬公以光緒十七年來令我華體恤輿情關懷施濟而於境內道路尤加意焉嘗喟然嘆曰斯邑之所屬惟西南最遠斯邑之要途亦惟西南最險於是捐廉以爲之倡於大河套添建大磚橋十於尹家坡補修小磚橋二自西關至逍遙集凡路途污下之處皆召集貧民共効揀陜每日按工給賞以資糊口民之賴以全活者不下數千家此誠思艱圖易以興工代賑濟矣他日者晝接頻占漸陟要津統宇內元元之衆示周行以順長道消反側而歸蕩平未必不於此肇其基也噫嘻率作者導其前路襄事者步其後塵殷富者輸其貲財困窮者効其筋力由是人無褻裳之苦駕無臨河之嗟凡君子之遵道而行者孰不羨其遺澤孔長也蓋自光緒二十四年二月經其始至三月吉日工竣共費錢一千一百餘緡例得勒諸貞珉永垂不朽云

西華縣續志卷十一

金石

三七

開封建華印刷所承印

錄己卯科舉人揀選知縣邑人朱俊卿撰文 候選巡政廳邑人曹開祥書丹
碑在黃土橋寬一尺五寸高四尺強按序言費錢一千一百餘緡然添建大橋十小橋二且全活數千家序未免夸大然可徵當時之物情矣憶清季物價漲然較現在則前值一文者今加數十倍百倍不等雖幣制變更直接爲因果然物價繼長增高前後三十年已相差如此更數十年將何如耶使移千餘緡於茲一橋亦難成矣惟昔日社會交易以銀與錢今以銀幣昔每銀一兩易錢千文上下今每幣一枚易錢文八千而銀幣與錢幣胥以楮代九府之法便民用耳曷必昔日因跋前碑而記其後如此

雲骨子先生墓表銘

先生不知何許人也其姓名出處不傳第見之書帖稱之遠近道號曰雲骨子蓋雲無定體也先生縱遊東西南北者似之骨有定節也先生操履險阻艱難者似之先生乘牛車琴劍隻僕韜數卷書遨遊海內近六十年上而先達下而耆庶多歡與之接轍迹所到陶鑄甚廣門下士列縉紳拖紫綬者在在有人而先生胥浮雲視之憶丙辰初至華教浹歲嘗述其師涇陽願先生之言曰凡講學者貴講其所學耳不可遠求行住坐臥食息語默皆有帝則然非持敬以存養省察之無由入也爾輩其砥礪刻苦此學乎所著書大全子不以示人其友

夏峯徵君孫先生與談心折爲文以序之欲付欵劂而先生不答嗣後四至西華始授於門人王氏子謙等先生氣宇軒昂有賢豪之品概其風厲處若大冬嚴雪而光霽又若和風甘雨凡從學有過初不少容改而卽化古儒人如郭林宗之車轍造就遍矣自先生較之覺太狹邵康節之行窩仰企深矣自先生視之又覺太逸詩發大遊草表留諸名山湖海以見志非甘蹈林叟之伍辭續萬古篇尤痛傷諸友人節義以盟心貞歲寒松柏之堅允哉先生之風足以媿鄙薄而先生之學足以翼聖真矣名之以隱若以教爲隱也稱之以節若渾乎其節也求之禪繼之代靖節疊山之輩先生殆其儔歟戊寅先生年九十餘矣邁疾許昌門人子謙返歸於華環侍湯藥凡四閱月病劇屢問况先生曰吾形雖苦吾心甚樂廢餐四十餘日時命小子輩焚香禪琴吟詩以自娛五月念一夜半語子謙等曰吾與諸子永別矣語畢整衣冠拱默而逝終不留其姓名聞訃士倣子美七歌哭之寢館門人子謙等躬執喪卜塋邑西北十里許無黨城 越數日刻石爲誌而囑予爲文予非能文者第述廿年所見先生之大概云爾至先生之行與書垂諸天壤以俟鴻文巨筆爲之闡揚焉銘曰宜山之 穎水之東何水無雲此水泐泐何雲無根此山瓏瓏英賢 之 玉骨稜稜終於茲宮雲 骨 子 先 生 之 墓

宛丘後學王多士頓首謹譔

門生王斌煥 周公孫 張可傳 馮階王 睿——

門晚晚生李國輔徐崇文同納石門晚晚生王之哲頓首謹書

康熙三十七年歲次戊寅秋月穀旦立

右碑在邑 里護當城表稱無黨城寬尺有五寸高四尺弱中署雲骨子先生之墓

前幅十一行標題暨表文後幅署名諸人皆平列惟書人王之哲名退一字當以年輩晚示謙故也雲骨不肯留姓名易代之際當有傷心處惟稱師顧涇陽先生憲成固明季講宋學者雲骨淵源有自宜其素履矚然云

重修南柳城寺碑記

縣南三十里有柳城村附村之南有柳城寺何異乎然不異而異者也夫村與寺不自爲名悉沿柳城之名以爲名則柳城之於人當必有足言足誌者城可廢而名不可滅不亦異乎考魏正始二年欲廣田爲代吳計鄧艾以爲陳蔡之間可令屯兵且田且守歲有大獲時柳舒爲陂長城之得名蓋以此今遺跡僅存然爲大村落寺舊在村東里許地勢隰下屢圯於水前明有邑人王都堂敬民者移建於此爲室二十六楹中祀佛祖伽藍六祖天王火星及

南堂觀音廣生閻羅諸神像我朝二百餘年屢有修葺是則曲禮所云有其舉之莫或廢者也夫釋迦稱尊參悟者豈隨空夫八垢而諸神附祀頂禮者儼然徧於六時春祈秋賽共享俎豆之馨雨剝風侵莫禁漂搖之漸村人士觸自愴神僉謂非舉而新之不足以明尊嚴而昭誠敬也顧鹿苑有基原不必許珣舍宅特鳩工無力尙藉夫須達捐金於是乎徒鼎用衆而爲托鉢沿門之計是役也始於辛卯之春期年落成而煥然一新矣覩茲梵宇重開平林盡成祇樹應知慈航再渡寶蓮胥現香花新蓋廣諸天之界佛面增光抑亦妥羣聖之靈神明有託者矣嗟乎事之盛衰因隆及替人之榦補有廢必興夫柳城已廢柳城之名猶存且以名村者轉以名其村之寺意柳城之於人必有足言足誌者村若寺假柳城以爲名而柳城之名卽藉之村之寺相傳於無替則又異而不異者也若是乎南柳城寺可以修可以重修

例授修職郎侯選儒學訓導馮岷玉沐手敬撰

邑人儒生馮堃敬書 木泥石塑各工俱列名首事李長俊等八十餘名各施錢住持

道徒叩化不錄

大清光緒十八年春月中院穀旦

西華縣續志卷十一

金石

三九

開封建華印刷所承印

碑在南柳城寺寬二尺許高七尺強首泐萬善同歸四字竟體楷書雖附書姓名字亦適
謹

清創修西華縣學堂碑記

天道無不變之運皇王無不變之法大易之垂訓曰化而裁之存乎變又曰變而通之以盡利則知堯舜創揖讓之統變也歸於通也湯武開征誅之局變也濟其窮也亦因乎時而已矣三代以後商鞅變法而秦亡王莽變法而漢熄安石變法而宋僭遂使數千年來明主賢相出乎其間亦不敢輕言變法言變法率藉此以爲詬病然彼惟不知時抑亦不善變者矣至今日而海禁大開歐風東漸列強環立其視眈眈即使前聖處此安有守舊而不變者哉景皇帝乾樞獨運下詔各督撫停科舉興學堂以育人材而圖自強時也蓋有不得不變者也西華令舒公樹基仰承憲札欲就學署舊地設立中學堂小學堂師範學堂邀集在城首事張君璿馬君附驥在鄉首事郭君玉珍趙君傑閣綱維其事張君尙寬楊君永春等共襄理之遂協商二十里首事一里捐銀一百五十兩經之營之謂可不日成也會官紳齟齬致興大訟幾成大獄中輟者凡五閱月舒公去任沈公福源來署篆仍邀諸紳告厥成功時光緒三十二年秋七月也以明倫堂爲禮堂演說之所其東則教習院共三所各三間不廈不

柱窗牖明亮前則食堂五間可容數十人又前爲廚房院共三所六間外以圓門界之其西爲講堂院北屋三間丹楹刻桷極爲壯麗兩頭配以圖書所文案所亦甚整齊東西講堂各五間前後穿窗窗嵌玻璃中爲重門簷牙高張其勢崢嶸門以南爲官廳三間與北堂對峙其工亦相埒東西俱以圓門界之三門對照形若貫珠監學舍卽附於門左又西爲齋房共七所每所三間皆南其戶直北爲體操場外周以圍牆其後就書院之講堂爲食堂就書院之齋房爲自習室前則二門蔽之扶以玲瓏之牆大門起於學宮之旁左則接待所右關一院植以花木西屋三楹收支所亦閱報所也屋皆覆以瓦魚鱗森列路盡鋪圓以磚其平底局勢宏敞規模備具諸君之用心亦良苦矣開學後三堂肄業者百有餘人嗚呼盛哉諸君咸曰斯舉也費數千金經一二年是不可以不記又謂予始終其事知之悉者必言之而詳忘予之不文也因述其顛末筆之於石云

五品頂戴光祿寺署正銜庚子辛丑恩正併科舉人西華縣教諭移補訓導長葛張嵐峯撰文

教育官練習所畢業優廩生楊永春書丹

督工首事陝西候補縣丞壬午科舉人馬附驥 奉祀生張尙寬

西華縣續志卷十一

金石

四

開封建華印刷所承印

藍翎同知銜張璿

監生胡松林

花翎候選州判郭玉珍

優廩生楊永春

武生趙傑閣

大清宣統元年歲次己酉冬月上院穀旦白德方刻石
清故理府君墓表

吾邑理氏自寒石先生以忠節著其族之人無問簪綬褐布率多激昂慷慨見義勇爲蓋其性質然也府君諱世發字榮遠行二於寒石公爲八世族孫曾祖諱廷檜字霄軒明季逆闖寇西華殉城劉公檄里民壯者登城守數晝夜不遑食息霄軒公奮臂踴躍劉公嘉其忠勇里人自今傳之祖諱文略字統三喜排難解紛脫人於禍人號理髯云父諱夢麟字瑞符行三承舊業頗豐樂施與遇隣里相構者直言解之需財輒倒其囊以故家中落府君生當其時至不能從塾師從伯父四表奇君之貌召而授以書兩閱月論語學庸皆成誦先生大奇愛之後竟以貧廢恭兄明發艱辛備嘗而事瑞符君母劉氏則衣服飲食所欲皆遂瑞符君病危時值炎暑兄方遠商荆越府君寢食俱廢者六七晝夜瑞符君沒府君哀毀骨立黑肌深目時時流涕幾喪明爲母在吞聲忍淚嘗於膝下指示白黑以解慈顏迨母沒而寢苦泣

血竟喪厥明嘗戒其子曰吾讀兩月書覺聖賢言語不過爲子盡孝爲臣盡忠是兩大事無斯二者雖終身讀書何益府君配梁孺人一子名元程字漢階縣學生予初識漢階時年尚少大庭廣衆中喜爲議論豪宕淋漓罔所願忌及遇可驚可愕之事奮袂大呼必力爭而後快予每盡言抑之然未嘗不喜其爲人也邇年沈潛經書篤嗜朱程言動舉止望重鄉邦求之士類蓋難其匹及讀所爲榮遠府君狀見其一門之內父子祖孫相承四五代情性行誼乃復相類若此其皆古之所謂善人者也故旣採府君之大略兼叙其先世而並及其子以揭於其墓云

乙酉選拔己亥副榜 金敬五撰文

文林郎知貴州鎮遠縣事張遠覽書丹

文林郎候選知縣管西華縣教諭事李炳章篆額

皇清乾隆五十七年歲次壬子冬十月丙寅朔男元程立石

右石寬可尺半高三尺許着墨無多已見理府君爲人後世誌銘之文愛博喜諛誌其人也而譽其後嗣侈其族也而及其姻親且銘勛太公述德仲尼誠有如白氏所云者吾不知是譽其先人耶抑借他人以爲其先人耶是銘其先人耶抑籍以表其人之閱閱耶綴

西華縣續志卷十一

金石

四一

開封建華印刷所承印

文如此不其費歟此文述理府君具見本色絃其子處寓頌於規猶有先民遺矩且文爲桐岡所書因錄存之

重修元故金牌萬戶將軍李公祠堂記

間嘗披覽載籍宗廟之制自天子七至於適土一尊卑遞降周典也李唐時公侯曰家廟趙宋有祠堂之名卽適土一廟之遺式近時士庶家亦有之以報本追遠而孝思不匱也又禮祭法云先王之制祭祀厥名有五戰亡之士不與列史傳記則言之詳矣將軍死綏縣官悽嗟春秋俎豆而時祭焉矧乃爲人後之子若孫寧無魚菽之味薦及於忠魂也耶在昔元季金牌萬戶將軍李公諱彥良字 忠義士也西華名族事元順帝東方于紀擾亂區夏公奉帝命討賊歿於陣嗚呼公死王事矣是宜血食千秋者非歟遙憶公亡後元主贈賜有常典也而後世薦奠祠宇涼必赫奕於鄉曲第公卒未久伯顏氏亦喪失天祿玉步再改鼎社遷矣兵燹屢作邑里殘矣祠堂之興廢無可考耳而李公蹈義履忠令人永懷不忘也夫士君子之仕亂世爲國虎臣禦侮一方常危急存亡之秋生死呼吸之際遺臭流芳判於莠頃惟一義權之斯善也否則穢青史公之爲元將兵敗而身死者義也義則流芳譬諸幽谷之蘭人服媚其芳香矣視彼偷生苟免赧顏歿世獲保首領於牖下者均之一死也而棄義

之子穢行惟腥真里巷中之糞土焉耳且人臣事君忠爲大閑不可踰也公危不避難惟辦一死以報所天忠矣是其猝然遽若茲乎由於賦性剛毅浩氣四達而莫之能遏也故一旦臨大節趨死如歸不屈於威武焉有貞烈之士甘爲降虜以求活也耶嗟嗟李公致命遂志無虧於忠生爲萬夫之長歿爲百鬼之雄冥塗生光英風孔張到今百有餘霜世咸欽重焉予何間然乎哉吾聞天鑒不爽先世罹非辜後裔獲餘慶公歿後前明時其七世孫伯華字朴菴以孝廉爲景寧郡王之婿時制謂之儀賓世俗因帝婿官曰駙馬都尉羣呼爲郡馬世相傳以爲榮榮固榮矣非無妄而受福也乃仁天愍李公之數奇祿位施及雲初俾幽冥之中無抱恨於喪元焉已矣乾隆四十二年李公裔孫聖峙先生暨族姪淑躬夫子瞻如親家傷先靈之幽棲靡定後昆之祭埽無所糾合族衆爰建祠堂而春露秋霜子姓羣集恪祀遠祖教孝也但爲時無幾何而淒風苦雨隳壞見告矣嘉慶五年聖峙先生子騰霄謀於同宗志合願從者得人復重新焉翼翼祠堂前人作之峨峨祠堂後人紹之禮中庸曰夫孝者善繼人之志善述人之事騰霄其聞風興起者與工竣勒石以述祖德垂諸來世囑居誌其顛末居鄙朴人也嘉李公之忠義非命而卒謹序如右

己未科恩貢生候選直隸州通判年家眷姻晚凌念居頓首撰文

十五世元孫月吟沐

西華縣續志卷十一

金石

四一

開封建華印刷所承印

手敬書

碑在前李李氏祠內寬二尺高六尺強年月具文中不另署彥良事舊志不載豈易代之故歟然歷數百年而裔孫祠事儒者載筆不得謂非忠義之報也使屈服倖生子孫且羞道矣著於此惟其事也文間有訛字俄頃俄作莪竣事竣作峻又稱伯顏氏亦喪天祿旣稱天祿當指元帝元帝係却特氏作伯顏誤

西華縣續志卷十一

金石二

徐漢重修西華文廟記

徐炳續修文廟碑記

葉期頤重修西華縣署碑記

蕭麟德重修西華考院碑記

衍疇書院添買地畝碑記

張嵐峯衍疇亭碑記

李賁武公德政碑

金敬五沈公德政碑

武超凡自序碑 附尊經閣壤賦碑

周敬祖劉公去思碑

楊彥修冷飯店重修聖廟關帝廟碑

金曰柱重修皮場王廟碑

劉燮重修武官台廟碑

西華縣續志卷十一

金石

曹崐林重修汾溪義濟橋碑

金敬五重修桃花橋碑

凌去欺重修畢口橋碑

鮑振鏞新建栗大王廟碑

張金榜重修祖師火神菩薩廟碑

李炳章理氏學田碑記

劉焯胡氏家廟碑記

謝檣吳中奇及孺人董氏墓志

王遵訓于洙及恭人王氏墓志

劉拱辰王元善及閻宜人墓志

周敬祖墓志

高釗中凌怡堂墓志

黃舒昺于綱齋墓表

孫葆田趙濟寬墓表

王新楨朱俊卿墓表

周雲凌甲焠墓表

張得天硯銘

徐漢重修西華縣文廟碑記

國家之治在人材人材之興由學校所以虞夏商周之學名不同而實則一也三代而降道在孔子集羣聖之大成立百王之師表故曆代相沿上自郊畿下至郡邑莫不設學以崇祀典所以廣聖教而育人文也學者思欲神游數仞之內夢想美富之容景仰乎太山梁木之巍峨瞻拜乎禮樂衣冠之隆備顧可廢而不修敝而不新乎西華古隸陳久爲聖跡遊歷之所舊有學宮其創建始末載在縣乘固邑之士民所靈承而向慕者也予承乏斯邑謁廟之初周回顧瞻垣墉頽圯椽棟腐蠹遂集官僚及諸生謂之曰教莫先於興學茲可緩乎僉曰此非特我公之志亦前任魯父母之志也初丹陽魯銓以進士來知縣事首以修復學校爲已任乃集士民諭令集資相助衆欣然從之旋擢安徽甯國郡守不果行予遂索所擬章程更爲酌定擇紳士張遠覽等諳練者董其事木石瓦甃丹漆黝堊之屬既合既盈卜日鳩工細大偕作先正殿次兩廡又次戟門櫺星門以及啓聖祠名宦鄉賢祠次第修舉隘者拓而宏卑者增而高腐朽者易而固漫漶者飾而新神宮嚴闕法宇靚深蓋向之敝陋而傾頽者

西華縣續志卷十一

金石

四四

開封建華印刷所承印

至是皆煥然改觀矣是役也始於嘉慶七年九月初五日成於十年四月十一日工畢日諸生請予爲文以記之予維聖人之道如天朝廷作人之化亦如天諸士子生際盛時固當幼學壯行淑身善世非徒以文物美觀瞻徇虛名也自今而後吾願邑之士求諸身心以立作聖之基參諸經史以爲學古之助毋盜虛聲毋務浮文毋爲青衿所刺毋爲儒行所羞則居而明體可以窺聖道之淵深出而達用可以作廟堂之輔弼庶不負向之靈承向慕心而虞夏商周之才亦由此其選矣予旣嘉魯君之與予有同志而又喜邑之人樂此義舉能成予之志而因以成魯君之志也是爲記

右碑知縣事徐漢記重修大殿兩廡戟門櫺星門及啓聖名宦鄉賢諸祠工始嘉慶七年九月畢工十年四月資由衆集邑紳張遠覽等並董其事云

徐炳續修文廟碑記

竊維建學興賢朝廷之盛典修廢舉墜有司之良圖况先師廟爲禮樂之宗教化之本司斯者不思亟加修葺將何以育賢才而思政治西邑文廟重修於嘉慶十四年歷歲已久風雨剝削牆垣梁棟漸多朽蝕將就傾圯道光戊申前宰顏公爾棻倡捐修葺經費未集因迴避解綬後任趙公文瀛劉公拱宸收集捐貲庀材鳩工先自大成殿啓聖宮始次及兩廡戟

門櫺星門工未畢而資罄兩公俱因履任未久相繼以丁憂去辛亥歲粵西髮逆倡亂擾及數省流毒未已而皖北捻匪又揭竿而起十載以來有司土之責者議征繕理陞陴供軍旅勤撫字鞅掌不遑而廟工遂無暇議及矣予於咸豐辛酉選授斯邑下車後行謁聖禮見向之修葺者尙皆未施丹雘未修者益見朽敗卽思捐修因軍事方棘有志未逮今我皇上御極丕振軍威以次削平巨寇僅存捻匪餘孽挺險奔竄於齊魯皖豫間無異釜底游魚不難尅期殄滅乃會集鄉之士大夫耆老學官暨其子弟相與謀所以畢前人之志成輪奐之美咸皆踴躍樂從因令分任其事司勸捐者治陶甄者購材木者監工作者奔走經營各效力於是內而壁池外而宮牆以及名宦鄉賢二祠先賢先儒木主無不修整丹粉黜堊無不鼎新經始於乙丑季春至仲夏告竣自茲以往多士瞻宮牆之魏煥溯授受之淵源重道尊師明經飭行知性命之宗旨能格致於事物三代之學不可復見於今歟予於多士有厚望焉是爲記

右續修在同治乙丑年間蓋邑令徐炳因前令顏爾棻趙文瀛劉拱辰等修葺遺跡續而成之也旣成炳爲之記

葉期頤重修西華縣署碑記

西華縣續志卷十一

金石

四五

開封建華印刷所承印

西華縣署自乾隆十七年宋公重修之後閱三十餘載雖未盡壞不可支而古老卑陋亦實隘而難容見寶畫諾舉無其所他無論已前之廉吏大抵愛民力惜民財因陋就簡聊且苟安余蒞任之始門堂內室皆楹桷腐黑瓦磚缺破垣牆亦就傾斜所謂卷席避雨露坐迎涼在所不免慨然曰爲令宜戴星而人民事是圖安居非其所計固已第考古者卿大夫士其宮室以命數爲之非徒示有遵以宣主恩恤民隱之所在宜有以稱其事耳苟有社有民而居處湫隘同於閭閻卑陋局促之中必無以澄其心心不澄則不能慎又何能勤其政昔人於宦所尙有新樓閣治亭榭修政於戶庭而養心於暇日者讀永州新堂及豐樂亭喜雨亭竹樓芝閣諸記未嘗不慕其爲政心閑廳署之間其不聽壞漏不治蓋可類推豈圖宴逸而忘致力於民哉見其作知其志出其身以親民安吾身必思安吾民今不異於古所云也用捐廉一千兩鳩工治之自秋徂冬厥事以成頭門儀門整之以肅觀瞻大堂高之以理牒訟東西兩庫國帑攸關完繕之使加嚴密更築樹德堂及廊廡五楹以公餘思清思慎思勤焉東偏茅屋十餘間以爲庖人障蔽風雨至二堂三堂內室則因其舊補葺罅漏而已費不繼也蓋未嘗勞民一力賦民一財以作吏所應受之俸廉修作吏所宜居之堂室不矜華亦不侈大視事有所退思有所今以利用安身後且利夫來者敢曰宏擴規模亦嫩意庶幾修舉

廢墜之一端耳

邑令葉期頤捐廉爲之整其頭門儀門高其堂繕其東西兩庫更築樹德堂及廊廡五楹補葺二堂三堂內室而不勞民一力賦民一財當時吏祿可想工竣期頤記之計其時在乾隆之季年也

蕭麟德重修西華考院碑記

同治丙寅天子旣平粵逆底定中原乃作新斯民振興文教各大吏奉宣德意勵精圖治百廢俱舉而我月墀顧公以是年八月令吾西華甫下車卽捐俸爲諸生延師開課禮賢下士情文優渥旣又以爲邑無考院慮關防不密進諸紳而謀之僉曰今困倉故考院地盍易而重葺焉公乃慨然首先倡捐復諭邑人量力出貲躬率諸紳相度形勢鳩工庀材期年而廡宇號舍燦然大備公又以爲木號易搖敗悉易以石總計費近六千貫其不敷者皆賴公極力籌畫勸捐以成之己巳十月縣試多士觀光踴躍納卷者幾千人鞞擊肩摩歡聲沸衢巷前此十餘年所未有也夫吾邑自前明至國初科甲聯翩人文蔚起近已稍不逮前賴公之力作新而振興之相與涵濡聖化砥礪才爲邦家光則是公大有造於吾邑而士林尤食公之德於無窮也是役也雖因而實創司事諸公張君實始終其事凡出貲者均勒石以垂

西華縣續志卷十一

金石

四六

開封建華印刷所承印

不朽云

蕭麟德撰時考試制達於上下學使者歲科兩試之前縣一邑之文童進而試之以達於府試時闢號舍設長棹以木或以石點名而入麟次而坐納卷而出全縣千人或數千人共一場卽所稱考院是也麟德此記縣令爲顧月墀時爲同治己巳

蕭麟德衍疇書院添置地畝碑記

邑侯月墀顧公旣重建考院吾華人士相與刻石頌公之德公曰未也國家取士設歲科兩試邑宰得校其優劣上之郡上之學使惟爾多士尙其植品嚮學勵志研精勿剽襲爲能勿浮薄相尙養根竣實幾於有成以貢於大廷雖邑宰與有榮焉多士聞之咸奮發鼓舞矢無負公言公又曰考院者校藝之場而非儲材之地也夫士非培養則品不立非講貫則學不進邑宰期多士意至厚其能不爲多士謀先是邑衍疇書院貲費爲守城移用而守城時捐款尾欠尙千餘貫至是公命諸欠者償歸書院或抗不用命則敦勉而董戒之又極力勸捐共得錢二千一百一十貫購得地二百八十四畝其庶乎師長之修膳生徒之膏火不患無所出矣自吏治不修守令視官爲傳舍其於興文教厚風俗之務率漠然無所繫懷卽或思有所建樹沮於疑謗而不克葺事者又比比也公旣謀修考院俾多士免露坐之苦復爲之

區畫貲費計長久培其氣而興其學自時厥後多士有所資藉服公之教捐除其舊日庸陋之習日進於高明而吾華文教風俗馴至光昌彬蔚蒸蒸未有艾可不謂厚幸矣乎季武子曰願封殖此樹以無忘甘棠是卽我公之甘棠也吾華人士亦願封殖以無忘我公

記麟德撰地畝爲縣令顧月墀於守城捐款項下撥又勸捐共錢二千一百一十貫購地二百八十四畝爲書院修膳之資觀記文在重修考院之後

張嵐峯重修衍疇亭碑記

道可爲帝王師行可爲人倫表此其人不必求之三代後卽三代間不過數人焉殷之箕子固孔子所稱爲仁而人心所共瞻仰者也當播棄之際佯狂爲奴與微子比干各行其是各得其心之所安迨殷鼎革周受命正宗臣見節之秋乃拜師訪道卽殷然以洪範九疇授之此豈有尋常形迹之見於其間哉蓋大道爲公不使皇王經世之大法自我而絕敍聞知者可增一席於伊尹萊朱後也王氏樵云人心微危四語聖學傳心之要而未及政事之詳水火金木土穀數語善政養民之功而未及心源之備惟洪範一書性命政事綱目畢舉仁也而及聖矣第訪之而始陳封之而不受宏先知先覺之量守不臣不叛之身若箕子者可謂有伊尹之志而於伯夷同清麥秀一歌心迹可想見焉夏侯泰初云微子仕之從也箕子比

西華縣續志卷十一

金石

四七

開封建華印刷所承印

干志之從也或盡材而止或盡心而留皆其極也致極斯君子之事矣亦知言哉西華古蹟箕城殷圻內地高宗陵在焉故存箕子臺今書院是又有衍疇亭在城西北隅輿圖可攷非附會也亭建於前明萬曆二十一年歲久就圯僅遺趾存乙亥歲孔公穉山署西華篆湊有公款欲重修之未果林公湘甫來尹是土卽此款交首事等尅期修之首事等亦不辭勞瘁構亭一所並厚築其基亦求永固煥然一新復其舊觀夫高人畸士一行可嘉其居寓所存鈞游所在後人慕其流風餘韻猶且樹之碑碣著之論說以期永久而不忘矧其爲古聖遺蹟足徵河山者乎余司鐸茲土流覽舊趾每於士紳議重修以無資姑緩兩邑侯爲斯盛德之舉固先得人心之所欲余故樂爲之記

李賁武公德政碑記

自櫬槍氛薄吾豫豫民飽鋒鏃若而年華民尤飽繭絲若而年天首南顧移明府武公陽春脚於華兩易葛裘矣余客歲奉命頒詔晉中令初夏甫還里華之西南陲萬金密邇召陵其鄉三老悉桑梓誼也乃捧幣就余請曰吾儕小人微有天幸獲邁孔邇闔邑悉畏壘尸祝之維余窮鄉謀伐石以誌高厚心焉數之悻悻不能句則唯大君子有賜言余曰今之吏暴難矣簡書厚求其所不便而使節未必稔其所不安草笠耕夫急則如窮猿緩則爲驕子巨薤

不可鉏稍觥觥輒缺矣而非然者擁笏垂魚巢富貴坐飽肉食懷金而走珠則爲吏又特易也有專城社者於此提刀解全牛操鏡照胆目覽詞訟手答牋書耳行聽受口並酬給不相參涉松露未乾棲鳥聞唱衙聲驚飛去六曹捧文書進疾趨退羣下非呼無敢平立關說者虞芮伏几席下伸牘睨未半情曖兩破草詞告密游手橫索錢急擊無赦劇賦如亂繩而量原隰勾戶口如指諸掌六條久寢敝而洗之以時宜雨旱疫癘之不期與神無不格河患崩崖殺禾指畫補葺惟謹褰幃察疾苦勞農商齒遠憚獨急蓋藏疆禦請寄侮三尺非面折卽破柱拔鷄耳上官之騶過客之廚徐以手板畫之暇如也若是也不謂之才吏不可也抑且指清泉以誓潔抱介石以旌心推轅布囊刻自奮勵堦墀夜婦秋月鶴影如入金如粟馬如羊而門如水故人躑躅返渚宮赭衣例議罰而網解三面錙鏹絲粒澹宕不屑污牘尾也日用但楨河流一勺露葵數枝充忠赤之腹他無庸矣若是者不謂之廉吏不可也斯二者有一於此亦足以大造于民報朝廷矣况乎以一人之身兩擅其肅歟不束於吏之難而又不染於吏之易若是者不謂之絕代之賢令尹不可也大要以懸絲挂床而兼拂地鞭蒲以鞠草裁花而兼戴星履畝以投巫縛刼而兼退食鳴絃諸如前類且載田叟紅女口中石以代民謠而余以代石語他日後公者摩挲石下聞公之風而興猶然公之賜也此鄉三老欲壽

貞岷者也余所以推衆之意執筆識之曰華民之感者如石

鄆城李賁撰武爲入清後西華第一循吏事已載名宦志李不妄譽人者文奧衍可喜

金敬五沈公德政碑記

邑侯沈公浙之仁和人名望字玉庭號玉溪乾隆三十一年由丙子科舉人簡發河南曆試固始偃師諸邑皆藉藉以循良著壬辰始任西華華邑大半皆瘠土遇水潦衣食常苦不給風俗顛朴往往以無知罹罪公下車後盡心撫字凡築堤禦水建倉儲粟諸務鉅細畢舉親赴四鄉教以孝友睦婣任恤之道有訟者憐其愚昧多所省釋又善爲開導俾知終訟則凶各令悔悟而自止當三十九年冬公解餉西行民恐恐然如嬰兒之失慈母旣歸權頌之聲徧滿衢巷近數載來河水漫溢自官及民莫不踴躍趨事購料出夫間有力不能將納者公曲寬貸措置悉協機宜公嘗分任開挖引河除公項領給外尙需銀四千餘兩公乃自出俸廉以竣其事邑人不知是役也今且請假將歸適城垣傾圮數十丈例藉民力修葺公曰民困矣吾將行何忍復爲苦累又自捐已金三百繕完之蓋公自蒞政以迄於今其本諸心而措諸政唯恐有一民之或傷者終始如是也夫世之稱邑宰者動皆汲汲置身繁要以公之才蜚聲上下郡屬大疑難事賴以決斷者屢矣乃澹然泊然不以大官大邑爲榮而樂與華

邑之民推誠相與至十餘年之久宜其德意入人之深而人不能忘也敬五貧賤士時蒙公獎進得聆其言論風采稍窺見公之學術乃知所以有守有爲去就綽綽者其素養有自來矣因爲之頌曰惟宰親民民依爲命憫愚恤勞尤資善政公惠茲土布敷優優勿矜刻察罔藉刑求靜則有常動亦不擾愷惻慈和澆嫗默抱美利不言厥利斯彰勒諸貞珉世世靡忘金敬五撰沈令華在乾隆之際記謂撫字心勞愛深衆母可爲豈弟者矣竊意國家盛時其仕人類多學道愛民是以事往百餘年而志之不能忘也

武公超凡自序碑記

余燕人也祖居義豐家止貧耕托跡關東涉歷數載迨清朝奠鼎選士分猷丁亥仲冬授任荐邑甫束裝人有言華之風土人情非復嚮之訓習易治者余才媿讓劣方以覆餗是懼拮据三載本無善政新猷相爲感召而邑之縉紳先生惟知樂田里訓子弟除歲時飲會外檢身自愛惟正是供請託絕焉闔學生彬彬儒雅螢窗攻苦蓬華自安非公不至焉遐邇居民耕耨惟勤輸將恐後解爭息訟非爲不作焉嗟乎余亦何幸而邁此乎然皆華之風土人情醞釀者厚戕於亂離之日者仍復爲淳謹之俗也但溺職亦久瓜期已及有不能久戀於斯者言念與諸君子手談決拾與吾士民講藝課農一段仕優情景實有不忍別去者爰勒諸

西華縣續志卷十一

金石

四九

開封建華印刷所承印

石誌華之鄉紳士民饒存古昔之遺風云爾

尊經閣壞賦碑舊式

尊經閣壞賦碑乃華民爲中丞魏公深所立也蓋公於有明嘉靖二十一年從華民請舉壞而丈量之以定徭賦豁除虛地三千頃其所用弓卽陳州發下六尺二寸之官弓也百年來遵守弗違不意爲世亂焚燬予請於上臺復以舊度之式勒在碑陰者積畝而度之豁去虛地復二千餘畝而顧視碑石歲久文字剝落不可讀何以傳之後世乎乃取糜碎之石瘞之此碑之前俾後有事壞賦者指之而有所稽查焉其陳州原弓式仍刻於自序之碑陰

西華縣古官弓式

尺度

右碑存尊經閣前碑陽滿洲武君超凡之自序其陰壞賦之舊尺度也寬尺有奇高可六尺竊意當爲六尺二寸而更拓之如碑陰所載然後可以昭示後世惜碑陰上下俱殘非復原度而循吏風規不肯以墾地邀功之意隱現言外武君原修西華志今所傳順治志本武君所有事也此文自序處不矜不伐而惓惓於華俗之厚言尺度又推言前代而不自以爲功因備錄之以諗觀者

周敬祖劉公去思碑

歲壬子我邑士民公延前任賢侯伯瑗劉夫子掌此衍疇書院教士以道視教民爲尤重固所謂民之父母而兼立師道者也士民感其教慕其道於去後公議立碑以誌不忘求余文余鄙甚烏能傳然義舉不容辭因採諸衆口以述之夫子名拱辰字星平伯瑗其號也江西新昌人甲辰進士庚戌冬來宰是邑初下車觀風課士即優獎士子以道學爲急務其善政難枚舉第卽其明人倫惠窮民省徭役嚴關防巡察四境而堂懸大鑼則冤無不白差無妄派胥吏無敢舞弊權奸無敢私干盜賊強暴俱潛蹤斂迹是知教以道者亦自轉而學道也卽於非道無不革悔其非道者亦自轉而學道也故政甫三月士民以重士愛民政悔刑明惠義兼施吏肅民安等匾懸城四門焉然夫子不好名卽出却頒示俾將匾盡撤去蓋以恪盡宰職行必以道惟恐非道致干罪戾耳不幸任未週年痛丁外艱合邑如喪父母弔泣類千人弔唁庭懸莫容卽一老不遺齊躄地萬民無福但呼天兩語亦可概見無如公請借寇爲例所禁乃乘其交代羈留公延主席登堂見箕子正殿將傾並此院房破碎心惻然欲全修而無力捐廉百餘金重修講堂三間補葺齋房十間更增置東齋房三間以安諸生卽以箕子衍疇關道統傳與諸生日講人道之理與天道發明猶恐未喻復著考略序示諸生並

西華縣續志卷十一

金石

五

開封建華印刷所承印

屬傳示鄉民俾知遵道受福以補在任時政所未逮似較陸子九淵講洪範於荆門者爲更密日勤加訓課遠來益衆取鑒正箕臺課草又捐資刊刻以爲鼓勵斯一時從學有連登賢書食餼採芹者甚夥以視夫文翁之守蜀郡修學宮招下縣子弟以道擴成雅化者有何遜焉然惜乎主席年餘於癸丑夏五因母病思家奉送而去顧其人雖去斯道宛在果誰能繼其後耶語云三代上道在君相三代下道在師儒若劉夫子爲宰爲師雖均未久可謂兼盡其道矣復以此質諸衆僉曰信哉賢也乃記石

周敬祖撰劉在華作君作師前後數年別碑又載其於衍疇捐置書籍地畝殆有德政而兼教思者矣

楊彥修冷飯店重修聖殿關帝廟碑記

凡廟皆可以迭廢而迭創獨至聖先師廟除各郡州縣奉旨勅建外不敢別有勅構者非獨格於功令也人生戴天履地莫測高深則亦淡然忘之矣苟有欲繪畫乾坤者陋耳尼山道極參兩實有蕩乎莫名之歎故捨宅布金奉彼氏者往往有然而於吾教無聞焉今西華縣西南冷飯店北距城七十餘里有聖廟一座未悉其勑自何時日月變遷風霜剝蝕漸且靈光巋然矣邑之人懼其久而就湮也爰規其舊制鳩衆庀材圮者墜者平之聖者丹

之潔者慘之舊供文武兩聖像茲則專祀文宣於正室統於尊也遷祀壯繆於別殿妥其位也列祀四賢於左右從其配也以同治十二年桐月中旬經始迄光緒十二年梅月下旬蒞事功成諸生請余記之以垂不朽余惟是舉無私徇之嫌有興廢之美秩然煥然可謂善繼前修之志者乃倣古廟堂碑例叙其巔末泐諸貞珉俾爲吾徒者知聖道之大莫與京不等尋常之仙壇禪寺可以私意爲廢初也是爲序

楊彥修撰正室別殿亦以慰羣衆之心不參論學腐語是立意潔處

金曰柱重修皮場王廟碑記

華西北之赤狼村有神廟一區俗傳謂裴昌王廟是未考王之姓氏與其出處始終而訛傳以稱之也今廟貌頽圯有善人趙純一募化四方舉而新之工竣求記於余余不善屬文而特以傳說之訛姑欲證之而勉爲之記嘗考諸傳王漢時人姓張諱森爲湯陰縣小吏縣有皮場積久朽蠹異蝎生焉居民遭毒隱喪無計驅除迨王典場務虔禱於神而異蝎永絕王沒後民感其德請於朝賜爵皮場公廟食其地趙宋時建廟汴京南門外至高宗南渡王隨行扈蹕介胄佩劍現形自陳及定鼎餘杭高宗嘉其功進封王爵大崇廟祀而仍襲皮場之號者人禱祀靈應如響若赤狼之有廟食考其所由諒亦感王之德而立廟以祀之夫以王

西華縣續志卷十一

金石

五一

開封建華印刷所承印

之爲吏也憫民遭毒代爲請命誠至格天異蝎頓除則沒爲神明必能爲民禦災捍患矣且宋運中衰君臣播遷以王之靈陰爲扈蹕使南畿復興尙綿百五十年之天下則當今聖明在上其輔翼贊勳於冥冥之中者必益力有不久安長治俾斯民永享太平無事之福乎然則王之廟貌故而復新血食千秋與名山大川五祀八蜡載在祀典者同受歲時之享獻也宜哉而獨惜王之姓氏與其出處始終人莫之知雖神幽而尙晦無所恫怨而其如人心之茫昧何故因其記而備敘之以證所傳裴昌之訛云趙善人者余素未識其人聞其蓬頭跣足赤日冰雪中遨遊自如家與之衣不衣冬夏自補一衲人餽之食弗食朝夕自乞一盂日募善緣一錢不自用遇廢橋危路則施之嘻是一大異人也已茲廟之重修而請記也日記施財者記勸工者施財者多人文不勝書勸事者一人和君應實至其輯舊創新如關帝火帝觀音眼光韋陀諸廟余亦姑從其請而附記之

金曰柱撰皮場公廟清季於河南幾爲通祀惟其字往往誤作裴昌歷數處皆然湯陰縣志載神祀出處與此記略同知杜十姨吳髭鬚之說到處有之也

劉燮重修武官台廟碑記

從來論事必考其真因名必稽其實華邑西南義濟橋南高台竦起上建佛祖觀音廣生諸

祠廟貌巍峩樹木蒼翠一方巨觀也然命名之義余嘗疑之丁未中秋蕙圃曹公邀余偕遊於其上覽其舊記俱未疏明其由來訪諸蕙圃遂指其地而言曰此台本名務官謂其以農務爲官也昔曾屯糧於此經兵燹燒毀而斯台幾廢今旣以武名載在縣簿歷有年所亦不必深爲之辯蕙圃者吾邑之宿學也余乃爲之釋然於心暢然於懷旣而入其廟徧謁諸神象由曲廊越禪院循幽徑周圍閑步覽朽穀之遺跡弔兵燹之故事爲之浩然長嘆以數百年之餘燼猶復常留若是其亦神靈默有所存以警人歟未幾左顧右盼南臨名刹隱隱鐘聲相應北繞汾水悠悠波光相通東界潑川西接召陵朝暉夕陰氣象萬千真有不可窮極者時則斜陽微照輕映壇上之經清風乍臨忽動簷前之鐸白馬鮫來正當地靈人傑青鴛飛去居然海闊天空余與蕙圃唱和其間觀其殿宇傾敗幾於雨過佛頭門壁損虧未免土埋碑字適有老僧在傍煮茗款留謂將欲興衰起廢願先生爲我光孰意越一年蕙圃已作芙蓉城主矣今歲暮冬余承蕙圃少君命得與台之左右諸君子交復爲遊覽其際第見紺宇流輝殿光偕日光並麗暖宮耀彩天花與雪花齊飛登彼浮界寶鼎之香烟頓新來此祇園銀臺之形勢非舊缺者補廢者修以視前日初遊之境不啻別有天地矣無何羣相索記於余余慚愧惶恐思我蕙圃友不置不得已勉強徇衆舉其顛末敘其地記其時首其事者

諸善士贊其成者諸善士一一備載諸石以俟後之相繼而興者至於佛教之元妙莫測觀音之變化無窮廣生之舍宏光大余固不敢知要亦無容多贅云

劉燮撰武官原爲務官記已說明原委惟錫名何代是否在鄧艾屯田之時未敢臆測然周漢遺制田畷嗇人交錯田間讀大田之詩力田之詔知其務在民依也

曹昆林重修汾溪義濟橋碑記

竊維懸紉而渡立記近於荒誕乘輿以濟行權似乎市恩此徒杠輿梁之成所以著爲功令也吾村南隅有溪焉古名汾河有橋焉舊曰義濟偃僂絡繹道居住來之要馳驅輻輳地當南北之衝攷其初自何時古碑之文字已盡詢其興由誰氏父老之傳言漸湮雖重修代有其人而物久總無不敝矧此溪匯召陵之瀾洩吠澮之水則覩鯨波之洶洶蝦蟇于焉消剝聽龍馭之轆轤龜鼉能弗震驚乎王公瑁李公惺兩里人宗當時物望也懼全勢之將頽幸有基之可憑爰仍舊規增加新設礮石上鋪非徒觀霜朝人跡卑闌旁駕蓋深慮元夜谿聲無如厥功浩大其費繁多嗟行人之多艱旣莫畫此地之波嘆傾囊之無幾亦空鞭他山之石以故恭稟於縣尊方公祈捐於四方善士計始課終鳩工庀材竭蹶數人之心經營一年之久而後始適觀厥成矣甚矣修廢舉墜之非易易也厥功告成諸公索記於予予才淺學

疎自覺借筋逞疵忝爲東道之主亦知操觚貽謬充西席之賓因思橋梁之設所以通遠邇便往來者也今遠邇咸占利涉矣往來共樂康莊矣業瘁心力於一時宜傳聲名於百世則爲之記也不亦宜乎爰做古體恭歌短章以美兩里勸事諸公以嘉四方樂施之士歌曰活活之水巖巖厥梁百爾君子作善降祥與時同固偕水共長億萬斯年遺美流芳

金敬五重修桃花橋碑記

華邑地勢卑下水患頻仍邑西及北尤甚故田間設溝渠最多而皆以河名紅花集居邑之西北東有橋曰桃花橋跨兩堤高皆五六尺許並行廿餘里獨無河名按縣志東曰潁堤西曰凌家堤皆起於邑之西北境過橋而西南又十餘里始一折而南一折而西不復相近蓋數百年於茲矣中間嘗多積水而地當南北通衢舊有石橋不審創於何時規制既狹年久而圯行人苦之邑善士劉麟周等捐貲倡衆始重建焉增廣數尺傍豎石欄積一歲而始成計費金二千餘兩夫以一事之成而爲千萬人往來之便可謂美歟方橋之始建也工人於橋足下得小石刻但載起工落成歲月及作記者姓名與橋之名乃知創始萬曆二十七年作記則鄉先達都諫王公也碑久沒無知者橋名桃花以工之起竣皆三月也今者重建茲橋又適丁三月之期而起而成與創始者若合符節正值桃花爛熳而復得橋名於久湮之

餘意者物理之成毀人事之廢興豈亦有數存於其間耶蓋不特後先繼美光於前烈亦往來行人所聞而樂道者矣工起於嘉慶四年三月竣於五年三月首事二十餘人構材鳩工朝夕省覽以圖鞏固唯劉麟周與王公臣凌楚蘅李爲康任之可謂賢勞者矣府學生金寅與同事者謀勒諸石來請余文遂並書之以爲後人勸

右橋於嘉慶四五年間爲邑人劉麟周等捐貲重修與明萬曆間王都諫記桃花流水長橋臥虹數百年間天時地理後先同符卽一事之興作或亦有數存焉敬五記文現勒紅花集東橋上

凌去欺重修賈魯河畢家口橋碑記

吾邑賈魯河本洧水也源出密縣西南馬領山至新鄭匯澧水爲洧蓋澧卽溱也洧則二水合流之稱自扶溝入縣境逕習陽城之西茅城邑之北西折入潁載在水經昭然可攷今環城三面南入沙則元時賈魯之所改疏也故河亦不名洧而名賈魯焉河有畢家口在縣南十五里許雖曰小鎮實則通衢余嘗薄遊其地徘徊風景人物西望潁水巢父許由高風足式也南甲洪元平之墓北望寒石先生祠名士丰範忠臣孤魂更有耿耿于懷者口舊有橋歲久圯傾某君等葺而新之事竣屬余一言以序余乃書以遺之道我懷古之情如此其深

又先賢子產乘輿濟人孟子譏之聞人務德云湊洧之水淺不可通舟楫深不可施梁柱殆欲爲子產解嘲也今觀洧水上下數百里間其爲橋梁者不知凡幾則務德之言誣矣夫子產爲政類非不知大體者濟涉一事或爲治之初法治未立一時權宜之計孟子恐人習爲美談沾沾焉務爲小惠以悅人故譏之以示教余博稽儒先參以已見如此並書以遺之庶論古者不執務德之言過疑孟子亦不執孟子之言過詆子產云若茲橋之利濟行人首事者急公若何捐資者好義若何是則有識者所共知也余故弗贅

凌去欺撰賈魯本洧澗本溱洧則二水合流之稱自扶溝入縣境逕習陽茅城間西折入潁自賈魯改疏後洧環城三面南入沙故不名洧而名賈魯水道曲折歷歷如繪至論子產乘輿濟人謂孟子借明政體有味哉其言之也記不載首事捐資人姓名暨橋工鉅細殆附列碑後與

鮑振鏞新建栗大王廟碑記

國家承天右序懷柔百神四方上下罔不效靈贊順翊我無疆之休而大河之神爲尤著道光中葉栗恭勤公以治河名臣盡瘁王事生而爲英物而爲靈聖天子崇德報功寵以大王位號河壩之上廟貌巍然嗚呼偉矣王於嘉慶之季嘗宰西華仁風所被至今在人心目光

西華縣續志卷十一

金石

五四

開封建華印刷所承印

緒十三年秋河決鄭州邑當其衝惟城襟帶賈魯河恃隄以自固余適承乏於此日與僚佐躬親修守奔流湍悍旦夕告潰城南袤延數十里岌岌乎汨沒可待王乃顯示奇蹟卒致功於堵築危而後安自是困於水者年餘而隄汜無患且當昏墊之頃雖窮鄉僻壤亦鮮有滅頂隕其生者邑之人相與慶幸以爲此吾王之賜也乃僉以立廟爲請余維王者進退羣神之祀凡以爲民而已有禦災捍患以死勤事而又徵諸靈爽陰福斯民者秩祀之典必備焉從民望也矧茲邑爲王舊治固吾民所得私者吾觀桐鄉會莖羅池侑神則茲邑亦王之桐鄉羅池也廟食其曷可闕如於是首捐俸金繼以勸募卜地城東先農壇之左爲王立廟材匠萃集衆工俱興崇墉雕甍秩秩矚矚凡爲殿三楹左右聽事六楹前爲臺以迎神送神堂階門庭罔弗治齋庖漏匱罔弗備經始於十六年二月越八月工竣共糜錢五千三百緡有奇落成之日余偕同官刑牲致祭受神居而瞻拜焉蓋自是王之精爽得所憑依亦邑人尸祝之心願有庇於來茲也爰記以泐諸麗牲之石若監修暨捐貲姓氏則著於碑陰並系以神弦之曲其詞曰繫金隄之穴潰兮河流湯湯維蕞爾之城社兮障以隄防乃褻芟而伐榘兮千夫邪許沐我王靈兮固吾圉王昔蒞此都兮二天同戴緬甘棠之芟舍兮勿翦勿拜崇祠大啓兮畫棟雕梁以妥以侑兮奉百世之蒸嘗士女薦馨兮坎鼓蹲舞雲車風馬兮王其

永福於茲土

張金榜重修祖師火神菩薩廟碑記

粵自五行位定潤下與炎上同功八正門開忍欲與守寂並勵資長養於鼎鼐利被生民忍虛寂爲法輪說感頑石幸至德之遠播人人報以馨香快寶相之同瞻戶戶奉爲俎豆祀典肇於三代自古爲昭崇奉盛於六朝迄今未艾極虹梁紫柱之勝擅刻角畫棟之奇此元冥祝融所由並詳於戴禮而伽藍舍利宜其特稱於釋經也西華城西南于劉村舊有祖師火神菩薩等廟庇陰一鄉祈雨晴而立應超登上界施悔懺於無方允屬此地之福神洵稱仙都之淨域普不言之利德本無疆燃長明之燈城真不夜衣被原爲實惠日夜飲食之經智慧本屬夙緣清淨虛空之教占旣濟之封相得益彰創室欲之方如響斯應蓋禍淫福善垂佑遍及一村而題棖丹墻廟記遂綿百世者矣爾其四圍天壤千頃平疇秋清遙看半是丹山綠水春霽曉望輒指桂殿蘭宮龍溝烟凝如結迓神之社歌台夜讀疑廣醒世之鐘灑水波紅年年浴鴛鴦之殿箕城月白夜夜鳴鸛雀之樓尤足以厭報賽之心而酬祈禱之願者也無如星霜屢易寒暑遞遷海或成田陵忽作谷荒苔深而螢出落葉積而蟲鳴劫換紅羊偏逢三災之石嘶聞白馬難全雙樹之林金鏡易虧繡囊慣解鐘磬謝篋簾之飾蒿萊增觀感之嗟故址不存數椽僅記重以風雨剝食烏鼠催殘瓦罕青豆之房廚乏依蒲之飯神樓破壁佛坐枯禪頽廢若斯流連何極然剝極必復困久斯亨畫壁蕭條輒動遊人之感瓊臺剝落易生善士之心村中俊卿常先生暨獲于公澄齋李公首發慈心先倡義舉旣先已以捐貲復募衆以化緣於此庀材鳩工補衰起廢金容再煥紺殿重新樓閣改觀非必玉梁自至趾基復故豈真銀殿飛來是則因果譜中任吉人之造福給孤園裏推長者之布金也彼夫橋架銀河漫道鵲填之力樓懸滄海浪稱蜃氣之噓何若茲役借善信之捐施堂還廡之壯麗以斯雅量酌此夙因余以里下腐儒猥膺摛辭之請感諸高義願呈記事之文爰諾衆言勉爲斯製搜乘述往全仗珊瑚之一枝積篋期來請鐫岫嶼之七尺

李炳章理氏學田碑記

理氏學田寒石先生世居茅崗村恥與李自成同姓改姓理後人因之先生以理學名儒領明壬午科鄉荐因推官陞任江西監軍道明季以難終余于乾隆癸卯秉鐸來西先生之族孫元程邑賢諸生也余素器重之嘗語余曰理氏學田族人某佃種已數十年矣某卒妻仍舊佃種家貧甚積欠舊租莫能償族人憐其貧不知較今婦死田已歸璧請爲文以記之予惟先生嗜古力學忠節凜然讀其書如見其所著赤城圖及語錄等書深得先儒傳心之

祕于以知先生立品樹行有自來矣而復爲創立學田以貽其族其所望于後人者良深後之人亦必有以報先生之厚意庶不致辜負先生云

劉焯胡氏家廟碑記

胡氏家廟者西華胡子翔陞之所立以祀其六世祖明奉政大夫遼東監軍僉事諱嘉棟五世祖明光祿寺丞諱拱華高祖蘇州副將諱其智曾祖守備諱夢熊祖文學諱漢考筠溪先生諱蘊和之廟也胡氏出於有虞氏遷於越明初入河南遂爲西華人西華之胡自奉政公始蓋余承乏此縣知胡氏爲望族筠溪長者也余亟欲一見之乃筠溪已病未幾歿其子翔陞等喪葬盡禮思凡有所以能不歿其先生者汲汲若不及筠溪思立先廟久矣今乃克成之方其度基之初人竊謂其家雖舊然非富有恐終不能就乃哀毀之餘扶杖往營炎風霰雪之中一椽一甃必親必諦辛苦拮据未嘗呼同族之助也而廟遂一以成嗚呼士大夫執禮明義莫先於敦本古者將營宮室必先立廟者則往往侈土木務彫峻而不克成其先人之廟者矣翔陞所居之廬或不蔽風雨不能一時修葺乃以成其先廟爲必不可一朝緩則其未有一朝忘其親者即可於是乎見之充其意卽民德可以歸厚是固守此土者之所樂道者也因其廟碑之辭來請爲據實書之如此若夫筠溪之爲人則有孝廉張君遠覽爲

之作傳孝廉不輕予人以文得之自可以示將來至於其奉政諸公之行事則國史家牒詳之矣乃爲銘曰胡出有虞系自山陰聿來陳國由明迄今長平令居喬木蕭森家敦詩書世承纓簪亦越筠溪性樂在林潛德自貴有子嗣音寢寐先人孝思欽欽式煥新廟籩豆是嚴縉紳是式邦族是瞻孝思皆具惟其盡之子子孫孫勿替引之

謝檣吳中奇及孺人董氏墓誌銘

明進士署江西督學道前南昌府豐城縣知縣勅封文林郎吳二公諱中奇字偶子號龍耳別號尺木子世居箕城西南隅古纏江里封君康侯公仲子也封君庠生公昆仲四人皆庠生惟公發慧最早成名尤易初習文卽搖筆作大家規模不屑爲尋常套語封君甚奇之以爲當大加聲光門閭也及出試於崇禎己卯年六月入庠準科八月卽中副榜成貢士至壬午值河南亂癸未正月於河北補科中式二月京城會試卽聯捷五年間由生員而副貢而舉人而進士捷如影響固封君昌后使然要非公才情橫溢落筆驚人不及此人固齊以俱慶歡爲同氣悅者獨亂世有此未易也公能齊之樂 乃未幾闖賊陷京城遂避亂南都弘光元年授江西南昌府豐城縣知縣蒞任七月而豐城太治豐邑士民欲建祠尸以祝之公以天下未平弗許也由是義聲上聞勅封文林郎榮及父母豫王知公喜讀書課士薦署江

南督學道事所取生童多中式高第者豈非公能知人得士耶事畢卽告養歸鼎革後不復仕矣惟朝夕勤定省盡洗腆爲養志事後居喪極盡哀盡禮三年未嘗見齒饘粥後遂淡泊終身焉公郎諱紹宗亦聰明似公能循循率公教公時呼之爲小友真善享天倫之樂矣且修家祠以教孝聚士子以講學士林有志者咸就業問字北面執弟子禮師弟之間人忘公公亦自忘若不知身爲青雲客也晚年嗜學益篤手不釋卷嘗閉門罷往來而人不病其疎不尙繁華常布衣韋帶策蹇出入而人不減其敬不好近習卽塵紛中亦談古道敦古處而人不議其迂公生平瘦怯如不勝衣而道義所在則慷慨有英雄之氣若公者可謂備四氣於一身而繼猶龍道法於不墜者與孺人董氏亦公維德之行焉宜其享遐福而膺隆壽也於是合爲之銘銘曰孝若曾子忠如汲黯成父之名蒙君之眷進退以時始終無憾固屬性成亦由內贊壽過於公天酬其算令德同歆芳名永煥公生於萬曆三十二年甲辰十二月初卒於康熙三年享壽六十一歲

謝檳撰中奇生明清鼎革之際文名籍甚觀謝檳志閉門罷往來而人不病其疏布衣韋帶策蹇出入而人不減其敬談古道敦古處而人不議其迂蓋皆由人我兩忘得之諸葛公自敘曰苟全性命正自有學問在檳鄆城舉人鄆城記稱其爲文善敘事簡潔有法度

最得古人之意觀此志信然

王遵訓于洙暨恭人王氏墓誌銘

昔夫子之稱銅鞮伯華也謂其幼也敏而好學壯也勇而不屈老也有道而能下人嘗以三者驗之吾黨之士鮮有合焉乃今思我親家青侯于公其生平梗概若有適符於斯言者不禁喟然太息惜其不幸而壯年齎志不獲竟伸其有用之材猶幸而半生出處尙及追步乎先民之跡也憶丁巳之夏驚聞公訃予方家食弔而哭之欲爲歌以挽之而未能迨今戊午之春予以具官匏繫京邸公之子以狀寄予不以予固陋屬爲墓誌及銘將以勒石傳不朽予誼不可辭輒不敢遜爲樸僊而不文也勉爲之載筆焉按公狀公諱洙字青侯號聖水西華之張明里下堤村人也其數代以上遠不及考自公大父光祿署丞禎齊公卽以力田敦行爲務有長者風子五人其季驃騎將軍顯明公則公之尊人也公生而魁梧偉岸聰穎不羣方髻齡時適當飢饉亂離之餘烽火頻警道殣相望近鄉之人得以保首領而不爲溝中瘠者賴顯明公之力居多迨今華邑人士往往能言之茲不具書獨念當此之時士皆菜色鶉衣匿影蓬蒿間糊口且患無術矧能肆力於學而公受庇於顯明公膝下得以就塾親師鷄聲燈影早夜不少懈以故年方舞象卽由庠弟子員而充明經之選其爲博雅勤敏之士

可知已他如學書則有怒猊渴驥之奇學劍則有剗兕截鯨之氣公雖各擅其妙初未嘗自矜其能迨清朝鼎革草昧初開雲龍競奮士得功名之會者多以武略爲亟亟公乃棄儒業而應武闈遂登壬辰科鷹揚上第會經略洪公帥師征滇粵知公英勇能任事卽令隨軍中備委用焉及抵鄖襄卽委任右營事分防穀均二州縣寇平授荆南道中軍都司未幾調赴長沙以造橋通道題敍紀錄粵西平題補辰常道中軍都司尋以隨征勤勞有年經略具題部覆實授守備管洞庭湖水師協營中軍都司事先是沿湖多萑苻之盜南北梗阻自公蒞任之後多方防勦九年之內變雲夢爲安瀾易枕戈爲貼席非其智勇兼優有折衝樽俎之略能如是乎惜也剛介不阿旣優肩鉅之才未推讓善之義遂忤當事意目爲乖張致以軍政例削秩此固公之數奇使然強項不屈之氣亦足以見其一班矣自從戎以至解甲歷有十五年未及一過里門雖獲與覃恩榮及父母而言歸子舍椿萎萱零每念及此未嘗不感風木而滋戚故於請誥軸立神道碑二事益以徵公之至性油然務全其大者云始公壯遊時磊落負氣若不屑與庸流伍者及謝政則痛悔簡傲之習而尙冲和之度以是鄉黨宗族皆以有道君子服之然爲邑里禦大災捍大患又未嘗不毅然圖救而非巽懦觀望已也邑西七十里許沙河堤岸自戊申以後歲有衝決數百里居民被陽侯之害者數矣郡邑守

令非不屢檄修築而人心渙散迄無成功公則不避嫌怨身董其事一築老窩堤再築南流渡堤三築常家河堤皆不日告成堅固可恃沿河數百里其食德於公者正未艾也乃以耽嗜麴蘖一病委篤旬月之間遽成大漸識者惜之大率公少具英雄之氣長裕經濟之猷出則請讓可以固巖疆處則卑牧足以高月旦使天假之年其所成就將與昔賢不大徑庭而究使之未竟其緒也悲夫公生於崇禎辛未年四月二十一日卒於康熙丁巳年六月十八日享壽四十七歲以覃恩誥封明威將軍娶邑庠生王公履順女封恭人生蘊琳蘊琚蘊琇楊氏生蘊琚成龍贈恭人沈氏李氏生蘊瓊蘊瑄子七女四人銘曰豪傑挺生賦質不羣行成品粹如蘭斯芬名榮於通籍功偉於行軍操管城而仗劓緜陋夫隨陸不武絳灌無文乃才豐於數遇薄其勳廬江之祠白馬徒號峴山之碑墮淚空聞嗚呼于公當形藏乎華之野而神遊乎湖之濱

王遵訓撰洙已由庠弟子充明經據于家譜已選任西平教諭忽改文就武登鷹揚上第負羽從征疊任都司遂副總戎大丈夫之鼓動拔起固不能于毛錐子求生活哉歸鄉循摧剛爲柔亦其歷事多也昔杜牧自稱粗材是亦有傷心者洙近之矣

劉拱辰王元善暨閭宜人墓銘

公諱擎一字秉健元善其別號也世爲華巨族居停城村自明初卜宅於城西南隅南流渡口曾祖諱宏室祖諱習聰父諱秀嶺皆有隱德公少時家無立錫地自是刻意勵行以勤儉自持數十年如一日而家業漸豐事母孝鄉黨無間言道光壬辰歲值水災饑饉鄉之嗷嗷待哺者甚衆公出菽粟以濟之乃獲無恙至橋梁道路之坍塌廟宇之傾圮者皆能竭力成其事不少吝凡以遵母命也公有德量與人不設城府凡事以情恕人以理遣故與事無忤此又爲予所深信而敬服者其所謂古之君子歟家居篤志訓子思以詩書貽家君置輔早歲入庠旋食廩餼負才名公命從予受學兩載性情敦篤文思博雅予方以偉器目之冀其遠到以承先志而大爲顯揚乃於公歿後哀毀骨立未幾亦以病卒嗚呼天之報施善人顧如是哉公援例授武德佐騎尉配閻氏素行賢孝勤儉理家生丈夫子一卽置輔娶倪氏鄆邑拔貢嵩縣教諭振柄公之次女置輔病篤氏封肱和湯藥進以柏舟自矢焉公側室李氏郭氏次子修輔國子生係李氏出娶曹氏臨穎拔貢署理松江府分府同鑑公姪女郭氏無出因公歿絕粒不食自殉公之德有以感之也女三長適鄆邑東李門次適臨穎增廣生宋公維曾之子三亦適鄆邑東李門皆正配閻氏出孫禁修輔出繼嗣置輔孫女二俱幼皆修輔出公乾隆五十三年十月十六日午時生咸豐三年三月二十六日申時卒享壽六十六

歲宜人乾隆五十三年二月初五日子時生咸豐五年三月初三日申時卒享壽六十八歲同合塋於莊西南隅乾山巽向恐久遠難誌是宜有銘銘曰溯方規之卓卓兮實秉質之醇樸仰襟期之落落兮無世情之彫琢積厚德於耳鳴兮欲回春於黍谷憫哀鴻於桑梓兮廣散仁人之粟宜爾嗣之昌大兮藹桂庭之芬馥胡主器之遽萎兮恨萌兆於飛鵬問蒼天其夢夢兮曷報施之反覆悟消息於象數兮知剝極而必復卜明德之有後兮茁蘭芽之簇簇歌薤露而生悲兮莫報生芻之一束今卜宅兆於岡阜兮永聯輝於嵩嶽

劉拱辰撰劉固循吏銘溫雅可誦

劉拱辰周長公墓誌銘

公諱敬祖字報如號蘭孫姓周氏箕城名宿也安閒豁達脫略塵俗卓卓然與古爲徒少受業於張桐岡先生先生愛其材卹其貧使訓蒙於舍而資以書章必題其綱維詞必貫其脈絡每至筋節彙萃義蘊深細之處猶必近據本經旁引他傳詳爲勘證曲暢其旨由是紆徐以入探盡佳境掇芹食餼累蒙優拔友教四方門中亦多知名士及晚年庭有六子皆英俊因欲歸而裁之以爲用世資乃復設帳於家靜待來學稍有贏餘卽以真盤殮購古書時與箕穎諸名士晤坐劇談共賞其識解體製之高骨力神味之厚優柔饜飫日湛於是疏絕冗

繁不謀蓋藏一歲不登盜無斗儲兼以家門不幸長子垚及海旭炳照皆於遊泮後賚志早卒遂以淡志功名專力傳授甫登明經科蓋亦不言進取云庚戌冬余承乏宰箕初下車其子海暢海蓮等皆以文附課余愛其巧不落纖濃不傷雅清真簡鍊深合應試體因問家世並索公舊稿披閱之則覺識卓神清言簡意賅又於沉摯之中運以疏宕之氣樸茂蒼勁盤鬱幽深實有胎息於古者於是珍其奇不忍釋手既並其子若孫院課諸作盡付欵劂以著家學淵源之自而求所以邃其養者尚未盡悉乃以未暇省私引爲一憾事既而余丁內外艱歸籍未久箕之士大夫延主書院因於校課之暇潛造訪之入其門則殘烟數縷老樹留春雖城居無市囂氣登其堂則庭乏積塵器不彫飾非洞宇有邃古風立未定見一羲皇上人衣貌俱樸岸然出拜者則公燕居服也揖之坐與談理數則語細韻長滿座皆春恍悟其岑寂中得味良深寬閒地遊心最遠凡其享高年履康泰多男衍慶品望日隆者類皆由是是故機趣相投與之契合酣論終夕快意而歸越數年其少子暢以歲試附侑又數年其季子蓮以優等食餼又數年其孫輩若筠若召若棠遞入文武庠時余守陳適有皖氛之警羽檄紛馳公務叢積求如汲長孺之深閣臥治者不可得乃因其科歲來郡屢問公及其試竣將歸又致意焉蓋以心遠地隔不擾車塵形勞神逸何厭案牘逍遙境中公攜幼孫節籛篤

優處之但憂中尋樂理固研之愈精忙裏討閒趣亦恢而彌廣暮雲春樹闊蹤匪遙樽酒細論庶可祛煩鬱而疏清曠凝思未久而蓮突以述略至余驚視之則公壽終八十有三已與厥配合厝矣因蒙夙知求以爲泉壤光也余意嗒然不勝鑑亡之悲謹抒見聞歷誌情蹤而又欲操觚之士有平矜釋躁學公之養其深者并銘之銘曰其體閒以靜其氣舒以徐其格深而幽潔其姿卓以紆餘其卒乃自卜一空廓之域以永奠厥居弔斯墓者謾謂其人往風微尙可於風晨月夕領略其神韻之清虛

劉拱辰撰劉去思而敬祖爲碑敬祖沒而劉志墓皆可無惡于志銘詞云尙可於風晨月夕領略其神韻之清虛卽此見周爲人

高釗中凌公怡堂墓誌銘

箕城商聖衍疇之地名儒循良代不乏人我朝咸豐同治年間同邑人士同官畿輔同宰名區厥維四人凌公筮稍後然承皇考中憲公清白之貽父子同官一省先後同宰一邑愷澤豐功浹洽黎庶黎庶廟祀而尸祝之尤爲彼人士嘖嘖所樂道公諱顥德字怡堂先世固始人明初遷西華人國朝有諱謙者由武舉官至雲霄鎮參戎以武功顯傳三世至中憲公諱松林道光庚子鄉試以第一人發解咸豐癸丑成進士由知縣官至直隸補用知府崇祀名

宦鄉賢祠雄縣在畿南爲衝繁要區地勢湫隘每靈潦淀水爲災中憲公蒞政七年捐奉築堤以資宣洩百姓感之爲建專祠中憲公生二子長順德候選教諭次卽公也幼穎異十歲能文弱冠補博士弟子員食廩餼隨中憲公肥鄉雄縣任時粵匪北竄公出入戎馬間解餉交河軍次爲中憲公分勞勩於簿書錢穀奉上酌賓儀節嫻熟如素諳者援例以知縣用需次畿省戊午補靈壽縣縣爲陸清獻公舊治清獻有祠久圯公捐廉修葺以志景仰邑本簡僻值饑饉公禦災捍患稟請上憲民間禦寇准施鎗銃格殺勿論由是盜不敢犯是歲蝗不入境冬抄散賑傾囊囊不吝大府檄採辦樹株公曰樹株必採自民間委官之科派吏役之需索閭閻騷動不堪其牘瀝陳災黎疾苦狀懇免斯役以抒民力疊奉嚴飭不顧卒獲減徭以息民邑人德之有前陸後凌之頌於松陽書院懸道媿先賢綽楔以志感戴旋丁內艱哀毀逾禮得肝氣臂痛之症服闋補盧龍縣縣爲永平府附郭積案如山有十餘年不能決者公入讞局月餘塵積俱清太守異之事必咨商凡有益於民者次第施行相國文文忠公過盧龍語曰子官聲甚好勉之丁卯丁中憲公艱服闋再出游方伯智開時爲永平府守精於察吏於僚屬不輕許可顧獨重公嘗致函曰自十年升任永平接見盧龍人士咸稱前縣尹凌公賢下至田夫野老莫不動色相告曰好官好官何惠政入人之深耶公究心水利奉委

辦大清蘆僧等河工修壩防險閱四年幾瀕於危委署臨榆旋調雄縣縣爲中憲公舊治公每來此辦理河堤等工村嫗里老咸識之下車諭紳耆曰中憲公蒞任七年慈惠在人父老籲請入祀名宦足徵民情愛戴余亦惟恪承先志與百姓共疾苦紳耆不得以素稱洽契動以私事相干人知公之清操不可犯也凜凜無私謁者侯留村口決例歸民修公以水鄉瘠苦將應領款留存爲歲修計倡費督修逾數月工竣而河間本任飭至瀕行焚香祝饒者絡緯刊石於堤上曰凌公堤以志去思隄當南北孔道輪蹄輻輳騷人韻士過而歌詠之近二十年哀然成裘曰循孝贈言以公兩世循良後先輝映可謂善述其事克迪前光者矣河間亦附郭縣獄訟繁滋公且訊且判案無留牘巨盜白洛玉奏請飭拿重犯也以緝獲功得議叙邑南八里舖橋爲南數省衝衢倡捐千金重修又捐千金修楊河西隄是時淀水漲溢公殫心宣洩以保民田查河之員沓至不能出公之擘畫俄與肅寧令互調人以由繁調簡爲公惜公謂附郭事繁不如簡僻之得一心民事也旋署大邑逾年飭赴武邑本任訪得蠹民十餘事嚴禁而懲創之嗣以失察經紀索飯費議罰俸奉旨寬免公蒞數任肝氣舊疾時發光緒十一年正月初十日卒於官距生於嘉慶二十五年八月十二日年六十有六當公之任河間也適某貴官奉查河渠倡議以河間及大城等縣爲壑太守和之公力爭之議雖終

止而心實銜之故有調簡之飭夫士伸於知己而屈於不知己游方伯之察使也採於輿論使方伯猶在畿疆公之宏猷當大展何至區區以百里終惜其膺簡而去之他邦之早也以公之才智如薰心利祿承意旨而希進取卽至顯官不難顧負其初心而棄民瘼如弁髦稍知自愛者不爲以公之賢而爲之耶配劉宜人與公同年生光緒二十六年五月十七日以疾終於內寢年八十有一宜人事翁姑以孝相夫子以敬教子以義御下以慈持家以勤自奉以儉性不喜觀劇尤嚴內外之辨家政肅然年逾七旬諸子固請以西法照相卒不許男子三甲棟增貢生鹽提舉銜候選通判甲堃優廩生甲烺光緒丁酉科拔貢候選直隸州州判女六銘曰凌家之橋汴水迢遙凌公之隄拱衛邦畿橋畔之人話發祥凌公世世能文章隄上之人歌樂只凌公愷澤如流水賢侯駿業開必先凌公繼述能象賢循孝詩歌萬口傳名宦祀廟巍然碑刊去思公去矣詩書教澤貽孫子卽日雛鳳聲逾清累葉勿墜賢侯名馬鬣四尺崇封高松楸檜蔚駟獸逃靈之來兮渡虹腰吉雲常護凌家橋

高釗中撰凌築堤在雄縣侯留村有凌公堤刊石查白洋淀在雄邑西南雄南門外淀水東注平日水較地爲高惟恃藉堤束水一遇霖潦潰從之故官是邑者每以防水爲兢兢也

黃舒曷于綱齋墓表

先生諱錦堂字綱齋陳州府西華縣人高祖諱某以貢生選魯山訓導曾祖諱某祖諱某俱未仕父諱孟韓本生父諱孟蘇均以先生貴敕封修職郎先生生而厚重沈毅恂恂然有成人風性孝友事父母篤於愛敬母病癱瘓侍養尤盡誠孝爲人所難能十餘歲讀朱子窮理以致其知反躬以踐其實敬者聖學之所以成始而成終也用朱墨圈之勵志正學實基於此踰冠補諸生益殫心學問嗣於舊篋中得近思錄一冊讀而嗜之檢束身心研窮理義互相發明益覺親切有味咸豐乙巳河內李文清公家居讀禮先生聞其學行遂負笈徒步六百里往從之己酉復肄業河朔書院文清極稱許而先生於公之清風大節深造邃詣蓋尤所佩服焉旣而謁霍山吳竹如先生於保定竹如稱之曰篤志好學果於任道自是講論切至所造益精自謂見竹如先生後心性之論定朱陸之辨明而學乃不迷於向往也咸豐庚申學使景公以篤實闇修虛心向道保奏同治辛未選光州訓導壬申履任至則以端士習勵風俗爲首務士有積學敦品則獎之或操行弗謹干預詞訟則懲之在任數年善者知勸而惡者斂迹六安涂公朗軒撫河南聞先生賢調署開封訓導兼充大梁書院監院大梁士子多蕩檢踰閑從來爲監院者不敢問先生嚴條約謹出入督功課昕夕糾察雖院中常數

百人而勤勤規怠激濁揚清不殫勞不避怨雖毀謗橫加屹立不搖迨事後無論善與不善咸感嘆曰自有監院以來無有如于先生者也是冬大計卓異上官以廉介樸實勤謹有爲保奏先生歉然不敢居次年卸開封訓導而專監大梁院事涂公倡明正學與先生極相契迄辛巳涂公改任遂力辭監院卽日回光州原任士子喜其復來不勝慶幸州紳李方伯憲之素講正學解組在家嘗問學執弟子禮光緒壬午廖學使以學術純正士林悅服保奏承部委採訪儒林傳及忠孝節烈不濫不遺庚寅六月二十一日卒於任距生癸未之年享壽六十八歲嗚呼師道之不講也久矣周禮天官以九兩繫邦國之民曰師以賢得民儒以道得民周子曰師道立則善人多善人多則朝廷正而天下治自後世功利之習盛而學校之教化不明士不興行人多敗德風頹俗敝江河所爲日下也先生爲師獨能溯周官之遺範紹濂溪之芳躅學宗伊洛關閩而不參以姚江之別派道契河津餘干而尤近守平湖之家法其生平負質剛方無同流合污之見其立身折衷禮義有難進易退之操蓋頹流之砥柱吾道之干城先生其卓然有以自任而不爲世俗所搖奪者也至於平居待人忠敬調恤患難始終有恩及修堡禦賊保全鄉里等事皆不具述特述其爲師範及學術之大者以示後學先生娶王氏無出繼馬氏生子三長梧閨邑廩生次梧崗太學生三梧廂邑庠生一女適

西華縣續志卷十一

金石

六三

開封建華印刷所承印

王氏孫男五樹人樹楷俱業儒樹藩樹模樹棠俱幼梧廂肄業明道書院予嘗勉其讀儒先之書砥躬飭行庶克紹其家學焉茲介其友來求文余不敢辭謹據行狀以表其阡

明道書院

院鈔存

黃先生舒曷撰黃先生湖南湘潭人時主講汴城南明道書院網齋子梧廂從學黃先生坐學於春風中集有先正學規中州明賢集等同學數十人固莫不知大梁前之有于監院也

孫葆田趙濟寬墓表

君諱猛字濟寬西華人趙氏在康熙時有以割股療親疾舉孝行者君其來孫也祖履吉武學生考素存太學生妣張氏君爲人狀貌雄偉身長六尺少讀書通大義旣而棄文習武弱冠入縣學嘉慶十三年丁父艱十六年連丁母艱旣失怙恃又鮮兄弟時值河南大饑君與兩叔父析居僅有薄田六十畝乃痛自發奮舉向時馳馬試劍之好一切屏去不事而獨竭力於耕田常偕亞旅作出入晨而興至暮弗怠布衣粗食如常人晚年乃置田十餘頃所居曰趙灣村宅後有圃數畝種雜果樹數百本引河爲池以時灌溉又於圃內爲靛池每歲獲利甚豐由是邑中數殷實之家咸稱趙氏然君性豪落不拘小節以敦樸率下而篤於天倫

事庶母如所生庶母有女適張氏家貧而早寡君迎養家中歲杪始送歸新歲則復來以是得保貞守節五十餘年而後終君卒於道光二十年月日享年五十有四娶謝氏子三長錦堂早卒婦郭氏以節孝旌次玉堂太學生次華堂亦太學生女二孫六麟閣光緒元年恩科武舉鳳閣傑閣俱爲武學生尙賓廩生雲閣文閣俱爲太學生曾孫十人連壁武學生壯附學生嘗因凌君甲烺問學於余乞余表其曾祖墓余謂君以孤露之餘服田力卒致富厚而能以勤儉教家爲善於鄉里救災恤鄰敦宗睦族可不謂豪傑之士與昔漢晁錯論當世之務莫若使民務農近世言利之臣乃欲首重商務至設爲商部以籠天下之財使得如趙君者經營其間所舍施必有先後輕重矣會壯應優科試至省門索文甚急余姑以是應之俾碣於墓亦欲使異時治國聞者有考焉

孫先生葆田撰先生字佩南山東榮城人時以尊經學堂主講在豫華邑凌葆生甲烺爲先生門人介紹而有此也孫先生以古文鳴著有經潤樓文集後稱校經室今讀此文不溢美不遺善卓然先正矩矱

王新楨朱俊卿墓表

朱公亮功余己卯鄉榜同年友也庚辰會試出門之次日遇於途於是同過汴同至京同寓

西華縣續志卷十一

金石

六四

開封建華印刷所承印

而居同炊而食乃得日親其風範渥聆其教言循循然莫不有規矩經術湛深文章巨麗卓然人師余心早已師之矣迄今四十五年公歿且二十年矣宿草拱木念之愴懷乙丑暮春公之孫仲和與馬君子中偕來出公行狀屬爲文以表於墓余曷敢以衰老荒疏辭按狀公諱俊卿字亮公號俊甫又號靜齋祖紹先國學生由陳留遷居西華遂爲西華人父倫修六品頂戴敕贈文林郎公沈靜寡言幼遵庭訓喜讀書十歲就外傳受業於杜雲程先生弱冠入邑庠旋食廩餼每試輒冠諸生陳郡太守劉伯瑗先生特器重之手書窮經安有息肩日學道方爲絕頂人聯語以贈屢因棘圍年逾五旬始領鄉薦先以歲貢就教職歷署羅山縣教諭新鄭縣訓導又主講本縣衍疇書院並友教四方而館於郡城于宅尤久平生謹獨戒欺置功過格以自考其教人無少長必授以孝經小學講經史課文藝在學官任內一如在家塾時故門下之登賢書捷南宮者指不勝屈尤多敦品勵行之士公中年失恃事繼母金太孺人克盡孝敬家鮮奴僕特爲置婢奉箕箒後婢母訪至情訴甚哀公憐之商諸堂上俾母女同去居喪哀毀逾恆行事一如文公家禮姊妹五人家半寒素不時顧恤第五妹夫亡殉節爲請旌表崇祀節孝祠辦理忠節總局採訪切實凡邑境之忠孝節義皆得崇祀無遺漏焉自奉儉約一羔裘四十年而喜濟窮困不吝推解至修補橋路創設同善局皆樂爲

之不倦也或以關說詞訟請託則婉辭而峻拒之遂漸退無敢再干者年逾七秋而視聽不衰無事不出戶庭早起晏眠終日端坐無惰容課讀弄孫頤養以樂天年著有訓家要錄崇德堂文稿卒於光緒二十五年己亥五月距生於道光甲申九月享壽七十有六葬於城南新阡娶衛孺人德耆臣元公女生性淑慎嫻女箴躬勤儉事翁姑以孝稱教子撫孫理家待人俱有條理允爲公內助之賢卒於光緒二十二年甲午三月祔葬公墓子男一霄漢廩貢翰林院待詔選訓導前公卒女一適大學王生林室孫男三長潤藻附貢生次潤藻卽仲和直隸試用縣丞歷署天津地方審判廳推事察哈爾警務處警正三潤葆邑庠生孫女三長適太學生趙國鈞次適太學生袁松茂三適儒童馮殿卿曾孫男五昭琳師範學校畢業昭玲昭瓚中學兼師範畢業昭琨中學肄業昭琛高等肄業曾孫女六現元孫男女各三瓜縣椒衍玉樹蘭芽何其盛也要非公之積德厚而流澤長曷克臻此嗚呼公之學行豈待表而後見然非此無以慰後人之思因自忘譾陋爲揭於其墓之原

周雲凌甲烺墓表

君諱甲烺字叔炳號保生凌氏其先居固始明初遷西華遂爲西華人焉祖諱松林咸豐癸丑進士仕直隸肥鄉雄縣知縣擢永定河北岸同知保升知府贈道銜誥授中憲大夫祖妣

西華縣續志卷十一

金石

六五

開封建華印刷所承印

皮氏誥封恭人考諱顥德廩生任直隸靈壽盧龍河間武邑肅甯大名雄縣知縣同知銜誥授奉政大夫妣劉氏誥封宜人中憲君父子仍世宰雄縣有惠政雄之人爲中憲建專祠而奉政附祀焉於國史循吏皆有傳皆祀名宦鄉賢君自髫髻已異羣兒方六歲中憲君授以孝經忠經小學諸書卽曰願照此學之九歲能屬文嗣是學日進文益以有聲江夏何鐵生太守以編修督豫學錄以爲博士弟子而冠其曹光緒丁酉自廩生選爲拔貢督學者則徐悔齋也是時君之名盈於中州悔齋亦有當今無輩之語君往隨中憲君在畿輔貴筑黃子壽布政方主講保定蓮池書院君從之遊貴筑以爲才且賢得日聞所未聞學之植柢實在於斯及歸豫而瑞安黃漱蘭通政主講開封信陵書院亦極重君君宗主洛學以必得實用爲歸不斷斷於彼此是非之見其舉措蹈履必則古昔維嚴其發之於文則抒其胸臆必盡而必不悖於儒先之指歸自羣經子史以逮天文地理兵農之書無不貫也古今來之治亂得失與民生之利病亦無不悉也然持以問世則往往不投時人之好丁酉秋闈君之卷余房所呈薦也終以不合主司之尺度而擯至是已屢薦不售矣旣撤棘與悔齋言之相與太息余之聞君固自悔齋也戊戌廷試亦惟以直隸州州判就職而已君雖承世簪纓然被服儒素無子弟遨靡之爲亦不屑家人生產之計校其事親也存能養志沒能盡禮母服旣除

以爲祿養永無所及絕意功名日以著書爲事於經濟特科則不赴禮學館之聘則不應蓋其幼而承祖若父之訓出而得兩黃公以師之又嘗納交於安曉峯夏滌庵孫佩南諸君子其充於中者有其素矣區區甲乙科之得失固不足以爲忻戚也辛亥而後杜門家居非義之逸避猶塗炭蓋十有三年以甲子十二月初四日卒年六十八妻尙氏封孺人先卒子元瑞元鑿元衡女二長適淮甯補用同知劉星伯次殤孫三豫桐豫樟豫燾著有續中州人物考豫齋集遺懷集又續輯中州文徵纂西華縣志皆未及竟所蒐輯前賢之遺編刊而章之者至多於理寒石集最足以見其志嘗謂生平刻勵甚於寒石也君之卒時方亂先一年八月城陷於匪元衡爲劫去幸得脫歸元瑞兄弟卽以君卒之月葬君於祖塋之左尙孺人祔焉以渴葬未及謀納幽之文其門人諡之曰靖康先生越六年鄆城郭正誼子廉以書述君生前之意兼以元瑞之狀來屬余爲表墓之文子廉嘗問學於余又友於君余與君雖未得一面然重君學行已久旣聞其卒則深惜夫篤志好古持守節概者之日罕其人也豈忍違君之意乎又一年乃卽元瑞之狀而敘次之

周雲撰周爲前代遺老晚年在豫河南通志多出其手與凌有沅濯之契故雖未識面而深惜之如此其至也

張得天硯銘

文字之友毫楮爲耦獨此最壽賦質近厚坦腹而受以茲故久知白含垢君子之守君子之有

陸深儼山氏書

謙益友人樂善不倦洗心浴德於圖書筆墨間此切磋琢磨之一端已足傳諸不朽

三朝世史張照得因

按此硯今在西華凌氏收藏銘不著年月然陸深張照皆間名人也

金石存目

明李榮重建壽聖寺記 常社店 天順七年

陳嘉謨重修顯慶寺碑 諸葛寺 成化十二年

王賓觀音寺碑記 逍遙集 成化十九年

朱詮崇興寺重建碑記 清河駟東北 成化二十三年

陳讓重建大覺寺碑記 宿寨 成化 年

李澄三官廟碑記 逍遙 弘治十五年

梁 重修觀音堂碑記 逍遙 正德六年

重修東嶽大殿記 逍遙東門外 正德十一年

王福重建玄帝廟碑 逍遙 正德十五年

阮成性重修顯慶寺碑記 諸葛寺 嘉靖三年

張淳重修東嶽廟碑 西夏亭 嘉靖十年

周宗魯重修龍王廟記 叢桑集 嘉靖二十八年

周麟創建靜居寺毘盧殿記 靜居寺 嘉靖二十九年

西華縣續志卷十一 金石存目

王忬玉帝廟記 宿寨 嘉靖三十年

李奇銓重修天仙聖母祠碑 西夏亭 嘉靖三十六年

張一鴻再修崇興寺碑記 清河駟 嘉靖四十三年

李伯奇重修顯慶寺碑 諸葛寺 萬曆十四年

理鬯和重修城隍廟碑 萬曆二十八年

金勵李侯善政碑 萬曆三十一年

王鼎鎮重修火神廟記 逍遙 萬曆四十四年

周盤義勇武安王碑 逍遙 萬曆四十四年

陳永祚重修西嶽廟記 逍遙 天啓元年

章美行新建中岳閣碑 逍遙 天啓四年

田芸重修龍泉寺碑 思都崗 崇禎四年

王鼎鎮重修城隍廟兩廊二十四司記 崇禎十二年

清

趙雅集重修中嶽廟記 逍遙 康熙十九年

王遵訓重修真武廟碑 逍遙 康熙二十年

崔擢重修八蜡廟記 逍遙集 康熙五十五年

李大倬宜陽橋記 山子頭 乾隆四年

郭騰奎重修玉皇廟記 宿寨 乾隆二十九年

玄帝廟重建後閣暨東配殿碑 宿寨 乾隆三十三年

凌去欺重修佛殿廣生殿碑 護當城 乾隆三十四年

金曰柱重修靜居寺兩翼殿碑 乾隆四十八年

凌念居重修火神關帝廣生三官韋陀廟碑 護當城 乾隆五十九年

金敬五凌西峯墓表

重修黃土橋碑 嘉慶八年

遠成鄰重修諸葛庵顯慶寺後殿碑 道光八年

李榮重建壽聖寺記

右碑存逍遙鎮壽聖寺中寬二尺高六尺勒於天順七年李榮撰文字體正書查明代學校制度國初最重監生在京師後都燕又分南北監外州縣各有學宣德後增廣額數初

西華縣續志卷十一

金石存目

一一 開封建華印刷所承印

設食廩者為廩膳生員增廣者為增廣生員又於額外增取附於諸生之末為附學生員未入學者通謂童生大比之年間取童生異敏者與諸生一體入場謂之充場儒士此碑張祐稱文林生於選舉志始終未見不知明代有此名目否文內小窩即逍遙之轉與合流清水一地異名佛寺叢林為各方僧人掛單之所此云叢林殆因樹林叢蔚而名之歟佛教三乘之旨初根人為小乘行四諦法中根人為中乘受十二因緣上根人為大乘則修六度此云三車蓋佛書有羊車馬車大白牛車之說也後序寺內修復諸處有使客宿歇之所亦不知何使客也文蕪雜似不諳體例後序悟存舅李原吉及言悟存百年後云云駢拇枝指於義無取也

陳嘉謨重建顯慶寺記

邑令陳嘉謨撰文李文興書嘉謨前奉差過寺寺僧了深已具石待後嘉謨來令西華又因諸生程端復請以記寺址周迴三十畝有奇面積可云洪闊舊刻不存不知經始何年燬于元至明正統間了深師志緣成大雄殿五楹至了深又建伽藍祖師殿莊嚴佛羅漢像又築牆垣樹山門修設方丈倉庾等處故嘉謨嘉而記之時在成化十二年全邑各官皆署名寬約二尺四寸高五尺強現在諸葛村寺內

明王賓觀音寺碑記

蔣藩金石略列目分注王賓撰成化十九年在小陶集今在小陶訪拓尚未及見存目
朱詮崇興寺建碑記

右碑在邑清河驛寬二尺四寸高可七尺末載絳州智英書不署撰人姓名味其言是州守朱詮所作堂上人與堂下人語自有一幅嚴正氣象但累字疵句纂多

陳讓重建大覺寺碑記

右碑在宿寨大覺寺寬二尺有四高可八尺署名處已載賜進 西華縣知縣王賓并
行復有知縣張豸四字查舊志張豸江南儀真舉人成化二年任上接蘇綸天順五年任
下接翁積德成化三年任不著王賓豈賓乃一時代理故不著於策歟太歲在卯日單闕
今考紀元編成化七年爲辛卯二年則爲丙戌以張豸任年論當爲成化二年而以干支
推步當爲七年年號下數字泐去未知果爲何年也陳讓陸平等任亦不載年數

李澄三官廟碑記

蔣藩金石略列目分注李澄撰弘治十五年在小陶集查李澄爲成化進士他石刻屢見
其名此文順治乾隆兩志皆未登載今存其目

西華縣續志卷十一

金石存目

三

開封建華印刷所承印

梁 重修觀音堂碑記

右碑在逍遙觀音寺中寬二尺 寸高五尺 寸名漫漶矣餘亦多不可辨按佛書觀世
音者圓覺無礙之謂此云蓮花魚籃已落迹象觀世音菩薩曰有一人不得救誓不成佛
此與佛言我不入地獄孰入地獄者同一偉大我先聖先哲已飢已溺如傷自是覆幬罔
外特吾先聖先哲施於政治佛菩薩欲立宗教是爲異耳菩薩普渡閻浮提優婆塞優婆
夷敬信尤深此固心理弱點然亦見勞苦呼天疾痛呼父母者爲人心之所同也或謂菩
薩堂徧中國矣究竟痛苦之聲亦曾聞否吾謂佛菩薩靈爽皆以心言今世仁人君子聞
人疾苦卽思援救是卽佛菩薩之現世也請證之學佛者碑後列名李景曰廣陵縣知
朱 泰縣知豈當時知縣有斯名稱歟至縣丞作縣丞則真不可解矣書者膳文生與
某碑文林生皆臆造也

明重修東嶽大殿記

右碑在逍遙鎮東門外正德十一年鐫石橫寬四尺高二尺有奇作橫幅式吳旻書丹記
趙鳳祁忠徐賢暨諸善信等重修東嶽大殿暨修丙靈宮事也首署開封府陳州西華縣
小窩鎮爾時陳未爲府西華隸陳陳隸開封故以次序下施錢最多拾千文錢貴可知後

更有米豆青白布屬社會經濟可見一斑

王福重建玄帝祠碑記

右碑在逍遙鎮玄帝祠寬二尺有四高可八尺明代玄帝祠最普此祠修于正德間猶爲明中葉其後徧天下矣按玄帝亦號北極佑聖真君乃北方元武七宿後人以爲真君作龜蛇於其下在宋真宗避諱改爲真武靖康初加號佑聖助順靈應真君圖志云真武爲淨樂王太子修煉武當山功成飛昇奉上帝命鎮北方被髮跣足建皂纛元旗乃道家附會之說迨明洪武永樂尤加崇奉至憲宗時又於武當範金爲像於是金頂之名大著風行草偃宜各郡邑之崇祀無替也

阮成性重修顯慶寺碑記

碑在諸葛寺寬二尺五寸高可七尺西華分教瓊江阮成性撰文林生潘魁書李汝動篆額成性任儒學訓導故稱分教惟稱文林生者選舉志不載此種名稱文序寺前重修由僧實鮮了深至嘉靖三年由僧本澤可愛立意興復鄉人助之改修正殿伽藍祖師天王等殿及山門方丈庖廚庫庾等屬又與閩舉創舉鐘樓及次年九月告成成性記之並述三教所自起且詳序路之四至也後知縣張淳縣丞簿典史巡檢及僧會陰陽醫學等義

西華縣續志卷十一

金石存目

四

開封建華印刷所承印

官壽官縣椽耆老記名月紀應鐘蓋十月也

張淳重修東嶽廟碑記

右碑在西夏亭東門外寬二尺有四高可八尺前署汪軒書丹實則吳旻代書後署知縣陳世熙銜名查舊志張淳前後任無世熙其人淳以歲貢令華釋道祠宇多建於斯時蓋明興於是百五六十餘年具徵民力之普存矣

查順治乾隆兩志均載知縣張淳嘉靖四年任其下劉文瑞嘉靖二十年任其間相距殆十六年此碑立於嘉靖十年而馬魴撰柳城寺修建碑記亦載文林郎知縣陳世熙其時爲嘉靖十二年又賈詠撰重粧玉皇廟記亦載西華縣知縣陳世熙兩碑均不及淳似可以證明張淳在嘉靖十年卸任陳世熙於斯年繼任碑文遂將前後兩任長官並記之至兩志之不載殆採訪時文獻難徵以致闕略邑人馬兆驤附註

周宗魯重修龍王廟記

碑在叢桑龍神廟寬二尺高四尺時在嘉靖二十八年庠生周宗魯撰并書文字無出色處惟謂叢桑隸轄不同遡漢晉而一名南置沙河一派閩里許 爲源淮潁爲流霖雨漲湍衝漂田廬甚至一歲數發可資地理掌故並可想見地方利害情形

周麟創建淨居寺毘盧殿記

碑在展莊西頭與夏雲記在一處寬二尺有半高八尺嘉靖庚戌邑人周麟撰文知縣董第學官唐朝宗睦祿劉洋典史吳臣與致政趙仲仟馬魴牛榛等署名按記發念建築造像者寺僧首倡施金者蘇仲和同募者齊朋張美鑄銅佛一尊重千斤造殿五間按毘盧佛名僧人於七月中元結盂蘭會首座僧裝爲毘盧佛誦經施食戴毘盧帽因帽有毘盧佛小像故名

王忬宿寨鎮北玉帝廟記

碑在宿寨玉皇廟寬二尺強高五尺王忬撰記文瑕瑜不掩可異者作者與書者之大不倫也按忬字民望明太倉州人爲王鳳洲先生世貞之父時視河東鹽政後起按湖廣事在嘉靖二十九年以前此碑紀年辛亥則已在嘉靖三十年矣時忬正出守通州抵禦俺答豈得再署巡撫湖廣且忬在湖廣乃按察非巡撫其不可信一也又忬登第後王事鞅掌又無名人介紹豈爲趙福小民作此等題文字其不可信二也惟文實有俊句剔去夾雜累句甚有意致意忬在他處或有此記而作文者乃生吞活剝填入宿寨及施主等項以爲斯某人所作以爲祠廟光寵時亦無過問者而門徒之淨耐書之而無如其竊文之

西華縣續志卷十一

金石存目

五

開封建華印刷所承印

技尙拙於齊客也專制時代凡書賜字皆破格高書此賜字竟在半行中插入首句又加伏惟兩字廟字上又加厥字鄙拙可笑

李奇詮重修大仙聖母祠碑記

碑在西夏亭東門外寬二尺有四高可九尺庠生李奇詮撰邑人賈玉代書天仙聖母奇誕不經然閭閻民氓其精神不能無所寄則立廟以祀作文者亦記之而已是祠發願者爲蘇欽及其子漢書集會者爲劉訓等一十八人捐貲它材拓地施功先成大殿三門次及山門廊廡嘉靖三十六年秋月鐫石記後知縣馮餘慶學官主簿典史士紳鄉耆等數十人署名

張一鴻再修崇興寺碑記

右碑在今清河驛故寺寬二尺四寸高約七尺碑記撰書人多另行列寫此記一鴻思敬署名知州吏目之下豈以儒服而有所詘歟其他署名亦無則例似亦無先後之別也一鴻文近駢麗特造作氣太甚一鴻又自稱身毒真詮傳燈祕旨若知其梗概者又未知如何也

李伯奇重脩顯慶寺殿宇碑記

碑在諸葛寺寬二尺五寸高五尺強知縣尉在廷簿尉等先署名劉士選等署名在後李伯奇撰宋時書寺在諸葛村故亦稱諸葛寺記以繪像輦菴爲無謂而謂漢代劉主驅逐胡葺武侯寄閫外握軍中過茲渡而東屯兵於斯故村號諸葛而菴寄寺東畔中誌侯蹟云云考先主武侯遇合地在新野時在先主南依劉表之際自是而後曹公南征劉琮迎降侯君臣崎嶇荆吳巴蜀之間所謂北定中原不過蓄此壯志無緣帶兵得至西華故當侯未遇先主之先或遊中原以覘形勝至遇先主後則足跡未越長淮以北史策具在班班可稽故此謂侯屯兵於斯者不免臆想之辭也惟地名諸葛當非無因地屬魏疆諸葛誕等爲魏將帥安知不屯兵於此卽後來氏諸葛爲將帥者亦未必不屯此至後代託孤老臣大名昭垂凡有其姓氏者隨附蓋臣以俱芳矣記作于萬曆十四年丙戌殿由蔡春後嗣蔡鳳岐鳳儀鳳倫等重修文不足據姑存其目

理邕和重修城隍廟碑

理邕和撰此文具理寒石集中惟舊志旣未收錄訪拓時亦未發見蔣藩金右略收列存目下分注萬曆庚子時代未遠不應遽泐存目俟考

金勵邑李侯善政碑記

西華縣續志卷十一

金石存目

六

開封建華印刷所承印

右碑存縣

處寬二尺文載舊志原碑已泐其下半矣按明代賦則沿唐兩稅之法役

法則計甲出夫有里甲有均徭有雜泛凡三等以戶計曰甲役以丁計曰徭役上命非時曰雜役皆有力役有雇役府州縣驗冊丁口多寡事產厚薄以均適其力初洪武元年田一頃出丁夫一人不及頃者以他田足之名曰均工夫每歲農隙供役以一百十戶爲一里里分十甲曰里甲以上中下戶爲三等五歲均役十歲一更造一歲中諸色雜目應役者編第均之銀力從所便曰均徭他雜役曰雜泛後法久弊生編徭役里甲者以戶爲斷放大戶而句單小用議者言以舊編力差銀差之數當丁糧之數難易輕重酌其中役以應差里甲除當復者論丁糧每少編次先後曰鼠尾冊按而徵之市民商賈家殷足而無田產者聽自占以佐銀差正統間行之役以稍平中葉以後工役繁興里甲均徭浮於歲額凡役民自里中正辦外如糧長解戶馬船頭館夫祇候弓兵皂隸門禁廚斗爲常役又有斫薪檟柴修河修倉運料接遞站鋪插淺夫之類因事編僉歲有增益嘉隆後行一條鞭法通計一省丁糧均派一省徭役一歲之役官爲僉募力差則計其工食之費量爲增減銀差則計其交納之費加以贈耗均徭里甲與兩稅爲一小民得無擾而事亦易集此所云條鞭法者殆指此也惟其中仍不能無弊如云不經之費千金之子立見其敗是其

一端矣故非良有司所在卽良法不能自行也按明代條鞭之法與現代統收統支前後一致碑泐去大半但李公循吏且文出金太阿之手存目而記其後如此

王鼎鎮重修火神廟記

王鼎鎮撰在小陶集萬曆四十四年刻石蔣藩金石略收載今存目

周盤廣建義勇武安王廟碑

右碑在逍遙鎮十字街關祠寬二尺有四高可八尺明代關廟始建於洪武二十七年稱漢前將軍壽亭侯嘉靖十年始訂其誤改稱漢前將軍漢壽亭侯以四孟歲暮應天府官祭五月十三日南京太常寺官祭此云義勇武安王廟非明之勅定封號也查唐書禮樂志以古今名將六十四人配享武成王有蜀前將軍漢壽亭侯關羽宋史禮志昭烈武成王廟配享者七十二將關在西廡東面至元史祭祀志不著武廟諸人名次封號此記作於明代未知王號之封昉自何年至清則由王而帝矣記內大函氏未詳何人又賺王自大按賺說文曰從口兼聲口有所銜也釋名以爲銜在口中之言史記外戚世家景帝心賺之漢書作銜此記賺王自大以王賺王諸語皆表示不滿之意寫賺作賺

按此碑蔣藩金石略存目分注司馬周盤撰查盤以周爲姓仕兵部尙書協理京營右都

西華縣續志卷十一

金石存目

七

開封建華印刷所承印

御史等職若以古官則司馬之職也故以爲司馬周盤云爾惟查蔣略紀姓名無冠官名者是以司馬爲周盤姓也附記於此

陳永祚重修西嶽廟記

蔣藩金石略列目分注陳永祚傳天啓元年在小陶集未見存目

章美行明新建中岳閣碑記

右碑在逍遙鎮西門內美行未知何許人能知嵩之古未爲嶽是多識古籍者然嵩山分太室少室少林爲少室山陰寺名此云少林石室非其質矣達磨面壁石周圍不踰數尺中約略似人影余猶及見之聞兵燹後亦爲劫火所燬禮教不修望秩之事歸於庶人社而稷之以昉古禋祀之制何其謬也但美行文理本通書者不察鼎誤作昉始誤作易誤作曷其他別字亦多以其數百年物也存目

田芸重修龍泉寺碑記

右碑載崇禎二年三月上浣武鄉進士田芸撰庠生張荆玉書後又書王玉璋篆未知所篆何字寬二尺高六尺行書紀重修事先述龍泉形勝後建佛寺規模草創萬曆中長老虛菴始改修歷歷嚴整如大君垂拱清穆而疏附先後各就班序末盛敘龍泉風景極舖